





ԴՐՈՇԱԿ

ՀԱՅ ՅԵՂԱՓՈԽԱԿԱՆ ԴԱՇՆԱԿՑՈՒԹԵԱՆ ՊԱՇՏՕՆԱԹԵՐԹ









ԴՐՈՇԱԿ

Հ.Յ.Դ. ԲԻՒՐՈՅԻ
ԳՐԱԴԱՐԱՆ
A.R.F. BUREAU
LIBRARY

ՀԱՅ ՅԵՂԱՓՈԽԱԿԱՆ ԴԱՇՆԱԿՑՈՒԹԵԱՆ ՊԱՇՏՕՆԱԹԵՐԹ



Հարցապրոչ

4 Դրոշակի հարցերին պատասխանում է Կիրո Մանույեանը

Միջազգային իրաւունք

9 Հայ-թուրքական իրաւական (de jure) սահմանը

Հասարակութիւն

19 Քաղաքացիական հասարակութիւն

27 Կնոջ երջանկութեան բանաձեւը

Իմացաբանական

29 Ինչպիսին է մեր ազգային բնատրոյթեան հիստորիան

Տեղեկանք

35 Հրեականութիւնը 21-րդ դարում

Նամակաւոր

39 Արշալոյս Աստվածատրեան

Խմբագրի անկիւն


50 Կանխատեսում եւ կանխորոշում

Նոր գրքեր

51 Հ. Յ. Դաշնակցութեան քննական պատմութիւն
Դրո

Դրոշակի պատկերասրահ

52 Ռուդոլֆ Խաչատրեան



“Դրոշակ” ամենամսեայ պաշտօնաթերթ
Հայ Յեղափոխական Դաշնակցութեան
Հիմնադիր՝ ՀՀԴ
Գլխավոր խմբագիր՝ Ռուբէն Յովսէփեան
Խմբագիր՝ Կ. Խանլարեան
Համակարգչային շարուածքը՝ Ս. Խաչատրեանի
Չեւատրումը՝ Ս. Յովսէփեանի
Գրանցման վկայական՝ 897
Երեւան, 375010, Մհեր Մկրտչեան 12/1
Հեռ. 521 876
Էլ. փոստ. droshak@arf.am
Տպագրութիւնը՝ «Գևորգ-Հրայր» ՍՊԸ-ի

“Droshak” monthly, ARF dashnaksoutian
publication
12/1 Mher Mkrtchian, Yerevan, 375010
Tel. 521 876
e.mail: droshak@arf.am
Editor-in-Chief: Rouben Hovsepian



ՎՅ ԱՅ ԱՉԻ

ԲՈՎԱՆԴԱԿ ՇԱՐԵՐԻ ՊԱՇՏՊԱՆ

Որքան էլ ցաւայի լինի, բայց յատկապէս Հաստատում շրջանառութեան մէջ է դրուել այն թիր կարծիքը, թէ ՎՅ Դաշնակցութիւնը Հայ Դատի եւ Հայ ազգային ազատագրական պայքարի ուղղութեամբ միայն անելիք ունի:

Անտարակոյս Դաշնակցութիւնը հենց սկզբից նուիրուեց Հայ Ազգային Ազատամարտին: Սակայն նրա նուիրման պատճառները չէին սահմանափակուում նեղ ցանկութիւնների շրջանակներում: «Դաշնակցութիւնը մի քանի անձանց հայրենասիրական ձրգտումների արհեստական պտուղը չէ,- գրում էր «Դրօշակը» դեռ 1891 թ.,- այլ ամբողջ ազգի հասունացած ինքնաձանաչողութեան, կամքի ու վճռի արտայայտութիւն»: Այդ դրոյթից ելնելով Դաշնակցութիւնը իր առջեւ խնդիր դրեց՝ ե՛ւ օրհասական կռիւ մղել ինքնապաշտպանութեան ու ազատագրութեան համար, ե՛ւ միաժամանակ պայքարել յանուն հայ ժողովրդի բարեկեցութեան եւ զարգացման: Շատերը փորձեցին, սահմանազատումներ մտցնելով «ազգայինի» ու «սոցիալականի» միջեւ, Դաշնակցութեանը մեղադրել մէկի կամ միւսի, կամ էլ երկուսի պարագայում սխալութիւն եւ զլանալու մէջ:

Սակայն Դաշնակցութիւնը իր գործով եւ գա-

ղափարախօսութեամբ ազգային ու սոցիալական ազատագրութիւնը, թուրքահայ ու ռուսահայ, արեւմտահայ ու արեւելահայ դատը համարեց եւ դարձրեց մէկ ու անբաժանելի հարց, զուգահեռ եւ անտարանջատելի պայքար: «Դրօշակը» 1892 թ. գրում էր. «Իբրեւ հիմք վերցնել ժամանակին ու տեղին յատուկ այն պայմանները, որոնք համապատասխանելով հասարակական բարօրութեան պահանջներին, նաեւ ընդհանուր կերպով որոշում են մօտիկ ապագան»: Հայ ժողովրդի ազգային ազատագրական պայքարի եւ Հայ աշխատատուր ընդհանրութեան սոցիալական շարժման համատեղման Դաշնակցութեան մօտեցումը օրուայ քաղաքական ուժերի, յատկապէս մարքսեան էտեկների եւ աջակողմեան «նացիոնալ-դեմոկրատների» կողմից համարուեց «անհասկանալի» եւ անհերթի:

Դաշնակցութեանը այսօր եւս չեն ուզում «հասկանալ» նորօրեայ որոշ քաղաքական ուժեր եւ շրջանակներ: Նրանք Դաշնակցութեան քաղաքական բնութագրման բաւականին լուրջ փորձեր են կատարում ներկայումս: Այսպէս՝ «բարի կամեցողութեամբ» ասում են, որ «Դաշնակցութիւնը միայն Հայ Դատի կուսակցութիւն է», «Դաշնակցութիւնը միայն Արցախեան

պայքարի կուսակցություն է», «եթե պետք լինի ազգային զոհողություն, ապա նորից դաշնակցականներն են հիմնականում գալու...», ապա չար մտադրությամբ եզրակացնում, որ «եթե Դաշնակցությունը իշխանության գայ, պատերազմ է յայտարարելու Թուրքիային, նորից պատերազմ է հրահրելու Դարաբաղում» եւ այլն, եւ այլն:

Ահա այն թերի, բայց ոմանց ձեռնտու դերը, որ փորձում են սահմանել ՀՅ Դաշնակցության համար:

Բայց իրօք, եթե Դաշնակցությունը պայքարում է Հայ Դատի լուծման ուղղությամբ, եթե նա հետամուտ է Արցախի հիմնահարցի հայանպաստ կարգադրմանը, եթե նա Միացեալ Հայաստանի նպատակ է հետապնդում, ուրեմն պիտի իշխանության չգայ:

Քաղաքական վիթխարի թիրիմացություն կը լինի կարծել, թե Միացեալ Հայաստանի նպատակն է այն հիմնական խնդիրը, «արատը», որով անհնար կամ էլ «անյարմար» կը լինի Դաշնակցության իշխանության գալը: Այս իմաստով նշենք մի յոթ կարեւոր պատմաքաղաքական նախադէպ. գերմանական սոցիալ-դեմոկրատական կուսակցությունը իր 1959 թ. ծրագրում (Գուդեսբերգի կուսակցաժողովի կողմից իստատառուած) որպէս «ազգային առաջադրանք» բարձրացնում էր «Միացեալ Գերմանիայի» պահանջը՝ ամրագրելով, որ՝ «Միայն վերամիաւորուած Գերմանիայում է հնարատր դառնում ողջ ժողովրդի ազատ ինքնորոշումը՝ պետության եւ հասարակութեան ձեւաւորման համար (ընդգծումը մերն է - խմբ.): Ինչպէս ազգային ինքնորոշման պահանջով, այնպէս էլ հողային, տարածքային պահանջատիրութեամբ հանդէս եկող գերմանական սոցիալ-դեմոկրատական կուսակցությունը, մի ամբողջ երեսնամեայ ժամանակաշրջանում, մինչեւ բեռլինեան պատի փլուզումը (1989 թ.), մի քանի անգամ յաղթանակեց բունդեստագեան ընտրություններում ու մի քանի անգամ իշխանության գլուխ անցաւ Գերմանիայում, առանց «պատերազմ յայտարարելու» Խորհրդային Միութեանը, եւ

միաժամանակ առանց նահանջելու իր պահանջատիրութեան մէջ...

Ուրեմն, որոնք են երեսոյթի հիմնական պատճառները:

Դաշնակցությունը ձգտում է Հայ ազգի ինտեգրալ ազատագրութեանը, ընդ որում՝ ինչպէս նրա ազգային իրաւունքների լիարժէք վերականգնմանը, այնպէս էլ սոցիալական արդարութեան հաստատմանը: Նա իր այս ձգտումները հիմնաւորելու համար մշակել է ուրոյն գաղափարական, քաղաքական եւ կազմակերպական համակարգ եւ առաջնորդում է դրանով: Համակարգ, որով ՀՅ Դաշնակցությունը ձրգտում է ազատագրուած աշխատանքի վեհապետութիւն ստեղծելով, հզօր երկիր դարձնել Հայաստանը եւ միեւնոյն ժամանակ չիրաժարուելով Ամբողջական Հայաստանի գաղափարից, հետամուտ է Հայ Դատի արդար լուծմանը: Սոյն ձշմարտութիւնը մղձաւանջային վիճակի է մատնում ոմանց, ովքեր «նպաստատր դեր» են փորձում սահմանել Դաշնակցութեան համար, եւ իրենց քաղաքական անմիջական հաշիւներից մեկնած փչացման են ենթարկում մեր ժողովրդի, նոր սերունդների ազգային ռոմանտիզմը:

Նրջանառութեան մէջ դրուող ասոյթներն առերեսոյթ Դաշնակցութեան դէմ պարզ հակաքարոզչութեան հնչեղութիւն են գտնում այսօր, սակայն խորքում Հայաստանեան հանրային կարծիքին աստիճանաբար ներարկում են այն թիր մտածելակերպը, ըստ որի պետական գործը դեկավարելու, սոցիալական հիմնահարցերը կանոնակարգելու համար անհրաժեշտ նախապայման է ազգային իդէալներից ու պահանջատիրութիւնից հրաժարուելը:

Դաշնակցությունը նման «դերերի սահմանմամբ» չի դադարելու ոչ միայն Հայ Դատի պաշտպան, այլեւ Աշխատանքի Դատի պաշտպան լինելուց, քանզի նա որպէս ազգային, ընկերվարական, ժողովրդավարական եւ յեղափոխական կուսակցութիւն շարունակելու է պայքարը Հայ ազգի բովանդակ շահերի պաշտպանութեան համար :

“Դրօշակ” - ի հարցերին պատասխանում է ՀՀԴ Քիւրոյի Հայ Դատի և քաղաքական հարցերի գրասենեակի պատասխանատու Կիրօ Մանոյեանը



“Դրօշակ” – Հայաստանում որոշ չափով տեղեակ են ՀՀԴ Հայ Դատի գրասենեակների գործունեության արդիւնքներին: Իսկ բուն գործունեությանը քչերն են ծանօթ: Էլ չենք խօսում գրեթէ ամէնուր գործող Հայ Դատի յանձնաժողովների մասին: Համոզուած ենք, որ այս ասպարէզում կատարուած աշխատանքների լիարժէք տեղեկատուութիւնը օգտակար կը լինի թէ խնդրին առաւել խորամուխ լինելու եւ թէ Հայ Դատով զբաղուողների թիւը բազմապատկելու առումով:

Կ. Մանոյեան. Մինչեւ Հայ Դատի գրասենեակների եւ յանձնա-

խմբերի գործունեութեանն անդրադառնալը, անհրաժեշտ են համարում նախ անդրադառնալ, թէ «Հայ Դատ» ասելով ի՞նչ է հասկանում Հայ Յեղափոխական Դաշնակցութիւնը, որի հովանուտակ են գործում Հայ Դատի գրասենեակներն ու յանձնախմբերը: Այս բացատրութիւնն անհրաժեշտ են համարում նրա համար, որ երբեմն նկատուում է շփոթ. «Հայ Դատ» ասելով, երբեմն հասկացուում է միայն Հայոց ցեղասպանութեան ճանաչման հարց եւ կամ՝ միայն Թուրքիային ուղղուած հայ ժողովրդի իրաւունքների խնդիր:

«Հայ Դատ» ասելով, Դաշնակցութիւնը, կարճ ասած, հասկանում է ազատ, անկախ եւ միացեալ Հայաստանի կերտում, որտեղ պիտի համախմբուի համայն հայութիւնը: Այս բանաձեւումին Դաշնակցութիւնը հասել է ժամանակի ընթացքին, յատկապէս՝ 1919 թ. մայիսի 28-ից յետոյ, երբ Հայաստանի Հանրապետութիւնը կատարեց Հայաստանի միացման հռչակումը: Իր Ծրագրում Դաշնակցութիւնն այս նպատակը որդեգրել է 1924-ին գումարուած ՀՀԴ 10-րդ Ընդհանուր ժողովի կողմից: Այդ նպատակին հասնելու համար Դաշնակցութիւնը միշտ էլ կենսական է համարել Հայաստանի անկախ պետականութեան առկայութիւնը: Դաշնակցութիւնը գտնում էր եւ գտնում է, որ անկախ Հայաստանի Հանրապետութիւնն է այն վէճը, որի վրայ կարելի է կառուցել միացեալ Հայաստանը: Դաշնակցութիւնը նաեւ որոշել է, որ այդ նպատակին կարելի է հասնել հանգրուաններով, հաշուի առնելով բազմաթիւ ազդակներ՝ միջազգային եւ տարածաշրջանային քաղաքականութիւն, հայկական հողերի վրայ իրավիճակ, հայ ժողովրդի եւ պետութեան կարողականութիւն եւ կազմակերպութիւն, եւ այլն:

Այժմ՝ Հայ Դատի յանձնախմբերի եւ գրասենեակների եւ նրանց գործունեութեան մասին: Հայաստանի Հանրապետութեան խորհրդայնացումից յետոյ, Դաշնակցութիւնը քաղաքական մի-

ջազգային շրջանակներում Հայաստանի սահմանների եւ հայ ժողովրդի իրաւունքների հարցերը բարձրացրել է Հայաստանի Հանրապետութեան պատուիրակութեան անունից: Այն պատուիրակութեան, որը 1918 թ. նոյեմբեր եւ դեկտեմբեր ամիսներին նշանակուել էր Հայաստանի Հանրապետութեան խորհուրդի կողմից, Աւետիս Ահարոնեանի նախագահութեամբ, եւ որը մասնակցելու էր Հաշտութեան վեհաժողովին, ինչպէս նաեւ այն բոլոր խորհրդաժողովներին ու համագումարներին, որոնք տեղի էին ունենալու Եւրոպայում եւ Ամերիկայի Միացեալ Նահանգներում: Համաշխարհային երկրորդ պատերազմի աւարտին, Դաշնակցութիւնը միջազգային քաղաքական նոր իրադրութիւնը համարեց նպաստաւոր՝ միջազգային նոր ձեւաւորուող ատեաններում բարձրացնելու Թուրքիայի կողմից բռնագրաւուած հայկական հողերը խորհրդային Հայաստանին վերադարձնելու հարցը: Դաշնակցութիւնը ցանկանում էր այս նպատակի շուրջ համախմբել Սփիւռքի բոլոր քաղաքական ուժերին, ինչը սակայն նրան այդ պահին չյաջողուեց: Իսկ այն դէպքում, երբ խորհրդային Հայաստանը ինքը կը բարձրացնէր այդ հողերի վերադարձի խնդիրը՝ Հայ Դատի յանձնախումբը պէտք է աջակցէր նրան: Ահա այս նպատակով եւ այս պայմաններում, 1944 թ.-ին Դաշնակցութիւնը կազմեց Հայ Դատի յանձնախումբ, որը նաեւ 1945-ին ունեցաւ իր գրասենեակը Նիւ Եորքում, որը ի վերջոյ դառնալու էր Միացեալ Ազգերի կազմակերպութեան (ՄԱԿ) կենտրոնատեղին: Այդ ժամանակ էլ Հայ Դատի յանձնախմբի անգլերէն անուանումն էր Armenian National Committee:



1945 թ. մարտ-ապրիլ ամիսներին, Հայ Դատի յանձնախմբի կողմից յուշագրեր ներկայացուեցին Ամերիկայի Միացեալ Նահանգների, Միացեալ Թագաւորութեան եւ խորհրդային Միութեան կառավարութիւններին: Յունիսին Հայ Դատի յանձնախումբը Միացեալ Ազգերի Սան Ֆրանցիսկոյի խորհրդաժողովին եւ մասնակից պատուիրակութիւններին ներկայացրեց յուշագիր: Մէկ ամիս անց Սան Ֆրանցիսկոյում նման նախաձեռնութեամբ հանդէս եկաւ նաեւ Ամերիկահայ Ազգային խորհուրդը՝ Ռամկավար-Ազատական, Սոցիալ-Դեմոկրատ Գնչակեան եւ Հայ բոլշեւիկեան կուսակցութիւնների միութիւնը: Ինչպէս գրում է Հայաստանի առաջին հանրապետութեան վերջին վարչապետ Սիմոն Վրացեանը՝ «Սան Ֆրանցիսկոյի խորհրդաժողովին ներկայացուած պահանջները հետզհետէ իւրացուեցին նաեւ այլ երկրներում ապրող հայկական զանգուածների կողմից: Հայաստանի ժողովուրդն ու կառավարութիւնը եւս իրենց ձայնը միացրին արտասահմանի հայութեան ձայնին: Էջմիածնի Ազգային-Եկեղեցական ժողովի

պատգամաւորներն էլ հաստատեցին ազգային միահամուռ կամքը Հայ Դատի մասին: Վերջապէս, Ամենայն Հայոց կաթողիկոսը՝ Երեք Մեծերին դիմելով, եւ Հայաստանի կոմունիստական կուսակցութեան քարտուղար Գ. Յարութիւնեանը՝ ճառով, նուիրագործեցին հայութեան պահանջների համազգային բնոյթը»:

Միջազգային քաղաքական կացութիւնը շուտով փոխուեց, սկսուեց Սառը պատերազմը: Խորհրդային Հայաստանն ու Սփիւռքի մէկ կարեւոր մասը յայտնուեցին տարբեր ճամբարներում. Սառը պատերազմի տրամաբանութեամբ պառակտում առաջացաւ հէնց Սփիւռքում: Անցաւ երկու տասնամեակ, Սառը պատերազմը մի քիչ մեղմացաւ, Դաշնակցութեան ղեկավարութիւնը ստանձնեցին Սփիւռքում ծնուած սերունդի ներկայացուցիչներ: Հասաւ Մեծ եղեռնի յիսնամեակը: Անհրաժեշտ էր աշխարհի հետ խօսել իրեն հասկանալի լեզուով: 10-15 տարի էր, որ ի զօրու էր դարձել ՄԱԿ-ի Յեղասպանութեան կանխարգելման եւ պատժումի կոմիտեի անունը: Քաղաքականօրէն նպատակայարմար նկատուեց Թուրքիայից հայ ժողովրդի իրաւունքների եւ պահանջների հարցը ներկայացնել ցեղասպանութեան տեսանկյունից: Երբ աշխարհը ճանաչէր Հայոց ցեղասպանութեան փաստը, այդ ճանաչման տրամաբանական շարունակութիւնը կը լինէր հայոց իրաւունքների հարցը: Այդ ժամանակից էլ սկսուեց Հայոց ցեղասպանութեան միջազգային ճանաչման գործընթացը, որը սակայն ինքնանպատակ չէր: Երեւանի փողոցներում «մեր հողերը» պահանջող ժողովրդային զանգուածները միաժամանակ եւ արծագանք էին Սփիւռքի ծիգերին, եւ ներշնչման աղբիւր այդ նոյն Սփիւռքին:

Սփիւռքի բոլոր համայնքներում Դաշնակցութիւնը կազմեց Հայ Դատի յանձնախմբեր, որոնք գործում են առ այսօր: Մի շարք քաղաքներում գործում են նաեւ Դաշնակցութեան այդ շրջանների մարմիններին ենթակայ Հայ Դատի գրասենեակներ՝ Գլենդէյլ, Նիւ Եորք, Օտտաւա, Բուենոս Այրես, Թեհրան, Բէյրութ, Հալէպ եւ այլն:



Հայ Դատի Յանձնախմբի Օտտաւայի գրասենեակի բացում, 2005թ.

ՀՀԴ Հայ Դատի յանձնախմբերի եւ գրասենեակների առաջադրանքներին մաս են կազմում ոչ միայն Հայոց Ցեղասպանութեան ճանաչումը, այլ նաեւ Հայաստանին եւ Արցախին վերաբերող խնդիրներ, Ջաւախքի հայութեան իրաւունքների պաշտպանութիւնը եւ այլն:

Վերջին տասնամեակներում, միջազգային քաղաքական կեանքի ամենակարեւոր մայրաքաղաքներում՝ Վաշինգտոն, Մոսկուա եւ Բրիւսել, Դաշնակցութիւնը հաստատել է Հայ Դատի գրասենեակներ, որոնց օտարալեզու անուանումը պատշաճուել է իրենց քաղաքական միջավայրին:

Այս գրասենեակներից առաջինը հաստատուեց 1984 թ., Վաշինգտոնում: Այն առաւելարար հանդէս է գալիս եւ ճանաչում է որպէս ամերիկահայութեան քաղաքական առաջադրանքներն ու շահերը ամերիկեան քաղաքական շրջանակներում հետապնդող գլխաւոր կառոյց: Ամերիկայի Հայ Դատի յանձնախմբի ու Վաշինգտոնի գրասենեակի աշխատանքների մասին կարելի է շատ երկար խօսել. անհրաժեշտ է շեշտել մէկ կէտ. նրանք գործում են ԱՄՆ-ի բազմաթիւ քաղաքներում ներկայ Հայ Դատի տեղական յանձնախմբերով եւ ժողովրդային խոշոր ցանցով:

Մոսկուայի գրասենեակը հաստատուեց 1993 թ. եւ հիմնականում գործում է որպէս Դաշնակցութեան Բիւրոյի քաղաքական գրասենեակ: Այս գրասենեակի միջոցով նաեւ քաղաքական որոշ աշխատանքներ են տարւում ԱՊՀ անդամ հարեւան երկրներում: Բրիւսելի գրասենեակը հաստատուեց 2002 թ.: Նկատի ունենալով ընդհանրապէս աշխարհում ընթացող գործընթացները, յատկապէս՝ մեր տարածաշրջանի վրայ ազդեցութիւն ունեցող քաղաքական հոլովոյթներն ու նրանց մէջ Եւրոպայի դերակատարութիւնը, անհրաժեշտ էր զարկ տալ Եւրոպայում մեր քաղաքական աշխատանքներին: 1990-ականների կէսերին, գլխաւորաբար ՄԱԿ-ի եւ միջազգային այլ կազմակերպութիւններում Արցախի հարցի պաշտպանութեան նպատակով, ժնեւում հաստատուել էր Հայ Դատի գրասենեակ: Իսկ 2001 թ.-ին Եւրոպայի գրասե-

նեակը ժամանակաւորապէս հաստատուեց Փարիզում, ապա Բրիւսելում, նկատի ունենալով, որ այդ քաղաքում են հաստատուած Եւրոպական գլխաւոր կառոյցները: Գրասենեակը եւ Եւրոպայում ՀՀԴ կազմակերպական շրջանների մասնակցութեամբ կազմուած Եւրոպայի Հայ Դատի յանձնախումբը գործում են Եւրոպական կառոյցների եւ Եւրոպայում գտնուող միջազգային կազմակերպութիւնների հետ:

2005 թ. օգոստոսի 1-ին Բէյրութում բացուեց Հայ Դատի Մերձաւոր Արեւելքի գրասենեակը: Այն ունի տարածաշրջանային առաքելութիւն, յատկապէս՝ արաբական եւ իսլամական երկրների քաղաքական եւ հասարակական շրջանակներում Հայաստանի, հայութեան եւ հայկական հարցերի նկատմամբ դրական կեցուածք ձեւաւորելու նպատակ:

Եւ վերջապէս, Երեւանում գործում է ՀՀԴ Բիւրոյի Հայ Դատի



Հայ Դատի յանձնախմբի Միջին Արեւելեան գրասենեակի բացումը, 2005թ.

եւ քաղաքական հարցերի գրասենեակը: Նման գրասենեակ անցեալում գործել է Աթէնքում, երբ քաղաքական արգելքների պատճառով Բիւրոյի նստավայրը տակաւին Երեւանում չէր հաստատուել: Այս գրասենեակի պարտականութիւնն է համադրել Բիւրոյի եւ շրջանների Հայ Դատի գրասենեակների ու յանձնախմբերի աշխատանքները, պահել Բիւրոյի միջազգային յարաբերութիւնները:

“Դրօշակ”. – **Չէ՞ք կարծում, որ նկատելի անհամաչափութիւն գոյութիւն ունի Հայ Դատի ուղղութեամբ տարուող՝ Հայաստանեան եւ Սփիւռքեան աշխատանքներում: Երբեմն այնպիսի տպաւորութիւն է ստեղծուում, թէ Հայ Դատով շահագրգիռ են առաւելապէս սփիւռքահայերը:**

Կ. Մանոյեան. – Եթէ կայ այդպիսի տպաւորութիւն, ապա ճիշտ տպաւորութիւն չէ: Յաճախ, Թուրքիան փորձում է այդպիսի տպաւորութիւն ստեղծել: Արդէն ասացի, որ Հայ Դատը միայն Թուրքիայից մեր իրաւունքների պահանջատիրութիւնը չէ: Այս տեսանկիւնից, պարզ է, որ Հայաստանի Հանրապետութեան հզօրացումը, իսկ դա միայն ռազմական խնդիր չէ, եւ Արցախի ամ-



Հայ Դատի Յանձնախմբի Եւրոպայի գրասենեակի նախաձեռնութեամբ Եւրոպահայութեան առաջին համաժողովը, 2005թ.



Թուրքիայի ԵՄ անդամակցության դեմ ցույց ելրոպայում, 2005թ.

րապնդումը Հայ Դատի բաղկացուցիչ մասերն են եւ այդ ուղղութեամբ գործունէութիւնը նոյնպէս Հայ Դատի համար պայքար է: Ինչ վերաբերում է Հայոց ցեղասպանութեան միջազգային ճանաչմանը եւ Թուրքիային, ապա այստեղ եւս Հայաստանի դերակատարութիւնն անուրանալի է, յատկապէս երբ 1998 թ.-ի իշխանափոխութիւնից յետոյ Ցեղասպանութեան միջազգային ճանաչումը Հայաստանի արտաքին քաղաքականութեան մաս կազմեց: Այն փաստը, որ Թուրքիան Հայաստանին է նախապայման ներկայացնում հրաժարուել հողային պահանջներից, Արցախից եւ Ցեղասպանութեան միջազգային ճանաչման խնդրից, վկայում է այն մասին, որ Հայաստանի դերն այս հարցերում առանցքային է:

“Դրօշակ” – Գոյութիւն ունի՞, եւ ի՞նչ չափով, համագործակցութիւն ՀՀ Ռաշնակցութեան եւ հայկական այլ կազմակերպութիւնների միջեւ՝ Հայ Դատի աշխատանքներում:

Կ. Մանոյեան. – Հայ Դատի աշխատանքներում Ռաշնակցութիւնը միշտ էլ ցանկացել է ստեղծել ազգային միասնականութիւն եւ այն պարբերաբար յաջողուել է նրան: Այսօր եւս նման համագործակցութիւն կայ հայկական այլ կազմակերպութիւնների հետ, նայած կոնկրետ խնդրին: Օրինակ, ԱՄՆ-ում, Ցեղասպանութեան բանաձեւի խնդրով, հայկական բոլոր կազմակերպութիւններն էլ համագործակցում են: Նման համագործակցութիւն կայ նաեւ Եւրոպայում՝ Թուրքիայի Եւրոմիութեանն անդամակցութեան գծով: Բայց, այն դէպքերում, երբ տարբեր կազմակերպութիւններ սկզբունքային այլ հարցերի նկատմամբ սխալ կեցւածք են որդեգրում, Ռաշնակցութիւնը դէմ է հանդէս գալիս այդ նախաձեռնութիւններին: Օրինակ, երբ պարզ դարձաւ, որ Ամերի-

կայի Հայկական համագումարը այսպէս կոչուած Թուրք-Հայկական հաշտութեան յանձնախմբի աշխատանքներին մասնակից է, Ռաշնակցութիւնը չվարանեց քննադատել այդ քայլը:

“Դրօշակ”. – Վերջերս շատ է խօսուում Սեւրի դաշնագրի եւ Վիլսոնեան մանդատի շուրջ: Որքանո՞վ էք հնարաւոր համարում վերակենդանացնել թէ դաշնագրի 89րդ յօդուածը եւ թէ Վիլսոնի իրաւարար որոշումը:

Կ. Մանոյեան. – Կարծում եմ, խնդիրը այնքան Սեւրի դաշնագրի եւ նախագահ Վիլսոնի իրաւարար որոշումը վերակենդանացնելը չէ, որքան, միջազգային իրաւական փաստաթղթերի արժարժումով, հայկական իրաւունքների արժարժումը: Թուրքիայում խօսում են «Սեւրի սինդրոմի» մասին, այսինքն՝ թուրքական պետութեան այն վախի մասին, թէ օրերից մի օր վերակենդանացուելու է Սեւրի դաշնագիրը եւ Թուրքիան մասնատուելու է: Փաստը մնում է փաստ, որ Սեւրի դաշնագիրը եւ ԱՄՆ-ի նախագահ Վիլսոնի իրաւարար որոշումը հանդիսանում են իրաւական այն փաստաթղթերը, որոնք միջազ-



Ադրբեջանի հակահայ քաղաքականութեան դէմ ցույց Լոնդոնում, 2006թ



Ապրիլեան ցոյց Բէյրութում, 2005թ

գային համայնքի, ներառեալ՝ Թուրքիայի եւ Հայաստանի կողմից ընդունուել են որպէս հայ-թուրքական կնճռի արդար լուծում: Հայկական կողմը չի կարող հրաժարուել այդ փաստաթղթերից, եւ ինչքան արժարժուեն այդ փաստաթղթերը՝ այնքան լաւ:


“Դրօշակ”_ – Աշխատանքները հայկական ցեղասպանութեան ճանաչման ուղղութեամբ, արդեօք, չե՞ն շեղում մեր ուշադրութիւնը Հայ Դատի բուն խնդրից:

Կ. Մանուեան. – Եթէ Հայ Դատ ասելով այս դէպքում հասկանում ենք Թուրքիայից հողային պահանջներ, ապա Ցեղասպանութեան ճանաչման ուղղութեամբ աշխատանքները ճիշտ սկզբունքներով չկատարելու դէպքում կարող են մեր ուշադրութիւնը շեղել: Դաշնակցութեան համար Ցեղասպանութեան ճանաչումն ինքնանպատակ չէ: Դաշնակցութիւնը գտնում է, որ Թուրքիայի Հանրապետութիւնը Ցեղասպանութեան խնդրում պատասխանատու է ոչ միայն որպէս Օսմանեան կայսրութեան ժառանգորդ, այլ եւ՝ որպէս Ցեղասպանութիւնը իր լրումին հասցնող: Արաբիալիքի՝ Թուրքիան թուրքերին գաղափարախօսութիւնը նոյն Երիտթուրքերի գաղափարախօսութիւնն է: Թուրքիայից մեր իրաւունքներն ու պահանջները չեն պայմանաւորում Ցեղասպանութեամբ: Ինչպէս պիտի ասէր ողբացեալ Հրանտ Դինքը, եթէ նոյնիսկ ոսկեայ օդանաւերով մեզ տարագրէին, այսինքն՝ Հայաստանը հայաթափէին, մենք դարձեալ կը պահէինք մեր իրաւունքները:


“Դրօշակ”_ – Հայ Դատի եւ հայկական ցեղասպանութեան ճանաչման աշխատանքները դժուար է պատկերացնել առանց իրաւագիտական իմացութեան եւ քարոզչական հզօր մեքենայի: Ապագայ մարտահրաւերների դէմ-յանդիման մենք ունե՞նք այդ իմացութիւնը եւ այդ մեքենան: Եւ որքանո՞վ է դերակատար Հայաստանի պետութիւնը այս հարցերի կարգաւորման գործում:

Կ. Մանուեան. – Թուրքական ճակատի վրայ Հայ Դատի աշխատանքները հասել են այնպիսի հանգրուանի, որ արդէն պէտք է շեշտը դնել իրաւական խնդիրների վրայ: Այս ուղղութեամբ որոշ աշխատանքներ արդէն ձեռնարկել ենք եւ դրանք այս հանգրուանի մեր առաջնահերթութիւններն են: Քարոզչութեան բնագաւառում, կարելի է ասել, մեքենան ունենք, անհրաժեշտ է նոր շարժիչներ ապահովել: Քաղաքական պայքարում, այն էլ Թուրքիայի նման պետութեան դէմ, քարոզչութիւնն իսկապէս անփոխարինելի դեր ունի: Այն փաստը, որ այսօր Թուրքիայում որոշ շրջանակներ խօսում են

Հայոց ցեղասպանութեան մասին, վկայում է մեր բոլորի աշխատանքների յաջողութեան մասին: Ներկայ հանգրուանին, առանց մոռանալու միջազգային շրջանակները, քարոզչութեան մէջ առաջնահերթութիւն պէտք է տալ թուրք հասարակութեանն ուղղուած քարոզչութեանը: Այս բոլորի մէջ կարելիոր դերակատարութիւն ունի նաեւ Հայաստանի պետութիւնը, որի հնարաւորութիւնները, սակայն, ամբողջութեամբ չեն օգտագործուում:



Ապրիլեան ցոյց Թեհրանում, 2006թ.



ՀԱՅ-ԹՈՒՐԲԱԿԱՆ ԻՐԱՒԱԿԱՆ (DE JURE) ՍԱՀՄԱՆԸ.

ԱՆՑԵԱՆԻ ԺԱՌԱՆԳՈՒԹԻՒՆՆԵՆ ՈՒ ԱՊԱԳԱՅ
ՅՆԱՐԱԻՈՐՈՒԹԻՒՆՆԵՐՆ
ԸՍՏ ՄԻՋԱԶԳԱՅԻՆ ԻՐԱԻՈՒՆՔԻ

Արա Պապեան

Մերկայունա Յայաստանի Յանրապետութիւնը կանգնած է բախտորոշ ճամփաբաժանի առաջ: Մեր յետագայ քայլերից է կախուած, թէ մեզ համար ինչպիսի՞ն կը լինեն առաջիկայ տարիները՝ կորուստների, թէ ձեռքբերումների: Մեր առջեւ ծառացել է առկայ մարտահրաւերները չէզոքացնելու եւ դրանք դրականօրէն յեղաշրջելու հրամայականը:

Քանի որ Յայաստանի Յանրապետութեան, ինչպէս նաեւ հայ ժողովրդի հաւաքական ներուժը քաղաքական, տնտեսական կամ ռազմական ոլորտներում զիջում է, եւ մշտապէս էլ զիջելու է, Թուրքիայի ու Ադրբեջանի ընդհանուր ներուժին, ուստի անհրաժեշտ է պայքարի ու դիմակայութեան ողջ գործընթացը տեղափոխել այլ ոլորտ, ուր Յայաստանի Յանրապետութիւնը ոչ միայն չի զիջի նրանց, այլեւ կ'ունենայ շօշափելի առաւելութիւն:

Այսինքն, անհրաժեշտ է հայ-թուրքական յարաբերութիւնները տեղափոխել իրաւական դաշտ եւ այդ յարաբերութիւններում առկայ բոլոր խնդիրներին տալ իրաւական լուծումներ եւ ձեւակերպումներ:

Միեւնոյն ժամանակ, հայաստանաբնակ ժողովրդի մէջ հետեւողական աշխատանքով պէտք է հաստատել այն ըմբռնումը, որ Յայ Դատի նպատակները սերտօրէն եւ անմիջականօրէն վերաբերում են Յայաստանի Յանրապետութեան ոչ միայն ներկային, այլեւ ապագային: Ան-

հրաժեշտ է համոզիչ փաստարկներով ցոյց տալ, որ մեր առջեւ ծառացած արտաքին մարտահրաւերների մի զգալի մասը հնարաւոր կը լինի չէզոքացնել միայն մեր հարեւանների վրայ նոր եւ ազդեցիկ լծակների ձեռք բերումով: Ընդ որում, պէտք է հիմնաւորել, որ նման հնարաւորութիւն մեզ կարող է ընծեռել Յայ Դատի յաջող ելքը, այսինքն de jure Յայաստանի Յանրապետութեան մաս կազմող, սակայն այժմ թուրքական ռազմակալութեան տակ գտնուող տարածքների վրայ մեր իրաւունքների վերահաստատումը: Իսկ սա անելու համար կայ միանգամայն իրատեսական եւ իրագործելի ուղի: Ասածներս յստակ պատկերացնելու համար հարկ է միջազգային իրաւունքի տեսանկիւնից վերլուծել բոլոր այն փաստաթղթերը, որոնք վերաբերում են հայ-թուրքական սահմանին, յստակեցնել նրանց ներկայ կարգավիճակը, նախանշել մեր անելիքները: Նախ՝ սկսենք միջպետական պայմանագրերից:

Առաջին համաշխարհային պատերազմի աւարտին նախորդող ժամանակահատուածում եւ յաջորդող տարիներին կնքուել է վեց պայմանագիր, որոնք այս կամ այն չափով վերաբերել են հայ-թուրքական սահմանին: Նախ՝ ի՞նչ բան է միջազգային պայմանագիրը: Ըստ ՄԱԿ-ի պատօճական ուղեցոյց ձեռնարկի, «միջազգային պայմանագրերը համաձայնութիւններ են միջազգային իրաւուն-

քի սուբյեկտների միջեւ, որոնց միջոցով նրանք ստեղծում, փոփոխութեան են ենթարկում կամ դադարեցնում են փոխադարձ իրաւունքներն ու պարտաւորութիւնները»¹: Այսինքն, պայմանագրի օրինականութեան համար անհրաժեշտ է, որ պայմանագիրը կնքող կողմերից իւրաքանչիւրը լինի միջազգային իրաւունքի սուբյեկտ, լինի միջազգայնօրէն ճանաչուած պետութեան օրինական կառավարութեան լիազօր ներկայացուցիչ: Այս տեսանկիւնից էլ, ժամանակագրական կարգով, անդրադառնանք հայ-թուրքական սահմանին վերաբերող պայմանագրերից իւրաքանչիւրին եւ որոշենք նրանց կարգավիճակն ըստ միջազգային իրաւունքի:

1. Ժամանակագրական առումով առաջինը Բրեստ-Լիտովսկի պայմանագիրն է և նրա յաւելուածը՝ կնքուած 1918 թ. մարտի 3-ին:

1917 թ.-ի հոկտեմբերին զինուած յեղաշրջման ճանապարհով գալով իշխանութեան, ռուսաստանցի բոլշեւիկները արդէն մի քանի ամիս յետոյ յայտնուել էին ծայրայեղ ծանր վիճակում: Նրանք 1918 թ.-ի մարտի 3-ին Բրեստ-Լիտովսկու միջազգային խայտառակ պարտուողական պայմանագիր կնքեցին, որով հսկայական տարածքային զիջումների գնացին եւրոպայում: Միջին Արեւելքում բոլշեւիկները էական զիջումների գնացին պարտուող եւ կործանման եզրին կանգնած Օսմանեան կայսրութեանը: Մասնաւորապէս, Բրեստ-Լիտովսկի պայմանագրի 4-րդ յօդուածի 2-րդ եւ 3-րդ պարբերութիւններով բոլշեւիկները պարտաւորուեցին թուրքերին վերադարձնել ոչ միայն պատերազմի ընթացքում գրաւուած Արեւմտեան Հայաստանի տարածքները (կամ «Արեւելեան Անատոլիայի նահանգները», ինչպէս գրուած է պայմանագրում), այլեւ 1878 թ.-ից Ռուսական կայսրութեան մաս հանդիսացող «Արդահանի, Կարսի եւ Բաթումի մարզերը»:

Համառօտակի քննութեան առնենք Բրեստ-Լիտովսկի պայմանագիրը միջազգային իրաւունքի տեսանկիւնից: Սոյն պայմանագիրն անօրինական է ու անվաւեր, ըստ այդմ որեւէ իրաւական հետեւանք չունի հայ-թուրքական

սահմանի համար երկու պատճառով.


1. Բոլշեւիկները 1918 թ.-ին չէին հանդիսանում Ռուսաստանի օրինաւոր եւ ճանաչուած իշխանութիւններ, հետեւաբար իրաւասու չէին միջազգային յարաբերութիւնների մէջ մտնել, առաւել եւս պայմանագիր կնքել Ռուսաստանի անունից: (Այս հիմնադրոյթին աւելի հանգամանակից կ'անդրադառնանք Մոսկուայի եւ Կարսի պայմանագրերը քննելիս):

2. Բրեստ-Լիտովսկի պայմանագիրը չեղեալ է յայտարարուել իրենց իսկ կնքողների կողմից (1918 թ. սեպտեմբերի 20-ին Ռուսաստանի կողմից, 1918 թ.-ի հոկտեմբերի 30-ին՝ Թուրքիայի կողմից (Մուղրոսի զինադադարի 11-րդ յօդուածով):

2. Ժամանակագրական առումով յաջորդ պայմանագիրը Սեւրի պայմանագիրն է՝ կնքուած 1920 թ.-ի օգոստոսի 10-ին:

Սեւրի պայմանագիրն օրինական է, քանի որ կնքող բոլոր կողմերը իրենց երկրների օրինական եւ ճանաչուած իշխանութիւններն էին: Պայմանագրի շուրջ, ըստ կարգի, ընթացել են երկարատեւ բանակցութիւններ եւ Օսմանեան կայսրութեան անունից պայմանագիրը ստորագրել է լիազօր պատուիրակութիւնը: Սեւրի պայմանագիրը չի արժանացել լիակատար վաւերացման (հետեւաբար մնում է ոչ կատարեալ՝ unperfected), սակայն այն նաեւ երբեւէ չեղեալ չի յայտարարուել (հետեւաբար մնում է օրինական, բայց ուժի մէջ չմտած՝ valid but not in force):

Սխալ է տարածուած այն պատկերացումը, որ Սեւրի պայմանագիրն է որոշել Հայաստանի եւ Թուրքիայի միջեւ սահմանը: Այդպէս չէ: Սեւրի պայմանագրի 89-րդ յօդուածով կողմերը համաձայնուել են Հայաստանի եւ Թուրքիայի սահմանը իրաւարար վճռով որոշելու խնդրանքով դիմել ԱՄՆ-ի նախագահին եւ այդ վճիռն ընդունել անմիջապէս: Նոյն պայմանագրի 90-րդ յօդուածով Թուրքիան վերահաստատել է իր դիրքորոշումը, ամրագրելով՝ «ըսկասած իրաւարար որոշման օրից Թուրքիան հրաժարուում է /Հայաստանին/ փոխանցուելիք տարածքի նկատմամբ



Վուդրո Վիլսոն

իր բոլոր իրաւունքներից եւ տիտղոսից»:

ԱՄՆ-ի նախագահ Վուդրո Վիլսոնը Հայաստանի եւ Թուրքիայի միջեւ սահմանի վերաբերեալ իրաւարար վճիռը ստորագրել եւ հաստատել է ԱՄՆ-ի պետական կնիքով 1920 թ.-ի

նոյեմբերի 22-ին: Այսինքն, 1920 թ.-ի նոյեմբերի 22-ին իրաւարար վճիռը մտել է ուժի մէջ: Այդ օրուանից նախկինում Օսմանեան կայսրութեան մաս կազմող Վանի, Բիթլիսի, Էրզրումի եւ Տրապիզոնի նահանգների նկատմամբ (ընդհանուր առմամբ 103.599 քառ. կմ) չեղեալ են յայտարարուել թուրքական իրաւունքներն ու տիտղոսը եւ de jure ճանաչուել են Հայաստանի Հանրապետութեան իրաւունքներն ու տիտղոսը:

ԱՄՆ-ի նախագահ Վուդրո Վիլսոնի իրաւարար վճիռն, որպէս հայոց իրաւունքների ամենագորեղ կռուանի, աւելի հանգամանակից մենք կ'անդրադառնանք ստորեւ:



3. Ժամանակագրական առումով յաջորդ պայմանագիրը Ալեքսանդրապոլի պայմանագիրն է՝ կնքուած 1920 թ.-ի դեկտեմբերի 3-ին:

Սա սովետահայ պատմագրութեան ամենասիրելի թեմաներից մէկն էր, քանի որ այն հնարաւորութիւն էր տալիս Դաշնակցութեանը մեղադրել դաւաճանութեան մէջ, իսկ բոլշեւիկներին ներկայացնել որպէս ազգի փրկիչների: Մեր խնդիրը չէ պատմական քննարկումներ կատարել: Մեր նպատակն է քննել Ալեքսանդրապոլի պայմանագիրը միջազգային իրաւունքի տեսանկիւնից:

Ալեքսանդրապոլի պայմանագիրն անօրինական է ու անվաւեր, նախ, այն պատճառով, որ կնքող կողմերից եւ ոչ մէկը չի ունեցել դրա իրաւասութիւնը: Պայմանագիրը հայկական կողմից կնքողներն արդէն իշխանութիւն չէին, իսկ Թուրքիայի կողմից կնքողները դեռեւս իշխանութիւն չէին: Երկու կողմերն էլ գործել են ultra vires², այսինքն ակնյայտօրէն գերազանցել են իրենց իրաւասութիւնները: Հանրայայտ փաստ է, որ Հայաստանի Հանրապետութեան վերջին օրինական կառավարութեան կողմից իշխանութեան յանձնումը տեղի է ունեցել 1920 թ.-ի դեկտեմբերի 2-ին՝ «ՌՍՖՍՀ լիազօր ներկայացուցչութեան եւ Հայաստանի Հանրապետութեան կառավարութեան միջեւ» կնքուած համաձայնագրով³: Այս մասին տեղեակ էր նաեւ Քեազիմ Կարաբեքիրը, երբ դեկտեմբերի 3-ին (2-ի լոյս 3-ի գիշերը⁴) ստորագրում էր Ալեքսանդրապոլի պայմանագիրը:

Ալեքսանդրապոլի պայմանագիրն անօրինական է նաեւ այն պատճառով, որ ստորագրուել է միջազգային իրաւունքի սկզբունքները ոտնահարող ուժի կիրառման բացայայտ սպառնալիքով⁵:

4. Ժամանակագրական առումով յաջորդ պայմանագիրը Մոսկուայի պայմանագիրն է՝ կնքուած 1921 թ.-ի մարտի 16-ին:

Ինչպէս գրուած է Մոսկուայի պայմանագրի նախաբանում, փաստաթուղթը կնքուել է «Ռուսաստանի Սոցիալիս-

տական Ֆեդերատիւ Սովետական Հանրապետութեան կառավարութեան եւ Թուրքիայի Ազգային Մեծ Ժողովի կառավարութեան» միջեւ: Քանի որ ցանկացած պայմանագրի կարգավիճակ ածանցում է ստորագրողների իրաւական կարգավիճակից, ուստի առաջին հերթին անհրաժեշտ է յստակեցնել նրանցից իւրաքանչիւրի կարգավիճակը 1921 թ.-ի մարտի 16-ի դրութեամբ:

ա. Ռուսաստանի Սոցիալիստական Ֆեդերատիւ Սովետական Հանրապետութեան (ՍՍՍՐ) կարգավիճակը 1921 թ.-ին

Պայմանագիրը կնքելու պահին չկար «Ռուսաստանի Սոցիալիստական Ֆեդերատիւ Սովետական Հանրապետութիւն» (ՍՍՍՐ) ճանաչուած պետութիւն, հետեւաբար միջազգային իրաւունքի սուբյեկտ: Բնականաբար, նրա կառավարութիւնը չունէր որեւէ միջազգային պայմանագիր կնքելու իրաւասութիւն: ՌՍՖՍՀ-ի միջազգային օրինական ճանաչումը, արդէն ՍՍՐՄ տարազով եւ անլանունով, սկսել է միայն 1924 թ.-ի փետրուարի 1-ից՝ Մեծ Բրիտանիայի ճանաչումով⁶: Մինչեւ 1924 թ.-ը տեղի ունեցած, այսպէս կոչուած, ճանաչումները չեն առաջացրել որեւէ իրաւական հետեւանք, քանի որ իրենց հերթին բխել են չճանաչուած երկրներից կամ վարչախմբերից: Որպէսզի ճանաչումն օրինապէս համարուի այդպիսին, այն պէտք է կատարուի իր հերթին օրինականօրէն ճանաչուած միջազգային իրաւունքի սուբյեկտի կողմից⁷: Օրինակ, 1920 թ.-ին սովետական կառավարութիւնը ճանաչեց Բալթեան երկրները, սակայն այդ ճանաչումը չընդունուեց Դաշնակից ուժերի կողմից, որովհետեւ սովետական կառավարութիւնը իր հերթին օրինապէս⁸ ճանաչուած չէր⁹: Նման մօտեցումը երկրորդուել է դատական վճիռներով: Այսպէս, ՌՍՖՍՀ-ն ընդդէմ Սիբրարիոյի (RSFSR v. Cibrario) դատական գործում (1923 թ.), ԱՄՆ-ի դատարանը մերժել է ընդունել սովետական կառավարութեան յայտը այն հիմնաւորմամբ, որ վերջինս ճանաչուած չէ¹⁰: Նմանատիպ վճիռ, նոյն հիմնաւորմամբ կայացրել է շուեդական Գերագոյն դատարանը՝ Սովետական կառավարութիւնն ընդդէմ Էրիկսոնի (*Soviet Government v. Ericsson*) դատական գործում (1921 թ.)¹¹:

Վերոյիշեալ եւ տասնեակ այլ դատական վճիռներ եւ կառավարական որոշումներ վերահաստատում են միջազգային իրաւունքի այն սկզբունքը, որ առանց ճանաչման կառավարութիւններն իրաւական տեսանկիւնից գոյութիւն չունեն, հետեւաբար որեւէ իրաւական գործունէութիւն (պայմանագրերի կնքում, քաղաքացիութեան շնորհում կամ զրկում, մասնակցութիւն դատական գործընթացի եւ այլն) չեն կարող ծաւալել¹²:

բ. Թուրքիայի Ազգային Մեծ Ժողովի կարգավիճակը 1921 թ.-ին

Ըստ էութեան, սովետական իշխանութեան եւ կառավարութեան վերաբերեալ վերն ասուածը ամբողջովին վերաբերում է, այսպէս կոչուած, Թուրքիայի Ազգային Մեծ Ժողովի կառավարութեանը, որի անունից թուրքական կողմը ստորագրել է Մոսկուայի պայմանագիրը: Յիշարժան է, որ անգամ քեմալականներն իրենք որեւէ յաւակնութիւն չունէին օրինական իշխանութիւնների առկայութեան դէպքում իրենց համարելու Թուրքիայի լիազօր ներկայացուցիչներ: Նրանք պայմանագրերը կնքում էին ոչ թէ Թուրքիայի կամ Թուրքիայի կառավարութեան անունից, այլ «Թուրքիայի Ազգային Մեծ Ժողով» կոչուող կառոյցի «կառավարութեան» անունից: Թուրքիայի Ազգային Մեծ Ժողովը իր կարգավիճակով հասարակական կազմակերպութիւն էր եւ նրա մէջ միաւորուած էին նախկին պատգամաւորներ, պաշտօնանկ զինուորականներ ու պաշտօնեաներ: Նախկին պաշտօնեաների միաւորող կազմակերպութիւններ եղել են ու կան աշխարհի զանազան երկրներում, այդ թւում նաեւ Հայաստանում, սակայն նրանցից եւ ոչ մէկը իրաւունք չունի միջպետական պայմանագիր կնքելու երկրի անունից: Մուստաֆա Զեմալի վարչախումբը որեւէ իրաւական հիմք չունէր միջազգային յարաբերութիւններում ներկայացնելու թուրքական պետութիւնը: Աներկբայօրէն, առնուազն մինչեւ 1922 թ.-ի նոյեմբերը, այսինքն սուլթան Մուհամմեդ VI-ի մեկնումը Թուրքիայից, վերջինիս կառավարութեանն էին վերապահուած միջազգային յարաբերութիւնների մէջ մտնելու լիազօրութիւնները, միայն սուլթանը կարող էր լիազօրել որեւէ անձի՝ գոր-

ծելու երկրի անունից¹³:

Ընդհանրապէս քեմալականների շարժումը սկզբնաւորուել ու ընթացել է օսմանեան սահմանադրութեան ոտնահարումով եւ միջազգային իրաւունքի խախտումով, որ է երկրի օրինական իշխանութեան՝ սուլթան-խալիֆի դէմ ապստամբութիւնը եւ Մուդրոսի զինադադարի (30 հոկտեմբերի 1918 թ.) ոտնահարումը: Մուստաֆա Քեմալը 1921 թ.-ին պարզապէս փախուստի մէջ գտնուող քրեական յանցագործ էր: Այդ իսկ պատճառով դեռեւս 1920 թ.-ի ապրիլի 11-ին կայսրութեան բարձրագոյն կրօնաւորի՝ շէյխ-ուլ-իսլամի, ֆեթուայով (կոնդակով) Մուստաֆա Քեմալը մահուան էր դատապարտուել: Նրա նկատմամբ նոյն տարուայ մայիսի 11-ին մահապատժի վճիռ էր կայացրել նաեւ թուրքական ռազմական դատարանը: Այս դատավճիռը 1920 թ.-ի մայիսի 24-ին հաստատուել էր սուլթանի կողմից:

Ի լրումն սրա, Մոսկուայի պայմանագրի Հայաստանին վերաբերող մասը միջազգային իրաւունքի եւս մի խախտում է, քանի որ պայմանագրերը կարող են վերաբերել միայն պայմանագիրը ստորագրող կողմերին եւ որեւէ պարտաւորութիւն կամ իրաւունք չեն ստեղծում պայմանագրին մաս չկազմող երրորդ կողմի համար¹⁴:

5. Հայ-թուրքական սահմանին վերաբերող յաջորդ պայմանագիրը Կարսի պայմանագիրն է՝ կնքուած 1921 թ.-ի հոկտեմբերի 13-ին:

Միանշանակ է, որ Կարսի պայմանագիրն անօրինական է ու անվաւեր, քանի որ պայմանագիրը կնքած կողմերից եւ ոչ մէկը չի եղել միջազգային իրաւունքի սուբյեկտ: Ալեքսանդրապոլի եւ Մոսկուայի պայմանագրերին վերաբերող հատուածում քեմալականների մասին արդէն խօսուեց: Անդրադառնանք Հայաստանի Սովետական Սոցիալիստական Հանրապետութեան կարգավիճակին, որն էլ հանդիսացել է քեմալականների հետ պայմանագիրը կնքած կողմերից մէկը:

Անվիճելի է, որ Սովետական Հայաստանը երբեք չի եղել միջազգային իրաւունքի սուբյեկտ, երբեք ճանաչ-

ւած չի եղել միջազգային իրաւունքի որեւէ այլ սուբյեկտի կողմից, երբեք չի ունեցել այլ երկրների հետ յարաբերութիւնների մէջ մտնելու կարողութիւն: Պարզ ասած, երբեք չի ունեցել դեսպանութիւններ եւ Հայաստանի Սովետական Սոցիալիստական Հանրապետութեան անունից երբեւէ ոչ մի դեսպան չի հաւատարմագրուել: Իսկ «այլ պետութիւնների հետ յարաբերութիւնների մէջ մտնելու կարողութիւնը» (capacity to enter into relations with the other states) հանդիսանում է պետականութեան չորս չափորոշիչներից մէկը, որն անրագրուած է Մոնտեվիդէոյի՝ Պետութիւնների իրաւունքների եւ պարտականութիւնների մասին 1933 թ.-ի (*Convention on Rights and Duties of States, 1933*) կոնվենցիայի առաջին յօդուածի չորրորդ կետում: Սովետական Միութեան կազմում պարզապէս եղել է «Հայաստանի Սովետական Սոցիալիստական Հանրապետութիւն» վարչատարածքային միաւոր:

6. Ժամանակագրական առումով վերջին պայմանագիրը, որին հարկ ենք համարում անդրադառնալ Լոզանի պայմանագիրն է՝ կնքուած 1923 թ.-ի յուլիսի 24-ին:

Նախ մի շատ տարածուած մոլորութեան մասին. Լոզանի պայմանագրի կնքումով Սեւրի պայմանագիրը չեղեալ չի յայտարարուել: Որեւէ պայմանագիր կամ միջազգային պարտաւորութիւն նոր պայմանագիր կնքելու պարագային ինքնըստինքեան չեղեալ չի լինում: Պայմանագիրը չեղեալ է դառնում ոչ այլ կերպ, քան չեղեալ յայտարարումով: Ընդ որում, պայմանագիրը կարող է չեղեալ յայտարարուել միայն նախորդ պայմանագրի մաս հանդիսացող բոլոր, կրկնում եմ՝ բոլոր, կողմերի համաձայնութեամբ, դրա մասին յստակ յայտարարումով եւ այդ իրողութեան անրագրումով յաջորդ պայմանագրի մէջ: Լոզանի պայմանագիրը չեղեալ չի յայտարարել Սեւրի պայմանագիրը: Լոզանի պայմանագրի մէջ ընդհանրապէս որեւէ յիշատակում չկայ Սեւրի պայմանագրի մասին: Այո, ըստ միջազգային իրաւունքի, պայմանագիրը կնքած երկրները իրաւասու են յաջորդ պայմանագրով վերատեսութեան ենթարկել նախորդ պայմանագրի դրոյթները:

Սակայն փոփոխուած կամ նորամուտ դրոյթները իրաւական ուժ ունեն միայն նոր պայմանագիրը ստորագրած երկրների համար, իսկ մնացածների համար չարունակում են ուժի մէջ մնալ նախորդ պայմանագրի դրոյթները: Սա յստակօրէն ամրագրուած է Վիեննայի՝ Պայմանագրերի իրաւունքի մասին կոնվենցիայի 39-րդ, 40-րդ եւ 41-րդ յօդուածներում: Սերի պայմանագիրը ստորագրել է 18 երկիր, իսկ Լոզանի պայմանագիրը՝ ընդամենը 7: Այսինքն, Լոզանին չմասնակցած երկրների համար իրաւական է Սերի պայմանագիրը, իսկ Լոզանի պայմանագիրը ստորագրած երկրների համար իրաւական են Սերի պայմանագրի այն դրոյթները, որոնք չեն փոփոխուել Լոզանի պայմանագրում:

Աւելին, Լոզանը ոչ միայն չեղեալ չի յայտարարել հայոց իրաւունքները, այլեւ 16-րդ յօդուածով վերահաստատել է դրանք: Այսպէս, Լոզանի պայմանագիրն անդրադառնում է թուրք-բուլղարական, թուրք-յունական եւ թուրք-սիրիական սահմաններին, ըստ այդմ յստակեցնում թուրքիային պատկանող տարածքները միայն երկրի այդ հատուածներում: Իսկ քանի որ Լոզանի պայմանագրի 16-րդ յօդուածը յայտարարում է, որ թուրքիան հրաժարում է բոլոր այն տարածքներից, որոնց վրայ Լոզանի պայմանագրով չի ճանաչուել թուրքիայի ինքնիշխանութիւնը, իսկ Վիլսոնի իրաւարար վճռով Հայաստանին յատկացւած տարածքների վրայ Լոզանի պայմանագիրը չի ճանաչել թուրքական ինքնիշխանութիւնը, հետեւաբար թուրքիան մէկ անգամ եւս հաստատել է վիլսոնեան Հայաստանից իր հրաժարումը:

Ամփոփենք մեր քննութեան արդիւնքները եւ անդրադառնանք բազմիցս յիշատակած եւ իմ համոզմամբ Հայ Դատի հիմնասիւնն ու նրա յաջողութեան գրաւականը հանդիսացող ԱՄՆ-ի նախագահ Վուդրօ Վիլսոնի իրաւարար վճռին:

Մինչ այդ, սակայն, յստակեցնենք հետեւեալը. ճիշտ է, որ Պայմանագրերի իրաւունքի մասին Վիեննայի կոնվենցիան ընդունուել է 1969 թ.-ին եւ յետադարձ ուժ չունի, ինչպէս յայտարարուած է կոնվենցիայի 4-րդ յօդուածում, սակայն յստակ է, որ բոլոր այն չափորոշիչային հիմնա-

դրոյթները, որոնցով քննութեան առանք վերոնշեալ պայմանագրերը, միջազգային իրաւունքում առկայ են եղել եւ գործել են դարեր ի վեր, այսինքն լատիներէն ասած՝ եղել են jus cogens, այսինքն՝ բոլորի համար պարտադիր ու անբեկանելի: Դրանք ամրագրուել են Վիեննայի միջազգային կոնվենցիայի մէջ: Եւ ինչպէս հաստատում է նոյն Վիեննայի կոնվենցիայի 53-րդ յօդուածը, պայմանագիրն անվաւեր է, եթէ կնքելու պահին ոտնահարուել է միջազգային իրաւունքում ճանաչում գտած որեւէ անբեկանելի հիմնադրոյթ, այսինքն որեւէ jus cogens:

Հետեւաբար, վերը քննութեան առած վեց պայմանագրից չորսը անվաւեր են, քանի որ նրանցից իւրաքանչիւրը կնքուել է միանգամից մի քանի jus cogens-ների ոտնահարմամբ: Անվաւեր պայմանագրերն են՝ Բրեստ-Լիտովսկի պայմանագիրը, Ալեքսանդրապոլի պայմանագիրը, Մոսկուայի պայմանագիրը եւ Կարսի պայմանագիրը: Սերի պայմանագիրը օրինական է եւ վաւեր, սակայն այն ուժի մէջ չի մտել, քանի որ լիովին չի վաւերացուել: Իսկ Լոզանի պայմանագիրը, ինչպէս ասուեց, Հայաստանին վերաբերում է անուղղակիօրէն:

Այժմ անդրադառնանք, ինչպէս նշեցի, Հայ Դատի հիմնասիւնը եւ յաջողութեան գրաւական հանդիսացող ԱՄՆ-ի նախագահ Վուդրօ Վիլսոնի իրաւարար վճռին (Arbitral Award): Նախ մի փոքր պատմական ակնարկ.

1920 թ.-ի ապրիլի 25-26-ին Դաշնակից եւ ընթերակայ ուժերի Գերագոյն խորհուրդը (Supreme Council of Allied and Associated Powers), բաղկացած Մեծ Բրիտանիայի, Ֆրանսիայի, Իտալիայի եւ ճապոնիայի ներկայացուցիչներից, որոշում կայացրեց դիմել ԱՄՆ-ի նախագահին երկու խնդրանքով. ա) ստանձնել Հայաստանի մանդատը, բ) իրաւարար վճռով որոշել Հայաստանի եւ թուրքիայի սահմանը¹⁵: Նոյն խնդրանքը, 89-րդ յօդուածի տեսքով, ներառուեց Սերի դաշնագրի մէջ եւ արդէն Հայաստանի ու թուրքիայի, ինչպէս նաեւ դաշնագիրը ստորագրած գրեթէ քսան երկրի անունից յղուեց ԱՄՆ-ի նախագահին: ԱՄՆ-ի նախագահը, իրաւասու մարմինները (Պետքարտուղարութիւնը, Պաշտպանութեան նախարար-

րութիւնը եւ Նախագահի վարչակազմը) եւ համապատասխան աշխատանքային խումբը (պրոֆ. Վեստերմանի գլխավորութեամբ) մանրակրկիտ ուսումնասիրեցին հայցը եւ կայացրին իրաւարար վճիռ: Վուդրօ Վիլսոնը իրաւարար վճիռը ստորագրեց 1920 թ. նոյեմբերի 22-ին, որը դեկտեմբերի 6-ին պաշտօնապէս փոխանցուեց Փարիզ՝ Դաշնակից ուժերի Գերագոյն խորհրդին: Սոյն վճռի պաշտօնական եւ անբողջական անուանումն է. «Ամերիկայի Միացեալ Նահանգների նախագահի որոշումը Թուրքիայի եւ Հայաստանի միջեւ սահմանի, Հայաստանի դէպի ծով ելքի եւ հայկական սահմանին յարակից թուրքական տարածքի ապառազմականացման վերաբերեալ», 22 նոյեմբերի 1920 թ.:

Իրաւարար վճռի բովանդակութիւնը

Ըստ իրաւարար վճռի, Հայաստանի Հանրապետութեան տիտղոսն ու իրաւունքները ճանաչում էին նախկին Օսմանեան կայսրութեան Վանի, Բիթլիսի, Էրզրումի եւ Տրապիզոնի նահանգների վրայ՝ ընդհանուր առմամբ 103,599 քառ. կմ: Դա կրկնակի քիչ էր այն տարածքից, որի վրայ Մուդրոսի զինադադարի 24-րդ յօդուածով ճանաչուել էր հայկական տիտղոսը: Նման էական կրճատումը պայմանաւորուած էր այն հանգամանքով, որ արդէն այդ ժամանակ ի յայտ էին եկել հայերի հսկայական մարդկային կորուստները:

Իրաւարար վճռի ներկայ կարգավիճակը

Իրաւարար վճիռը վերջնական է եւ պարտադիր կատարման համար¹⁶: Այն չունի ժամանակային սահմանափակում¹⁷ եւ նրա կարգավիճակը կախում չունի վճռի յետագայ ճակատագրից: Միջազգային իրաւունքը, մասնաւորապէս Հաագայի կոնվենցիայի (1907 թ.) 81-րդ յօդուածը, որով անփոփոխելի եւ անրագրուելի է իրաւարար վճիռների կարգավիճակը, ընդհանրապէս չի նախատեսում վճռի չեղեալ յայտարարում¹⁸: Ըստ միջազգային իրաւունքի, կողմերը համաձայնելով իրաւարար որոշմանը ներկայացնել իրենց վեճը, մէկընդմիջտ ընդունում են, որ իրենց կողմից կատարման համար պարտադիր կը լի-

նի իրաւարարի ցանկացած վճիռ¹⁹: Կողմերից մէկի մերժումը ի կատար ածելու իրաւարարութիւնը, չի ազդում վճռի վաւերականութեան վրայ: Ըստ այդմ, քանի որ իրաւարարութեան հայցը ներկայացուել է ոչ միայն Հայաստանի եւ Թուրքիայի, այլեւ 18 այլ երկրների կողմից, ուստի վճիռը պարտադիր է բոլոր հայցուորների համար, որոնք ներկայումս հետեւեալ երկրներն են՝ Միացեալ Թագաւորութիւն, Կանադա, Աւստրալիա, Նոր Զելանդիա, Հարաւային Աֆրիկա, Հնդկաստան, Պակիստան, Բանգլադէշ, Ֆրանսիա, Իտալիա, Ճապոնիա, Բելգիա, Յունաստան, Լեհաստան, Պորտուգալիա, Ռումինիա, Չեխիա եւ Սլովակիա: Պարտադիր է նաեւ իրաւարարի՝ Միացեալ Նահանգների համար, քանի որ ԱՄՆ-ի նախագահի ցանկացած պաշտօնական դիրքորոշում հանդիսանում է երկրի դիրքորոշումը²⁰ եւ իրաւարարութիւնից բխող քայլերը պարտադիր են կատարման համար²¹:

Հիմա ամենակարեւորի մասին. որո՞նք պէտք է լինեն մեր յետագայ քայլերը:

Առաջին հերթին մենք ոչ միայն պիտի յայտարարենք, որ պետութիւն ունեցող ազգ ենք, այլեւ պիտի գործենք որպէս այդպիսին: Այսինքն պիտի օգտուենք միջազգային սուբյեկտի մեր կարգավիճակից:

Քանի որ միջազգային իրաւունքը եւ միջպետական բազմաթիւ փաստաթղթեր, ինչպէս օրինակ՝ Եւրոպայում անվտանգութեան եւ համագործակցութեան Հելսինկիի 1975 թ.-ի եզրափակիչ փաստաթուղթը (մաս 10-րդ, պարբերութիւն 1-ին), որի վրայ կայ նաեւ Թուրքիայի ստորագրութիւնը, յանձնառու երկրներից պահանջում է միջազգայնօրէն ստանձնած պարտաւորութիւնների «բարեխիղճ կատարումը, լինեն դրանք ածանցուած միջազգային իրաւունքի համընդհանուր ճանաչում գտած սկզբունքներից եւ կանոններից, թէ լինեն ածանցուած պայմանագրերից կամ այլ համաձայնագրերից, որոնց այդ երկրները մաս են կազմում համաձայն միջազգային օրէնքի», ուստի Հայաստանի Հանրապետութիւնը կարող է եւ պարտաւոր է միջազգային իրաւունքի հիման վրայ պաշտպանել իր շահերը, այսինքն Անվտանգութեան


խորհրդի ուշադրութիւնը պիտի իրաւորի այն հանգամանքի վրայ, որ Թուրքիան չի կատարում Վիլսոնի իրաւարար վճռով ստանձնած պարտաւորութիւնները, որի հետեւանքով առաջացել է միջազգային, այսինքն հայ-թուրքական դիմակայութիւն եւ վէճ: Հայաստանի Հանրապետութիւնը որպէս ՄԱԿ-ի անդամ երկիր, ՄԱԿ-ի կանոնակարգի 35-րդ յօդուածի 1-ին կէտի հիման վրայ, լիովին իրաւասու է «Անվտանգութեան խորհրդի կամ Գլխաւոր համաժողովի

ուշադրութեանը բերել ցանկացած վէճ կամ իրավիճակ, որն իր բնոյթով համապատասխանում է (սոյն կանոնակարգի) 34-րդ յօդուածում վկայակոչուածին»: Իսկ ՄԱԿ-ի կանոնակարգի 34-րդ յօդուածն արձանագրում է. «Անվտանգութեան խորհուրդը կարող է քննութեան առնել ցանկացած վէճ կամ իրավիճակ, որը կարող է յանգեցնել միջազգային դիմակայութեան կամ առաջ բերել վէճ՝ որոշելու համար, թէ արդեօ՞ք տուեալ վէճի կամ իրավիճակի շարունակումը կարող է վտանգել միջազգային խաղաղութեան եւ անվտանգութեան պահպանումը»: Ակնյայտ է, որ ներկայ իրավիճակը արդէն իսկ յանգեցրել է հայ-թուրքական դիմակայութեան եւ վիճահարոյց վիճակի, եւ այս ամբողջը հետեւանք է Թուրքիայի կողմից իր միջազգայնօրէն ստանձնած պարտաւորութիւնների չկատարման:

Միեւնոյն ժամանակ, Հայաստանը միջնորդի, օրինակ՝ ԱՄՆ-ի, կամ իրաւարար վճռի հայցը ստորագրած որեւէ երկրի, միջոցով կարող է դիմել Թուրքիային, որպէսզի միասնաբար դիմեն ՄԱԿ-ի միջազգային դատարան (Միջազգային դատարանի կանոնադրութեան 36-րդ յօդուածի 2-րդ կէտի ա/ եւ բ/ ենթակէտերի հիման վրայ) յստակեցնելու համար Վուդրօ Վիլսոնի իրաւարար վճռի ներկայ կարգավիճակը: Զուգահեռաբար Հայաստանը պիտի հայց ներկայացնի ՄԱԿ-ի Գլխաւոր համաժողովին կամ Անվտանգութեան խորհրդին, որպէսզի վերջինս, Միջազգային դատարանի կանոնադրութեան 65-րդ յօդուածի համաձայն, Վիլսոնի իրաւարար վճռի մասին պարզաբանա-

կան կարծիքի համար (advisory opinion) դիմի միջազգային դատարան:

Ուզում եմ ընդգծել, որ Հայաստանի Հանրապետութեան կողմից միջազգային կառոյցների ներգրամամբ հայ-թուրքական դիմակայութիւնը լուծելու ձգտումը չի կարող դիտարկուել յարաբերութիւնների սրման միտում, այլ, ընդհակառակն, կարող է գնահատուել որպէս հաստատական ու դրական քայլ առկայ խնդիրները միջազ-



գային իրաւունքի հիման վրայ լուծելու ուղղութեամբ եւ արձագանք վերջին շրջանում յաճախացող հայ-թուրքական հաշտութեան կոչերի:

Սա Հայաստանի մասով: Սփիւռքը, մասնաւորապէս ԱՄՆ-ի հայ համայնքը, եւս կարող է դիմել գործնական քայլերի:

Ըստ ԱՄՆ-ի Սահմանադրութեան առաջին յօդուածի 8-րդ մասի 10-րդ կէտի, ԱՄՆ-ի Կոնգրեսը իրաւասու է որոշել միջազգային իրաւունքի խախտումները եւ պատժել խախտողներին. «The Congress shall have power to define and punish offenses against the law of nations». Առաւել եւս սա վերաբերում է այն դէպքերին, երբ միջազգային իրաւունքի հիման վրայ որոշումների կայացմանը մասնակցել է ԱՄՆ-ի բարձրագոյն պաշտօնեան, այս պարագայում երկրի նախագահ Վուդրօ Վիլսոնը: Ըստ այդմ, Կոնգրեսի որեւէ անդամ կամ անդամների խումբ Կոնգրեսի պալատներից իւրաքանչիւրում կարող է հանդէս գալ հետեւեալ հարցապնդումով.

Արդեօ՞ք Թուրքիայի կողմից ԱՄՆ-ի նախագահ Վուդրօ Վիլսոնի հայ-թուրքական սահմանի վերաբերեալ իրաւարար վճռի (22 նոյեմբերի 1920 թ.) չկատարումը միջազգային իրաւունքի խախտում է: Եթէ այո, ապա ինչպիսի՞ քայլեր է ձեռնարկում ԱՄՆ-ի գործադիր իշխանութիւնը պատժելու համար միջազգային իրաւունքը խախտողին:

Կոնգրեսը դիւրութեամբ չի կարող հրաժարուել այս հարցի քննարկումից, քանի որ ըստ էութեան սա հարցի

վերաքննում է, իսկ Կոնգրեսը իրաւասու է ժամանակ առ ժամանակ անդրադառնալ իր արտայայտած դիրքորոշումների ու յանձնարարականների ճակատագրին:

Ուզում եմ յիշեցնել, որ դեռեւս 1927 թ.-ին Կոնգրեսը, աւելի ստոյգ՝ նրա մի պալատը՝ Սենատը, արդէն մի անգամ յստակօրէն արտայայտել է իր դիրքորոշումը Վիլսոնի իրաւարար վճռի վերաբերեալ: Այսպէս, 1927 թ.-ի յունուարի 18-ին ԱՄՆ-ի Սենատը, որի իրաւասութիւնների շրջանակում է միջազգային պայմանագրերի վաւերացումը, մերժել է վաւերացնել ամերիկա-թուրքական պայմանագիրը (կնքուած Լոզանում 1923 թ.-ի օգոստոսի 6-ին), հետեւաբար ճանաչել ներկայիս Թուրքիայի Զանրապետութիւնը²²: Պայմանագիրը մերժելու համար եղել է երեք պատճառ, եւ դրանցից առաջինը եղել է ԱՄՆ-ի նախագահ Վիլսոնի իրաւարար վճռով Զայաստանի նկատմամբ Թուրքիայի ստանձնած պարտաւորութիւնների չկատարումը. «failed to provide for the fulfillment of the Wilson award to Armenia»²³:

Զաշուի առնելով, որ ներկայումս ԱՄՆ-ի Կոնգրեսի երկու պալատներում էլ դեմոկրատները մեծամասնութիւն են կազմում, կարելի է օգտագործել նաեւ կուսակցական գործօնը: ԱՄՆ-ի դեմոկրատական կուսակցութեան 1924 թ. եւ 1928թ.-ի ծրագրային հիմնադրոյթների մէջ միանշանակ շեշտուել է Թուրքիայի ստանձնած պարտաւորութիւնների կատարման անհրաժեշտութիւնը եւ Զայաստանի Զանրապետութեան իրաւունքը վիլսոնեան Զայաստանի նկատմամբ. Fulfillment of President Wilson's arbitral award respecting Armenia (1924 թ.-ի ծրագիր): Դեմոկրատական կուսակցութեան 1928 թ.-ի ծրագիրը ոչ միայն վերահաստատել է հայերի իրաւունքները, այլեւ իր զօրակցութիւնն է յայտնել ԱՄՆ-ի այն հետեւողական ջանքերին, որոնք նպատակամղուած կը լինեն Առաջին համաշխարհային պատերազմի ժամանակ եւ դրանից յետոյ ԱՄՆ-ի ու Դաշնակից ուժերի կողմից Զայաստանին եւ հայ ժողովրդին տուած խոստումների եւ պարտաւորութիւնների կենսագործմանը: «We favor the most earnest efforts on the part of the United States to secure the fulfillment of the promises and engagements made during and following the

World War by the United States and the allied powers to Armenia and her people»:

Այսօր մեր ազգային գոյութիւնը թեւակոխել է նոր փուլ: Մենք վերանուածել ենք մեր պետականութիւնը, նորից դարձել ենք պետութիւն ունեցող ազգերի ընտրեալ ընտանիքի լիիրաւ անդամ: Մենք իրաւացիօրէն հպարտանում ենք մեր ազգային պետականութեամբ, սակայն, ցաւօք սրտի, դեռեւս թերի ենք օգտագործում այդ պետականութեան ընձեռած հնարաւորութիւնները: Պետականութիւն նշանակում է միջազգային իրաւունքի կրող, այսինքն սուբյեկտ, որը կարող է իր շահերը պաշտպանել եւ իր նպատակներին հասնել միջազգային իրաւունքի հիման վրայ: Զայ Դատը, այսինքն հայոց արդար իրաւունքների հասնելու հարցը, առաջին հերթին, Զայաստան եւ Թուրքիա պետութիւններին վերաբերող հարց է, հետեւաբար այն միջազգային, որ է միջպետական, իրաւունքի հարց է: Միջազգային իրաւունքն է, որ այսօր մեզ՝ հայերիս որպէս ազգ եւ Զայաստանի Զանրապետութեանը որպէս պետութիւն, տալիս է անսակարկելի իրաւունք՝ տեր կանգնելու մեր ժառանգութեանը:

Վերջին յիսուն տարում Զայ Դատը առաւելապէս եղել է Զայոց ցեղասպանութեան միջազգային ճանաչմանը նպատակամղուած աննկուն աշխատանք: Եւ դա միանգամայն հասկանալի է, քանի որ պարտադրուած է եղել մեր պետականագուրկ վիճակով: Միեւնոյն ժամանակ, կարծում եմ, որ այն եղել է աւելի շատ միջոց, քան նպատակ: Ներկայումս հասունացել է պահը աստիճանաբար ցեղասպանութեան ճանաչումից շեշտադրումը տեղափոխելու բուն պահանջատիրութեան վրայ: Ինչքան էլ անհաւատալի հնչի, պահանջատիրութեան դաշտում մեր դիրքերն աւելի ուժեղ են եւ մեր փաստարկներն աւելի զօրեղ, քան մինչեւիսկ Ցեղասպանութեան ճանաչման գործընթացում, քանի որ մեր տարածքային ու նիւթական փոխհատուցման իրաւունքները խարսխուած են միջպետական երկկողմ եւ բազմակողմ փաստաթղթերի, Զայաստանի Զանրապետութեան հանդէպ պետութիւնների ստանձնած անսակարկ պարտաւորութիւնների եւ, առաջին հերթին, Զայաստանի Զանրապետութեան եւ աշխար-

հի ներկայիս ամենազորեղ պետութիւնների առջեւ թուրքական պետութեան անբեկանելի պարտաւորութեամբ՝ ի կատար ածելու ԱՄՆ-ի նախագահ Վուդրօ Վիլսոնի իրաւարար վճիռը:

Աշխարհում գործընթացներն առաջ են գնում յարա-

ճուն արագութեամբ եւ միշտ չէ, որ այդ գործընթացները մեր օգտին են: Մենք յապաղելու ժամանակ չունենք: Եկել է լուրջ որոշումներ ընդունելու եւ առաւել լուրջ քայլեր ձեռնարկելու ժամանակը:

1. Manual of Terminology of Public International Law, (by Isaac Paenson), United Nations, New York, 1983, p. 38.
2. Luzius Wildhaber, Treaty Making Power and Constitution, Basel and Stuttgart, 1971, p. 150.
3. Սիմոն Վրացեան, Հայաստանի Հանրապետութիւն, Թեհրան, 1982, էջ 501-502:
4. Այն, որ պայմանագիրը ստորագրուել է դեկտեմբերի 3-ին, վկայուած է նաեւ Քեմալ Աթաթուրքի կողմից (Musrafa Kemal Ataturk, A Speech delivered by Musrafa Kemal Ataturk 1927, Istanbul, 1963, p. 418):
5. Vienna Convention on the Law of Treaties, 1969, United Nations, New York, Article 52.
6. Survey of International Affairs 1924, (Comp. by Arnold J. Toynbee), London, 1926, p. 491.
7. Moore J.B., Digest of International Law, Washington, 1906, vol. I, p. 73.
8. Սինչեւ 1924 թ.-ի փետրուարի 1-ը տեղի ունեցած, այսպէս կոչուած, ճանաչումները չեն ստեղծում որեւէ իրաւական հետեւանք, քանի որ դրանք չճանաչուած երկրների կամ իշխանութիւնների կողմից էին. Էստօնիա՝ 02.02.1920, Լիտուա՝ 30.06.1920, Լատուիա՝ 11.08.1920, Լեհաստան՝ 12.10.1920, Ֆինլանդիա՝ 14.10.1920, Պարսկաստան՝ 26.02.1921, Աֆղանստան՝ 28.02.1921, Թուրքիա՝ 16.03.1921, Սոնդղիա՝ 05.11.1921 (Frederick Lewis Schuman, American Policy toward Russia since 1917: A Study of Diplomatic History, International Law & Public Opinion., London, 1928, p. 351).
9. Papers Relating to the Foreign Relations of the United States, 1920, v. III, p. 462. (The Secretary of States /Colby/ to the Ambassador in Great Britain /Davis/, August 2, 1920, pp. 461-463).
10. Hudson M.O., Annual Digest of Public International Law, Cambridge, 1931-1932, Case No. 28, p. 114. Ti-Chiang Chen, The International Law of Recognition, London, 1951, p. 137.
11. Ti-Chiang Chen, The International Law of Recognition, London, 1951, p. 137. Annual Digest, 1919-1922, case No. 30.
12. Ti-Chiang Chen, The International Law of Recognition, London, 1951, p. 138.
13. O'Connell D. P., State Succession in Municipal Law and International Law, v. I, Cambridge, 1967, p. 211.
14. Branimir M. Jankovic, Public International law, New York, 1984, p. 302.
15. The Treaties of Peace, 1919-1923, vol. I, New York, 1924, p. xxxii.
16. A Dictionary of Arbitration and its Terms, (Ed. by Katharine Seide) New York, 1970. p. 32.
17. Luzius Wildhaber, Treaty Making Power and Constitution, Basel and Stuttgart, 1971, p. 98.
18. Manual of Public International Law, (ed. by Max Sorensen), St. Martin's Press, New York, 1968, p. 693-94.
19. A Dictionary of Arbitration and its Terms, (Ed. by Katharine Seide) New York, 1970, p. 27.
20. Quincy Wright, The Control of American Foreign Relations, New York, 1922, p. 38.
21. John Collier, The Settlement of Disputes in International Law, Oxford, 1999, p. 265.
22. Unperfected Treaties of the United States of America, 1776-1976, edited and annotated by Christian L. Wiktor, Volume 6, 1919-1925, New York, 1984, p.421. Leland J. Gordon, Turkish-American Political Relations, The American Political Science Review, Vol. 22, No. 3 (Aug., 1928), p. 721.
23. Lausanne Treaty is Defeated, the Davenport Democrat, January 19, 1927, p. 1.

ՔԱՂԱՔԱՑԻԱԿԱՆ ՀԱՍԱՐԱԿՈՒԹԻՒՆ

Կարէն Խակարեան

«Ժողովրդավարութիւնը յատկանշուում է անհատի ազատ եւ հաւասար քուէի իրաւունքով եւ ազատ քաղաքացիների՝ օրէնքի առջեւ հաւասարութեամբ: Ժողովրդավարութիւնը ապահովում է ժողովրդի կամքի անկաշկանդ արտայայտութիւնը եւ հաստատութեանական ու ներկայացուցչական հիմունքով, ժողովրդի անբողջական եւ լիարժէք մասնակցութիւնը քաղաքական, ընկերային, տնտեսական ու մշակութային կեանքին՝ այդպիսով արդիւնաւէտ հիմքերի վրայ դնելով ժողովրդի եւ պետութեան փոխյարաբերութիւնը» (ՀՅԴ Ծրագիր, 1998 թ., ընդգծումը մերն է,- Կ.Խ.):

Ներածութիւն

«Քաղաքացիական հասարակութիւն» հասկացութիւնը այսօր լուրջ եւ խորքային վիճարկումների միւթ է դարձել քաղաքագիտութեան, քաղաքական փիլիսոփայութեան, իրաւաբանութեան, քաղաքական հասարակագիտութեան եւ զանազան այլ բնագաւառներում:

Այս հասկացութիւնը ոչ միայն զուտ ակադեմիական մակարդակի վերլուծութեան առարկայ է, այլ նաեւ խորապէս հետաքրքրում է մտաւորականութեան այն հատուածին, որ դէմ է տնտեսական տիրապետութեան հաստատմանը եւ ձգտում է հասարակական եւ մշակութային կեանքը վերակազմակերպել ժողովրդի ազատ

կամքի լիակատար յարգման, նրա մասնակցութեան, քաղաքական ուժի ժողովրդականացման եւ ժողովրդավարականացման սկզբունքների հիման վրայ:

Եւ տակաւին շատ ստուար է մարդկութեան այս հատուածը: Ինչպէս բնորոշում է պարսիկ մտաւորական Արդոլ Հոսէյն Ազարանգը. «Աշխատավայրումս եւ հարեւանութեանս մէջ գտնուող մի քառասուն ամերիկացի կիրթ մասնագէտներից հարցրել եմ «քաղաքացիական հասարակութեան» մասին, սակայն մի երկուսից բացի, միւսները պատկերացում չունէին: Ի հարկէ իմաստը բացատրելուց յետոյ, ամէն մէկը ասելիք ունէր, որ շատ էլ անկապ չէին միութիւն, այդուհանդերձ ինձ թւում է, որ քա-

ղաքացիական հասարակութիւնը դեռեւս համատարած հասկացութիւն չէ»:

«Քաղաքացիական հասարակութիւն» եզրոյթը, վերջին տասնամեակում, մեծ թափով քարոզում էր մանաւանդ նորանկախ եւ զարգացող երկրներում: Օրինակ, եգիպտոսում սկսեց հրատարակուել անգլիատառ պարբերաթերթ՝ «Civil Society» անունով, իսկ Իրանում՝ «Չամէէ» («Հասարակութիւն»), որոնք իրենց բուն առաքելութիւնն էին համարում «քաղաքացիական հասարակութեան» մասին տեսական լուսաբանումները:

Պիտի ասել, որ «քաղաքացիական հասարակութիւն»-ը շատ հին հասկացութիւն է: Հին հռոմէացիների մօտ գոյութիւն է ունեցել լատիներէն Societas Civilis տերմինը, որը հիմնականում վերցուած է յունարէն Politike Koinonia բառակապակցութիւնից: Այլ խօսքով՝ յունարէն «քաղաքական հասարակութիւն»-ը փոխակերպուել է լատիներէն «քաղաքացիական հասարակութիւն» բառակապակցութեան: Արիստոտելի եւ ապա Յիցերոնի երկերում եղած ակնարկներն ապացուցում են այդ հասկացութեան վաղեմիութիւնը:

18-րդ դարի կէսերին, որոշակիօրէն՝ Ամերիկեան Յեղափոխութիւնից (1775-1783 թթ.) եւ Ֆրանսիայի Մեծ Յեղափոխութիւնից (1789 թ.) շուրջ 30-40 տարի առաջ, քաղաքական միտքը նորից սկսեց բուռն հետաքրքրութիւն ցուցաբերել այդ հասկացութեան նկատմամբ:

Աւելի ուշ, գերմանացի փիլիսոփայ Հեգելը (1770-1831 թթ.), իր «Իրաւունքի փիլիսոփայութիւն» աշխատութեան մէջ (1821 թ.), նոր եղանակներով, բանավէճի առարկայ դարձրեց հարցը: Նրա մեկնաբանութեամբ «քաղաքացիական հասարակութիւնը» ընդարձակուում է մէկ կողմից մինչեւ իշխանութեան վերնախաւի, իսկ միւս կողմից մինչեւ ընտանիքի սահմանները: Հեգելը ինչպէս տնտեսական յարաբերութիւնները, այնպէս էլ բոլոր կազմակերպութիւնները եւ ինքնակառավարուող հաստատութիւնները ներառում էր «քաղաքացիական հասարակութիւն» հասկացութեան լայն շրջագծում:

Պետական գործիչ, գրող եւ քաղաքագէտ Ալէքսի Թոքուիլը (1805-1859 թթ.) փորձ կատարեց սահմանազատել քաղաքական եւ քաղաքացիական հաստատութիւնները: Նրա բնորոշմամբ տեղական իշխանութիւնները,

կուսակցութիւնները եւ այլ խմբաւորումները քաղաքական գոնայում են գտնուում, իսկ եկեղեցիները, բարեգործական ընկերութիւնները եւ ժողովրդական այլ հաւաքականութիւնները մըտնում են «քաղաքացիական հասարակութեան» շրջագծի մէջ: Թոքուիլի



Միքայէլ Վարանդեան



Անտոնիօ Գրամշի

այս սահմանազատումը, թէեւ շատ պարզ ու բնական է թւում, այնուամենայնիւ պատմագիտական առումով ունի յատկանշական կարեւորութիւն:

Գ Ե ր մ ա ն ա ց ի փիլիսոփայ Մարքսը (1818-1883 թթ.), «քա-

ղաքացիական հասարակութեան» բուն միտքը առնելով Հեգելից, մեծապէս սահմանափակեց դրա ընդհանուր սահմանումը: Ելնելով իր փիլիսոփայական հայեացքներից, նա «քաղաքացիական հասարակութիւնը» բնորոշում էր որպէս մասնաւոր սեփականատիրութեան եւ շուկայական յարաբերութիւնների հերթական դրսեւորում:

ՀՅ Դաշնակցութեան տեսաբան Միքայէլ Վարանդեանը, իր «Հոսանքներ» աշխատութեան մէջ, ուրուագծելով սոցիալիստական եւ սինդիկալիստական հայեացքների հիմնական տարակարծութիւնը լիարժէք, ինտեգրալ յեղափոխականութեան եւ մակերեսային արկածախնդրութեան ընկալումների հարթութեան վրայ, ակնարկում էր նախորդ դարասկզբում աշխատաւորական նուաճումները եւ օրէնքի միջոցով ձեռք բերուած կարելիութիւնները եւրոպական մի շարք երկրների մէջ, «ուր աշխատաւոր զանգուածները, տիրող ազատ կարգերի շնոր-

հիւ, հնարաւորութիւն ունեն ընդարձակօրէն մասնակցելու երկրի քաղաքական ու սոցիալական դեկաւարութեան մէջ, ուր ժողովուրդը, թէ իր ընտրեալ մարմիններով եւ թէ ուղղակի, զանգուածային միջամտութեամբ, կարող է բազմաթիւ հարցերի նկատմամբ իր սեփական կնիքը դնել օրէնսդրութեան վրայ» («Հոսանքներ», էջ 336):

Ընտրեալ մարմիններ ասելով, Մ. Վարանդեանը, թերեւ, ակնարկում է հէնց հասարակական հաստատութիւնների գոյութեան եւ դրանց ընձեռած լայն հնարաւորութեամբ աշխատաւորական դատը պաշտպանելու հարցը:

20-րդ դարի սկզբնական շրջաններում յատկանշական են իտալացի նշանաւոր մտաւորական եւ տեսաբան Անտոնիօ Գրամշիի (1891-1937 թթ.) տեսութիւնները: Գրամշին իր «Բանտային գրառումներ» արժէքաւոր աշխատութեան մէջ (1929-1935 թթ.) միանգամայն նոր տեսանկիւն է պարզում «քաղաքացիական հասարակութիւն» հասկացութեան շուրջ: Նա, հաւատարիմ մարքսիստ լինելով հանդերձ, «քաղաքացիական հասարակութեան» մասին իր տեսանկիւնները հիմնում է ոչ թէ Մարքսի, այլ Հեգելի սահմանումների վրայ: «Քաղաքացիական հասարակութեան» սահմանները, նրա տեսակէտից, բաւական հեռու են տնտեսութեան բնագաւառից եւ հիմնականում ընդգրկում են գաղափարակցական յարաբերութիւնների, հասարակութեան հոգեմտաւոր եւ բարոյագիտական արժէքների եւ մշակութային քաղաքականութեան բովանդակ դաշտը:

Այսպիսով Գրամշին լուրջ եւ նշանակալից փորձեր է կատարել «քաղաքացիական հասարակութիւն» հասկացութիւնը մարքսեան մատերիալիստական բնաշխարհից փոխադրել «վերնաշէնքային» հարթութիւն, ինչը կարելի է համարել մեծ նուաճում սոցիալիստական մտածողութեան մէջ:

1960-ական եւ 70-ական թուականներին, առաւելաբար Գրամշիի տեսակէտների լոյսի տակ, մտաւորական նոր շարժումներ ձեւաւորուեցին, ձգտելով չէզոքացնել կամ մեղմացնել եւ կապիտալիստական, եւ անբողջատիրական վարչակարգերի սանձարձակ եւ քմահաճ տիրապետութիւնը հասարակական կեանքում: Այս ժամանակահատուածի ազդեցիկ մտաւորականներից են

հանդիսանում Միչնիկը եւ Վայդան՝ Արեւելեան Եւրոպայում, Նորբերտօ Բօքիոն, Կոհէնը եւ Իւրգեն Հաբերմասը Արեւմտեան Եւրոպայում եւ Դանիէլ Բէլը ԱՄՆ-ում:

Յետխորհրդային ժողովրդավարացման համընդհանուր շարժման շնորհիւ, վերակենդանացաւ եւ աննախընթաց մասշտաբով շրջանառութեան մէջ դրուեց «քաղաքացիական հասարակութեան» գաղափարը: «Ազատութեան փիլիսոփայութեան եւ ժողովրդավարութեան հիմունքները լայն ծաւալով տարածուեցին,- ասում է Ազարանգը,- այս անգամ անծանօթ կամ քիչ ծանօթ «քաղաքացիական հասարակութիւն» տերմինի ընդհանուր տանիքի ներքոյ...»:

Սահմանում

Արդ, միջազգային նոր աշխարհակարգում ի՞նչ է նշանակում «քաղաքացիական հասարակութիւնը»: Նախ պիտի ասել, որ սոյն հասկացութեան համար անհնար է մի համապարփակ եւ տիեզերական սահմանում կամ բանաձեւում ներկայացնել: Ինչպէս միւս բոլոր նմանօրինակ գաղափարները, սա եւս, ըստ աշխարհագրական, պատմական նախապայմանների, քաղաքակրթութեան մակարդակի, հոգեմտաւոր եւ մշակութային իրավիճակի, հասարակական կացութեան եւ բազմաթիւ այլ սպեցիֆիկ գործօնների, ստանում է յարաբերական բնոյթ, ընդ որում, խստորոշ կերպով, տիրական է ազգային դիմագիծը:

Այնուամենայնիւ, ինչպէս ժողովրդավարութեան, սոցիալիզմի, այնպէս էլ «քաղաքացիական հասարակութեան» գաղափարի համար հնարաւոր է գծել հասկացութեան համապարփակ շրջագիծ եւ բնորոշել դրա ընդհանուր իմաստը:

«Քաղաքացիական հասարակութեան» մէջ, տրնտեսակարգի եւ պետական սարքի հետ միատեղ, օրէնքով պաշտպանում եւ երաշխաւորում է հաստատութեանակաճութեան գոյութեան սկզբունքը, որով հաստատութիւնները միջանկեալ տեղ են զբաղեցնում պետութիւն-հասարակութիւն յարաբերութիւնների արանքում գտնուող գանազան բնագաւառներում: Էական նախապայման է, որ այս միջնորդական դերի մանրամասնութիւնները կանխորոշուած լինեն օրէնքով:

«Քաղաքացիական հասարակության» մէջ, նոյնպէս օրէնքով, ապահովում են բազմակարծութիւնը, բազմակուսակցականութիւնը եւ սեփականատիրութեան բազմաձեւութիւնն ու դրանց միատեղ գոյութեան իրաւունքները:



Լեստեր Սալամոն

Այս համատեքստում, ըստ ժամանակակից հետազօտող մտաւորականների, «քաղաքացիական հասարակութիւնը» այնպիսի հասարակութիւն է, ուր.

- ուժը կենտրոնացուած չէ սահմանափակ անհատների կամ խմբերի մօտ (կամ չկայ օլիգարխիա),
- ոչ ոք օրէնքով գծուած սահմաններից դուրս գործելու արտօնութիւն չունի (կամ չկայ արտօնեալ հովանաւորչութեան երեւոյթ),
- հասարակական բոլոր բնագաւառների իրաւունքները կանխորոշուած են, հանրապարտադիր եւ անշրջանցելի,
- բարձր մակարդակի վրայ է գտնուում քաղաքացիական պատասխանատուութեան գիտակցութիւնը,
- հարցերի լուծման գործում առաջնային են գործող օրէնքները եւ ոչ թէ դրանցից դուրս առնուած որոշումները,
- տիրական է հանդուրժողականութեան մթնոլորտը,
- լիակատար կերպով յարգւում են խօսքի, մտքի եւ մամուլի ազատութիւնները,
- գոյութիւն ունի լայն համագործակցութեան եւ համախոհութեան տրամադրուածութիւն,
- միատեղ առգոյ են եւ մասնակցութեան, եւ մըրցակցութեան երեւոյթները¹:

Այսքանով կարելի է եզրակացնել, որ «քաղաքացիական հասարակութիւնը» ոչ այլ ինչ է, եթէ ոչ ժողովրդավարութեան կառոյցային եւ գործառութային պատկեր

րացում հասարակական գետնի վրայ:

Հեղինակաւոր մտաւորականներից ոմանք «քաղաքացիական հասարակութիւնը» պոստմոդէռնիզմի արգասիքներից են համարում: Ըստ այս կարգի մտաւորականութեան, պոստմոդէռնիզմի շրջանում ուժի կենտրոնացման երեւոյթն աստիճանաբար նահանջում եւ տեղի է տալիս հասարակութեան դերակատարութեան, մասնակցութեան եւ կամքին:


Ամերիկացի տեսաբան, հետազօտող եւ քաղաքագէտ Լեստեր Սալամոնը «հաստատութեանական յեղափոխութիւն» (Associational Revolution) երեւոյթն է տեսնում «քաղաքացիական հասարակութեան» հիմքում եւ եզրակացնում, որ սոյն յեղափոխութիւնը, համամարդկային իր տարողութեամբ, անխուսափելիօրէն տեղի է ունենում ժողովրդավարութեան իրականացման ցանկացած գործընթացում: Ըստ Սալամոնի, ներկայիս քաղաքական, տնտեսական եւ հասարակական վիթխարի փոփոխութիւնները, ուղղակի կամ անուղղակի կերպով, աղերս ունեն «քաղաքացիական հասարակութեան» եւ «հաստատութեանական յեղափոխութիւն» գաղափարի հետ:

Ի միջի այլոց ընդգծենք, որ տնտեսութեան համաշխարհայնացման գործընթացին զուգահեռ, սակաւապետական «Think Tank»-ները վարպետօրէն նախագծում են այդ տնտեսակարգին համապատասխան ձակատամասը եւ, այդպիսով, ճամբայ հարթում «նոր աշխարհակարգի» հաստատման ուղղութեամբ: Այսպէս նէօ-լիբերալ հոսանքներն էլ, իրենց հերթին, «քաղաքացիական հասարակութեան» շուրջ դիրահաղորդ, մակերեսային եւ շաբլոնացուած, «արդիական» բնորոշների լայն քարոզչութեամբ, գաղափարական կուրս են նախաձեռնել չէզոքացնելու համար իրական ժողովրդավարութեան համատարած ալիքը, եւ կառավարելի դարձնելու համար հանրային կարծիքի մօտ առաջացած այդ դաշտը:

Բնական է, որ այդ գաղափարական կուրսի կոսմոպոլիտ կաղապարներում տեղաւորելի չեն ազգային խորք ունեցող հասարակական արդարութեան ու համերաշխութեան միտող մտածողութիւններն ու արժէքային համակարգերը:

Հակառակ բոլոր ոչ-խորքային մօտեցումների, ահա այս համատեքստում ճշմարիտ է սոցիալիզմի

նորորեայ շուեդ տեսաբան Մայքել Վալցերի այն համոզումը, ըստ որի «քաղաքացիական հասարակությունը», առանց իրական ժողովրդավարության, ձեւական է դառնալու:



Մայքել Վալցեր

Վալցերի այս խորքային մտեցման հիման վրայ, պարսիկ մտաւորական Մոհամմադ Ռեզա Նիքֆարը յայտնում է այն միտքը, ըստ որի

«քաղաքացիական հասարակությունը» չի կարելի իդէալական հասարակութիւն համարել, քանզի դրանում չի բացառում նոյնիսկ աղքատութեան, թշուառութեան կամ սոցիալական գոյութիւնը: Սակայն, ըստ Նիքֆարի, էականն այն է, որ այդպիսի հասարակութեան մէջ սոցիալապէս անապահով խաւերը ի վիճակի են դառնում ազատօրէն միանալու, միատեղելու իրենց ձիգերը եւ պահանջատէր լինելու իրենց իրաւունքների համար: «Քաղաքացիական հասարակութիւնը», իր էութեամբ, չի կարող որեւէ քաղաքատնտեսական իդէալական համակարգի այլընտրանք հանդիսանալ: Դա պարզապէս բռնապետութեան այլընտրանքն է եւ օրէնքի գերակայութեան յարմարագոյն դրսեւորումը քաղաքակիրթ մարդկութեան համար:

Այսպիսով, «քաղաքացիական հասարակութեանը» դեռ չի կարելի համարել ժողովրդավարական լիարժէք հասարակութիւն, սակայն դրա կայացման պայմաններում է, որ հնարաւոր է դառնում, ամրագրելով ժողովրդավարութեան իրական մեխանիզմները, փոփոխութիւններ կատարել հասարակական, տնտեսական եւ քաղաքական կեանքում:

Հայրենի մտաւորական Հենրիկ Խաչատրեանը, մանրամասն բացատրելով «քաղաքացիական հասարա-

կութեան» բաղադրամասերը, սխեմատիկ պատկերացումներ է տալիս պետական կառոյցների եւ քաղաքացիական ոլորտների փոխյարաբերութիւնների մասին: Քաղաքացիական հասարակութեան մէջ «պետական մարմինների կառուցուածքում կառավարման համակարգը ուժեղացում է «հորիզոնական» կապերով,- յայտնում է Խաչատրեանը, կարելոր նշանակութիւն է ստանում բնակչութեան առանձին խաւերի, տարածքների, ձեռնարկութիւնների եւ նրանց կոլեկտիւների, հասարակական կազմակերպութիւնների շահերը ներկայացնելը: Շարունակուում է ուղղակի ժողովրդավարութեան ուղիների սահմանակարգումը: Որոշումների ընդունման ժողովրդավարական ընթացակարգերի ընդլայնումը ներառում է աւելի եւ աւելի մեծ թուով քաղաքացիների»:

Արդիական տեսութիւնների համաձայն, «քաղաքացիական հասարակութեանը» բնորոշ է ինքնակառավարման զարգացումը: Ի հարկէ կարելոր պայման է ինքնակառավարուող հաստատութիւնների ստեղծման գործում քաղաքացիների կամաւոր մասնակցութիւնը: Ինքնակառավարման հաստատութիւնների ամենայայտնի տեսակներից կարելի է թուել քաղաքական կուսակցութիւնները, հասարակական շարժումները, արհեստակցական միութիւնները (սինդիկատներ), զանգուածային լրատուամիջոցները եւ կանանց ոչպետական (NGO) միութիւնները:

Մի շարք մտաւորականներ ժամանակակից հասարակութիւնները դասակարգում են երկու գլխաւոր տեսակներում.

ա. զանգուածային հասարակութիւն, ուր քաղաքական վերնախաւային էլիտայի եւ զանգուածի միջեւ ձեւաւորուած չեն գործառութային եւ կառոյցային միջանկեալ օղակներ եւ կամրջող հաստատութիւններ,

բ. քաղաքացիական հասարակութիւն, ուր զանազան բնագաւառներում, էլիտայի եւ զանգուածի միջեւ փոխյարաբերութիւնները, հիմնականում, ընթանում են քաղաքացիական հաստատութիւնների միջնորդութեամբ:

Այս դասակարգման հիմամբ, վերլուծելի են դառնում քաղաքական եւ հասարակական խռովութիւնների կամ ընդհարումների հնարաւորութիւններն ու հա-

լանականութիւնները: Այսպէս. քանի որ «զանգուածային հասարակութիւն»-ներուն էլիտայի կամքից ու կարգադրութիւնից անկախ, բացառուում է զանգուածային մորիլիզացիան, այդտեղ քաղաքական ցնցումների հաւանականութիւնը իջնում է նուազագոյնի:

Անգլիացի տեսաբան Գասֆիլդը «քաղաքացիական հասարակութիւն»-ներին եւս դասակարգում է երկու տեսակներում.

բ-1. միացուած (Linked), ուր քաղաքացիական հաստատութիւններին առաւելաբար անդամակցում են զանազան դասակարգային կամ շերտային որոշակի պատկանելութեամբ քաղաքացիներ,

բ-2. հատուածական (Segmentational), ուր քաղաքացիական հաստատութիւնները գերազանցապէս ունեն դասակարգային ընդգծուած բնոյթ եւ ձեւաւորուած են հասարակական ձեռքուածութեան ու բեւեռայնութեան հիման վրայ:

Ըստ Գասֆիլդի՝ «հատուածական» քաղաքացիական հասարակութիւնը ենթակայ է քաղաքական եւ հասարակական վերիվայրումների, տագնապների եւ ընդհարումների: Որպէս դասական օրինակ կարելի է նկատի առնել գերմանական հասարակութիւնը Վայմարի Հանրապետութեան ժամանակաշրջանում (1918-1933 թթ.): Այդ ժամանակ գերմանական հասարակութեան մէջ գոյութիւն ունէր դասակարգային խոր եւ բազմաշերտ կազմակերպուածութիւն: Պահպանողական կուսակցութիւնը յենուում էր իւնկերների եւ գիւղացիութեան վրայ, լիբերալ կուսակցութիւնը վայելում էր միջին դասակարգի հովանաւորութիւնը, իսկ սոցիալ-դեմոկրատ կուսակցութիւնը առաջնորդում էր քաղաքային աշխատաւորութեանը: Նրանք բոլորն էլ ունէին մշակութային, արհեստակցական եւ մինչեւ իսկ մարզական բնագաւառներում իրենց ոչ-պետական հաստատութիւնները, միութիւնները, ցանցերն ու թերթերը: Կազմակերպուած դասակարգային լարուածութեան եւ քաղաքացիական հակադրութեան այդպիսի իրավիճակում պայթեց նացիստական յեղաշրջումը եւ շատ կարճ ժամանակամիջոցում ոչնչացուեցին ժողովրդավարական, սահմանադրական եւ քաղաքացիական բոլոր հիմքերը, իրաւունքները եւ մեխանիզմները:

Վիճակագրական դիտանկիւն

«Քաղաքացիական հասարակութեան» մասին խօսելիս, անխուսափելիօրէն, հարկաւոր է ակնարկել նաեւ այն հետազօտութիւնները, որոնք կատարուել են միշարք զարգացած երկրների քաղաքացիական հաստատութիւնների շուրջ: Որոշ տեսաբաններ «քաղաքացիական հասարակութեան» իրագործման յուսալի չափանիշ են համարում տուեալ երկրի հաստատութեանականութեան կարելիութիւնները, ենթահողը եւ ունակութիւնը:

Ըստ Սալամօնի աշխատութեան, Շուեդիայում իւրաքանչիւր 100.000 բնակչի դիմաց գոյութիւն ունի 2.300 քաղաքացիական հաստատութիւն, եւ երկրի այս հաստատութիւնների քանակը գերազանցում է 200.000-ը: Այս տեսակէտից Շուեդիան առաջին տեղն է գրաւում աշխարհում: 1960-ականներին Ֆեդերատիւ Գերմանիայում իւրաքանչիւր 100.000 բնակչի դիմաց գոյութիւն է ունեցել միայն 160 քաղաքացիական հաստատութիւն: Իսկ 1990 թ., քաղաքացիական գիտակցութեան աճի հետեւանքով, այդ թիւը բարձրացել է 475-ի:

Հունգարիայում, համայնավարական կարգերի փլուզումից յետոյ, 13.000 քաղաքացիական հաստատութիւն է ակտիւացել: Վերջին շրջաններում Բրազիլիայում նմանօրինակ հաստատութիւնների թիւը անցել է 200.000-ից: Սալամօնը թոյլ զարգացած երկրներից ակնարկում է Եգիպտոսի՝ 20.000 եւ Թաիլանդի՝ 3.000 քաղաքացիական հաստատութիւնները:

Հայաստանում, մեզ յայտնի տուեալների համաձայն, 1995 թ. գործում էին շուրջ 50 հասարակական-քաղաքական կազմակերպութիւն, 336 լրատուամիջոց, 50 հեռուստածրագիր, 16 ռադիոծրագիր եւ 18 լրատուական գործակալութիւն, որոնց համընդհանուր գումարը կազմում է 470: Այլ խօսքով, նորանկախ Հայաստանում իւրաքանչիւր 100.000 բնակչի դիմաց գոյութիւն է ունեցել 15,7 քաղաքացիական հաստատութիւն (մօտաւորապէս Շուեդիայի 1/150-ի եւ Գերմանիայի 1/30-ի հետ հաւասար):

Հայաստանի պարագայում թուերի փոփոխութիւն է նկատուում այսօրուայ դրութեամբ: Հիմք ընդունելով «Հայաստանի դեղին էջեր» էլեկտրոնային կայքէջի (www.spyur.am) տուեալները, ներկայիս Հայաստանում

գործում է շուրջ 115 հասարակական, կրօնական եւ ոչ-առեւտրային (կարելի է ասել՝ ոչ-շահադիտական) կազմակերպութիւն, հիմնադրամ եւ ստեղծագործական միութիւն, աւելի քան 25 քաղաքական կուսակցութիւն, շուրջ 45 թերթ, ամսագիր եւ լրատուական գործակալութիւն, 20 հեռուստաընկերութիւն եւ 10 ռադիոընկերութիւն, որոնց համընդհանուր գումարը ստացւում է 200-ից աւելի: Մեզ չյաջողուեց ձշտել բազմաթիւ այլ ոչ-դասական քաղաքացիական հաստատութիւնների թուաքանակը: Այդպիսիներից կարելի է, որպէս օրինակ, այստեղ նշել «Ուրբաթ Ակումբ»-ի անունը: Այս տեսակի հաստատութիւնները, լինելով ոչ-պետական եւ չյայտարարելով քաղաքական որոշակի հակումներ, փաստօրէն նպաստում են քաղաքական, քաղաքացիական եւ հասարակական տարաբնոյթ հարցերի արծարծմանը եւ յաճախ բարենպաստ լուծմանը:

Վիճակագրական թուերը, անտարակոյս, խօսում պատկերացումներ են տալիս տուեալ երկրում «քաղաքացիական հասարակութեան» իրականացման իրավիճակի մասին: Սակայն, ըստ էութեան, ի վիճակի չեն բնորոշելու մշակութային, հոգեմտաւոր, արժէքային եւ առհասարակ ենթակայական բարդ ու բազմամակարդակ պայմանների ամբողջութիւնը:


Վերջաբանի փոխարէն

Գաղափարական դաշտում շատ կարեւոր հրամայական են այսօր «քաղաքացիական հասարակութեան» մասին վիճարկումը, տեսական վերլուծումն ու ուսումնասիրութիւնը, նախ՝ «համաշխարհայնացման» կեղծ պիտակի տակ հրամցուող խարխափումների եւ մտազարութեան ոլորտներում չկլանուելու համար, ապա հասարակական ճշմարիտ ժողովրդավարութեան ազգային բնորոշները որոնելու եւ դրանք ժողովուրդի մէջ տարածելու նպատակով:

Արդարեւ Հայաստանի իրականութեան մէջ յաջող քաղաքացիական հասարակութիւն ձեւաւորելու համար, յամենայն դէպս, անհրաժեշտ է միատեղ ու միաժամանակ առաջնորդուել եւ ազգային գաղափարախօսութեամբ, տեսլականներով, եւ համամարդկային մտածո-

ղութեամբ եւ փորձառութեան հիմամբ:

Հայաստանը, սահմանադրական հասկացութեամբ, պիտի լինի քաղաքացիական հասարակութիւն: Բերուած վերլուծութիւնները յանգեցնում են նրան, որ այդ դէպքում հայկական քաղաքացիական հասարակութիւնը բնոյթով պիտի լինի միացուած եւ ոչ հատուածական (Գասֆիլդի վերոնշեալ մեկնաբանութեամբ): Պարզաբանման կարգով ասենք, որ քաղաքացիական հաստատութիւնները, օրինակ՝ մարդկային իրաւունքների, բնապահպանական միութիւնները պիտի կազմակերպւեն ապադասակարգային հիմունքներով: Դա, ի հարկէ, չի խանգարում, որ տուեալ հաստատութիւնները ունենան քաղաքական յստակ դիրքորոշումներ: Նոյնիսկ քաղաքական կուսակցութիւնների եւ կուսակցապատկան կառոյցների պարագայում էլ, ապահատուածական բնորոշները թերեւս աւելի արդիւնաւէտ են լինելու եւ առաւել կենսունակ: Այս մասին արժէ այստեղ նշել, որ գերմանական սոցիալ-դեմոկրատ կուսակցութիւնը 1959 թ. Գուդեսբերգի իր Գերագոյն ժողովի որոշումների հիման վրայ, պաշտօնապէս հրաժարուեց «բանուոր դասակարգի շահերի պաշտպան» իր վաղեմի առաքելութիւնից, իրեն յայտարարելով գերմանացի ժողովրդի համայն շահերի պաշտպան: Նման ապահատուածայնացման երեւոյթ եւս տեղի է ունեցել ՀՅ Դաշնակցութեան մէջ: Դեռ 1917 թ. ՀՅԴ ռայոնական ժողովում, Ռոստոմը մէջբերելով Սիմոն Զաւարեանի տեսակէտը, պնդում էր, որ Դաշնակցութիւնը պիտի հանդէս գայ որպէս «հայ ազգի բովանդակ շահերի պաշտպան»: Ի վերջոյ Դաշնակցութիւնը 1978 թ. վերա-



Ռոստոմ և Սիմոն Զաւարեան

մշակած իր ծրագրի նախագծով, հրաժարուեց «հայ աշխատաւոր դասակարգի պաշտպան» դիրքից, իրեն նոյնպէս յայտարարելով «հայ ազգի բովանդակ շահերի պաշտպան»: Այս մօտեցումը բխում է այն պարզ սկզբունքից, որ սոցիալական արդարութեան եւ համերաշխութեան սոցիալիստական համակարգը նախագծուած է համայն հասարակութեան եւ բովանդակ ազգի համար: Ուստի եւ այդ քաղաքական նպատակի ուղղութեամբ, ի շարս այլոց, քաղաքացիական գործունէութիւնը եւս պի-

տի լինի հնարաւոր չափերով անկաշկանդ եւ չսպիմանափակուող եւ սոցիալական շերտերի համերաշխութեանը միտուած:

Եզրակացնենք ուրեմն, որ քաղաքացիական հաստատութիւնների հատուածայնացմամբ եւ դասակարգայնացմամբ, ընդամէնը նեղանում է քաղաքացիական դաշտը ու քաղաքացիական նախաձեռնութիւնը: Երեւոյթ, որ ամէն դէպքում չի նպաստելու նպատակայարմար քաղաքացիական հասարակութեան ստեղծմանը:

Օգտագործուած աղբիւրներ

2. Վարանդեան Ս., «Հոսանքներ», ժնեւ, 1910:
3. Բաշիրիէ Հ., «Յեղափոխութիւն եւ քաղաքական գորաշարժ (մոբիլիզացիա)», Թեհրան, 1993:
4. Խաչատրեան Հ., «Քաղաքացիական հասարակութիւն եւ իրաւական պետութիւն», Երեւան, 1995:
5. Salamon L., The Civil Society Sector, *Society*, Jan-Feb 1997.
6. Ազարանգ Ա. Հ., «Ներածութիւն՝ քաղաքացիական հասարակութեան», *Նեգաիէ* ևօ (պարսկերէն պարբերական), Թեհրան, 1998:
7. Նիքֆար Ս. Լ., «Քաղաքացիական հասարակութեան իրանական հասկացութեան ձեւաւորման փորձ», *Նեգաիէ* ևօ (պարսկերէն պարբերաթերթ), Թեհրան, 1998:
8. Վանհանէն Ս., «Ժողովրդավարութեան դասիչը (Սահմանման եւ կիրառման փորձ), *էթէլէաաթ* Սիասի-էդթեսադի (պարսկերէն պարբերաթերթ), Թեհրան, 1998:

¹ «Մասնակցութեան» եւ «մրցակցութեան» միատեղ գոյութեան առնչութեամբ մի հետաքրքիր եւ շահեկան չափանիշ է առաջարկում «Ֆինլանդիայի քաղաքագիտութեան հաստատութեան» նախկին տնօրէն Տաու Վանհանէնը: Այս չափանիշը, որ կոչւում է «դեմոկրատիայի դասիչ» (Index of Democracy, ID), հարիւրերորդական արտադրեալն է «մասնակցութեան» եւ «մրցակցութեան» գործակիցների (այլ խօսքով՝ գոյգ գործակիցների բազմապատկումից եւ հարիւրի բաժանումից ստացւում է ID-ն): «Մասնակցութեան» գործակիցը, որով քանակաւորւում է հասարակութեան մասնակցութեան չափը քաղաքական կեանքում, հաւասար է նախագահական, խորհրդարանական կամ դրանց համարժէք որեւէ քուէարկութեան մասնակցողների տոկոսին՝ քուէարկութեան պայմաններ լրացնողների ընդհանուր թուաքանակի յարաբերութեամբ: «Մրցակցութեան գործակիցը, որով քանակաւորւում է տուեալ հասարակութեան քաղաքական կեանքում առգոյ մրցակցութեան չափը, հաւասար է հարիւրից հանած քուէարկութեան արդիւնքում շահած կուսակցութեան կամ ուժի քուէարկութեան տոկոսը: Այսպէս օրինակ, եթէ մի երկրի քուէարկութեանը մասնակցած լինի քուէարկութեան պայմաններ լրացնողների ընդհանուր թուի 70 տոկոսը եւ քուէարկութեան արդիւնքում յաղթած կուսակցութիւնը շահած լինի ձայների 40 տոկոսը, ապա տուեալ ընտրութիւնների ID-ն հաշուարկւում է հետեւեալ կերպով.

«մասնակցութեան» գործակիցը = 70 %
 «մրցակցութեան» գործակիցը = 100 - 40 = 60 %
 ID = (70 x 60) / 100 = 42 %

Ըստ Վանհանէնի՝ «մասնակցութեան» եւ «մրցակցութեան» գործակիցները միմեանցից միանգամայն անկախ արժէքներ են, իսկ 15 տոկոս մասնակցութիւնը եւ միաժամանակ 30 տոկոս մրցակցութիւնը (կամ՝ ID = 4,5%) կարելի է համարել «նուազագոյն սահմանաչափը ժողովրդավարութեան ձեռք բերման համար»:



ԿՆՈՋ ԵՐԶԼՄ ԿՈՒԹԵԼՄ ԲԼՄ ԱԶԵԻԸ

Աննա Առաքելյան

Հայ կնոջ համար դարեր ի վեր երջանկությունը կազմել են իր ընտանիքը եւ ընտանեկան բարեկեցությունը: Միեւնոյն ժամանակ, հայուհին պատմականօրէն մեծ դեր է խաղացել նաեւ հայ հասարակութեան քաղաքական կեանքում ուս ուսի կանգնելով տղամարդկանց կողքին երկրի ձակատագիրը որոշելիս եւ քաղաքական ռազմավարական որոշումներ ընդունելիս: Հայ կնոջ քաղաքական ակտիւ դրսեւորումը յանգեցրեց այն փաստին, որ 20-րդ դարի սկզբին, երբ ստեղծուել էր առաջին անկախ Հայաստանի Հանրապետությունը, հայ կանայք դարձան աշխարհի պատմութեան մէջ առաջին կին-պատգամատրները՝ ժողովրդավարական սկզբունքներով ընտրուելով Հայաստանի Խորհրդարան (առաջին Հայաստանի Հանրապետութեան ժամանակ կանայք ձեռք բերեցին քուէարկելու եւ ընտրություններին մասնակցելու հասարակ իրաւունքներ, իսկ Դիանա Աբգարը դարձաւ առաջին կին դեսպանը Ճապոնիայում): Այս փաստը նաեւ վկայում է, որ հայ հասարակությունը ի սկզբանէ գնահատել է կնոջ

մասնակցությունը ոչ միայն ընտանեկան կեանքում, այլ նաեւ սոցիալ-տնտեսական եւ քաղաքական ասպարէզներում: Արդէն ԽՍՀՄ ռեժիմի օրօք Հայաստանի Հանրապետութեան ընտրովի մարմիններում իրենց մշտական ներկայությունը ունեցել են նաեւ կանայք: 1915 թ. եղեռնի արիւնաթաթախ ձանկերից փրկուած եւ աշխարհի տարբեր կողմերը սփռուած հայերը հիմնեցին հայկական Սփիւռքը, որի կանայք դարձան անվիճարկելի առաջնորդներ մէկ այլ սոցիալական երեւոյթի ասպարէզում եւս: Խօսքը գնում է հասարակական կազմակերպությունների (այսուհետ՝ ՀԿ-ներ), յատկապէս բարեգործական բնոյթ կրող ՀԿ-ների մասին, եւ այսօր թէ՛ Հայաստանում եւ թէ՛ Սփիւռքում գնալով աճում է հասարակական ոլորտներում ընդգրկուող կանանց թիւը¹:

Աշխարհը փոխում է, փոխում ենք նաեւ մենք, կանայք: Այսօր ժամանակակից հայուհիներից իւրաքանչիւրին կարելի է դասել հետեւեալ երկու խմբերից մէկում՝ աւանդական եւ առաջադիմական: Աւանդական կանանց համար

յաջողութեան եւ կայացած կնոջ ինքնագնահատականը կապում է առաջին հերթին յաջողակ ամուսնութեան եւ ընտանիք ստեղծելու հետ (երիտասարդ կանանց մեծամասնութիւնը), իսկ առաջադիմական կանանց համար կեանքում առաջնահերթ նպատակը մասնագիտական եւ անհատական կայացումն է: Երկու խմբերն էլ ունեն իրենց դրական եւ բացասական կողմերը, բայց երկուսն էլ աչքի են ընկնում ծայրայեղութիւնների առկայութեամբ, որոնք չեն կարող նպաստել հասարակութեան մէջ կանանց եւ տղամարդկանց ներդաշնակ յարաբերութիւնների զարգացմանը: Այսպէս, առաջին խումբը, որին բնորոշ է կանանց եւ տղամարդկանց հասարակական, կամ, այլ կերպ ասած, գենդերային դերերի աւանդական բաշխումը, ինչը բերում է հասարակութեան մէջ կնոջ երկրորդական դերի ամրապնդմանը եւ երկրի սոցիալ-տնտեսական եւ քաղաքական գործընթացներում կանանց սահմանափակ մասնակցութեանը, աչքի է ընկնում վառ արտայայտուող կոմֆորմիզմով, շրջակայ միջավայրում տիրող կարծիքներին եւ կարծրատիպերին յարմարուելու հակումով: Այս կանայք չեն ձգտում ինքնագարգացման եւ չեն մասնակցում երկրի սոցիալ-քաղաքական գործընթացներին: Միեւնոյն ժամանակ, յայտնուելով ձգնաժամային իրավիճակներում, օրինակ՝ ընտանիքը պահող տղամարդու մահուան կամ ապահարգանի դէպքերում, նրանք անհամար բարդութիւնների են հանդիպում, երբ փորձում են մուտք գործել աշխատանքի շուկայ: Նաեւ պէտք է նշել, որ ընտանիք պահող գործազուրկ կանայք յաճախակի են հանդիպում խտրականութեան՝ նոր աշխատատեղ փնտրելիս: Ես անձամբ աւելի շատ համակրում եմ երկրորդ խմբի կանանց, որոնք նախընտրում են ինքնագարգացման եւ սեփական ընտրութեան անհատական իրատունքը, որպէս եւ կանանց, եւ տղամարդկանց յաջողականութեան եւ նպատակների իրականացման հիմնական գրաւական: Միեւնոյն ժամանակ, այս դասի կանայք, ձգտելով անկախ սոցիալական կարգավիճակին եւ մասնագիտական կայացմանը, նախընտրում են կեանքում առաջնորդուել արեւմտեան գենդերային դերերով եւ իդէալներով, որոնք միշտ չէ, որ ընդունելի են: Ծայրայեղ ֆեմինիզմը կամ ընտանիքի դերի թերագնահատումը նման օրինակներից է: Ինչ-որ տեղ կարելի է հասկանալ այս ամագոնուիիներին, որոնք յայտնուելով սոցիալապէս անապահով եւ աշխա-

տանքային շուկայում կանանց հանդէպ դեռեւս շարունակուող խտրականութեան պայմաններում, որոշ դէպքերում ստիպուած գոհաբերում են իրենց անձնական կեանքը եւ ընտանիք ստեղծելու հնարատրութիւնը: Միաժամանակ, այս կանայք, համակրելով արեւմտեան արժէքներին, շատ դէպքերում երկրորդական են համարում ընտանիքը եւ երեխաների դաստիարակութիւնը: Ի վերջոյ, հասարակութիւնը մէկ կողմից զրկում է զարգացման գործընթացներին կանանց լիարժէք մասնակցութիւնից եւ մասնագիտական, մտաւոր ներուժից, իսկ միւս կողմից՝ ընտանիքը չի ստանում այն ջերմութիւնը եւ ուշադրութիւնը, որ անհրաժեշտ նախապայման են հանդիսանում առողջ ընտանիք կազմելու համար: Անշուշտ, այս ամէնը լուրջ մտածումների առիթ է դառնում...

Իմ կարծիքով, կնոջ երջանկութեան գաղտնիքը պէտք է փնտրել ոսկէ միջինում, մի այնպիսի հասարակութեան մէջ, որը կ'ապահովի կանանց եւ տղամարդկանց ինքնակայացման եւ ինքնագարգացման հասասար հնարատրութիւնները՝ պահպանելով առողջ ընտանիքի ինստիտուտը: Ի հարկէ, դրան պէտք է նպաստի պետականօրէն իրականացուող նպատակային քաղաքականութիւնը, որը կ'ապահովի կանանց շահերը եւ որպէս մայրերի, եւ որպէս մասնագէտների, միաժամանակ նպաստելով ընտանիքների ստեղծմանը եւ պաշտպանելով երկու ծնողների շահերը: Գուցէ հէնց կանանց եւ տղամարդկանց հասասար հնարատրութիւնների եւ հասասար իրատունքների ապահովումը կը նպաստի հասարակութեան ներդաշնակ զարգացմանը: Կարծում եմ, կանացի երջանկութեան բանաձեւը սա է. կնոջը պիտի սիրեն եւ ընդունեն այնպիսին, ինչպիսին որ կայ, պիտի գնահատեն եւ յարգեն թէ՛ որպէս մօր եւ թէ՛ որպէս մասնագէտի, եւ սէրն ու համերաշխութիւնը պիտի տիրեն ընտանիքում:

1 Միեւնոյն ժամանակ, զուգահեռ նուազում է կանանց ներկայացուածութիւնը քաղաքական եւ սոցիալ-տնտեսական ոլորտների որոշումներ կայացնող դիրքերում, որը կարող է վկայել այն մասին, որ կանայք, հնարատրութիւն չունենալով անմիջապէս մասնակցելու որոշումներ կայացնելու մակարդակներում, սկսել են փնտրել հասարակական կամքի արտայայտման այլընտրանքային ուղիներ:

ԻՆՉՊԻՍԻՆ Է

ՄԵՐ

ԱԶԳԱՅԻՆ ԲՆԱՎԻՈՐՈՒԹԵԱՆ ԸՆԻՍՈՒԱԾԸ

(Տեսական ակնարկ, համեմատություններ եւ զուգահեռներ)



Մանուել Մկրտչեան

Ազգային բնաւորութիւնը մէկն է այն հասկացութիւններից, որ ամենից շատ է շրջանառում ու գործածում հրապարակային ելոյթներում, մամուլում եւ նոյնիսկ կենցաղային խօսք ու գրոյցի մէջ: Մարդկանց ընկալումներում ազգային բնաւորութիւն ասուածը մի դեպքում խիստ որոշակի երեւոյթ է, ունի յստակ եզրեր, մէկ այլ դեպքում վերացական է: Աշխարհընկալման եւ շրջապատի հետ վերաբերմունքի այս բարդ ամբողջութիւնը, որը մէկ-երկու բառով անուանում ենք ազգային բնաւորութիւն կամ էլ, ինչպէս վերջերս, մենթալիտետ, շարունակաբար մարդկանց հետաքրքրող ու մտահոգող առարկաներից է: Ինչպիսի՞ն ենք «մենք», ինչպիսի՞ն են «նրանք» հարցադրումները եղել են եւ միշտ լինելու են բոլոր ազգերի մտորումների կիզակետում:


Ճանաչուած էթնոհոգեբան Գ. Գաչեւը իր «Աշխարհի ազգային կերպարը» գրքում գրում է. «Ժողովրդի ազգային բնաւորութիւնը չափազանց խորամանկ ու դժուար որսալի նիւթ (մատերիա) է: Չգում ես, որ կայ այդպիսի բան, սակայն երբ փորձում ես ձեւակերպել ու բնորոշել, տեսնում ես, որ յանկարծ ցնդեց ու գոլորշիացաւ: Եւ մէկ էլ զգում ես, որ ասում ես պարզունակ ու մակերեսային բաներ, կամ էլ ազգային բնաւորութիւն բառերի տակ դիտարկում ես հասկացութիւններ, որոնք բնորոշ են ցանկացած ազգի, բոլոր ժողովուրդներին: Խուսափել այս վտանգից անհնար

է, կարելի է միայն մշտապէս յիշել այդ մասին, կարելի է պայքարել դրա դէմ, բայց չյաղթել»:

Իր սկզբնական փուլում «ազգային բնաւորութիւն» հասկացութիւնը շրջանառուել է իբրեւ նկարագրական երեւոյթ: Զեղինակներից ոմանք «ազգային բնաւորութիւն» ասելով՝ հասկացել են տուեալ ազգի եռանդը, միւսները ուշադրութիւն են դարձրել բնաւորութեան առանձին գծերի վրայ, երրորդն էլ կարելորել է արժեքային կողմնորոշումները, վերաբերմունքը իշխանութեան եւ աշխատանքի հանդէպ եւ այլն: Մշակութային մարդաբանները գործածութեան մէջ դրեցին նոր եզրեր (տերմիններ)՝ «մշակութային բազմաչափութիւն», «հիմնային անհատ» եւ այլն: Սակայն կրկին վերադարձան «ազգային բնաւորութիւն» առաւել ընդգրկուն հասկացութեանը, որում ոչ այնքան կարելոր է բնաւորութեան առանձին գծերի գումարը, ամբողջութիւնը, որքան ազգի բնաւորութեան կառուցուածքը:

Բոլոր էթնոհոգեբանները համակարծիք են մի հարցում, որ ազգային բնաւորութեան միջուկը կայուն է, բայց կարող է որոշ փոփոխութիւնների ենթարկուել քաղաքական վարչակարգերի ու համակարգերի ազդեցութեան ներքոյ, յատկապէս տեւական ճգնաժամերի, ազգային պարտադրուած

բարդ հիմնախնդիրների լուծման ճանապարհին: Նման պահերին առաջին պլան են մղում ազգի բնաւորութեան այս կամ այն՝ դրական կամ բացասական գծերը: Ազգային բնաւորութեան բանական (ռացիոնալ) եւ յուզական (էմոցիոնալ) յատկութիւններն ամբողջութեամբ արտայայտուում են ազգային մշակոյթում, մարդկանց պատկերաւոր մտածողութեան եւ խորհրդանիշների մէջ: Այս տիրոյթում արդէն շորջանաւում է ազգային ոգի հասկացութիւնը, որը որոշիչ գործօն է եւ կանխորոշում է ազգային բնաւորութեան կառուցուածքը:



Նիկոլայ Բերդեաեւ

Ըստ ռուս մեծ մտածող Նիկոլայ Բերդեաեւի. «Այս «ոգին» մեզ համար անյայտ է, անմեկնելի, եւ փորձել դրան գիտական բնորոշումներ տալ, ուղղակի անիմաստ է»: Այն ոչ այնքան տեսավերլուծական կատեգորիա է, որքան նկարագրական: Ն. Բերդեաեւի այս տեսակետը յետագայում պաշտպանեցին գերմանացի էթնոհոգեբաններից մի քանիսը: Մէկ այլ հետազօտող՝ Ս. Ֆրանկը, համարում է, որ ազգային բնաւորութիւնը ռացիոնալ դիրքերից վերլուծելը դատապարտուած է ձախողման, եւ այնտեղ կարելի է թափանցել միայն ինտուիցիայի միջոցով: Ու միշտ պետք է յիշել, որ որեւէ ժողովրդի թերութիւնների եւ առաւելութիւնների գնահատումը ենթակայական (սուբյեկտիւ) երեւոյթ է, իսկ երբեմն էլ՝ ուղղակի կամայական: Բնութագրելով որեւէ ազգի բնաւորութիւնը, նկատի ունենալով տեսանելի կողմերը՝ մենք, հնարաւոր է, այդպէս էլ չհասկանանք դրանց ընկերային-պատմական հիմքերը եւ, վերջապէս, ազգի՝ ի վերուստ տրուած կենսագենետիկան, ինչը փոխանցւում է սերընդից սերունդ: Ինչո՞ւ են եւրոպացիներն այդպէս կազմակերպւած, իսկ ռուսները՝ ոչ, կամ ինչո՞ւ է հայկական արժեքային համակարգն այդքան աղճատուած եւ այլն: Մենք չենք գտնի այս հարցերի պատասխանները, ինչպէս նաեւ սովորական մարդկանց վարքագծի բուն իմաստները, քանի դեռ չենք պեղել ազգի անցեալն ու պատմական փորձը, չենք յստակեցրել քաղաքական իդեալները եւ արժեքային ընկալումները, վերաբերմունքը իշխանութիւնների եւ իր նման քաղաքացիների հանդէպ:

Պատմական մեծ ցնցումները ուժգին ազդեցութիւն են ունենում ազգերի հոգեկերտուածքի վրայ՝ դրական եւ բացասական իմաստներով: Ի՞նչ ներգործութիւն ունեցան ֆրանսիա-

կան յեղափոխութիւնները ֆրանսիացու բնաւորութեան վրայ, ինչպիսի՞ն դարձաւ գերմանացին ֆաշիզմի վերելքից ու ջախջախումից յետոյ, իսկ ի՞նչ է Զիրոսիման ճապոնացու համար, ի՞նչ ուժգնութեամբ 1917 թ. յեղափոխութիւնը կոտրեց ռուսական բարոյական ողնաշարը, իսկ ի՞նչ կատարուեց հայութեան հետ 1915 թ., ի՞նչ տուեց մեզ խորհրդային համակարգը, ի՞նչ փոխուեց հայի մէջ, երբ ազատագրուեց Արցախը...

Շարունակելով մեր պատմական շրջագայութիւնը՝ ասենք նաեւ, որ ազգային բնաւորութեան ուսումնասիրման առաջին հիմնաւոր փորձերն արուել են գերմանացի էթնոհոգեբանների կողմից: Մ. Լապաւուսը, Վուկտոր, Զ. Շտեյնդելը եւ միւսներն ստեղծեցին մի գիտական ուղղութիւն, ըստ որի՝ պատմական գործընթացի շարժիչ ուժը ժողովրդի ազգային ոգին է, որն արտայայտուում է կրօնում, լեզուի մէջ, արուեստում, առասպելներում եւ սովորոյթներում: 20-րդ դարում էթնոհոգեբանական հետազօտութիւնների բնագաւառում նախաձեռնութիւնն իրենց ձեռքը վերցրին ամերիկացիները՝ Ռ. Բենեդիկտը, Ա. Կարդիները եւ Մ. Միդը, ովքեր ուշադրութեան առանցք դարձրին այս կամ այն ազգը ներկայացնող «միջին անհատին», նրա բնաւորութեան վառ արտայայտուած յատկութիւնները: Մեր օրերում այլեւս չկայ ամբողջական ու գերիշխող ուղղութիւն, եւ հետազօտութիւններն իրականացւում են տեսական ու գործնական տարբեր դիրքերից: Ոմանք ազգային բնաւորութեան մէջ կարելորում են աշխարհագրական գործօնը, միւսները՝ ընկերայինը, ոմանք առաջին պլան են մղում ազգի բարոյական ըմբռնումների բնորդի խնդիրը, իսկ միւսներն էլ փորձում են վերլուծել ազգի ընկերային-մշակութային միջավայրը: Տեղին է նաեւ նկատել, որ ազգային բնաւորութեան վերլուծութիւնները բարդանում են նաեւ այն պատճառով, որ էթնոհոգեբանների տեսական ու գործնական անմեղ եւ ոչ այնքան անմեղ եզրակացութիւնները մեծ յաջողութեամբ օգտագործուում են ազգայնամոլական ու ռասիստական ուղղութիւնների ու կազմակերպութիւնների կողմից, քանի որ որեւէ ազգի առանձնայատուկ կամ բացառիկ լինելու գիտական բանաձեւումն արդէն իսկ բաւարար է ազգի յարձակողական (ագրեսիւ) էներգիան գործի դնելու, հակադիր խմբաւորումներ ստեղծելու համար:

Ընդհանուր գծերով ի մի բերելով բոլոր ուղղութիւններով

արուած էթնոհոգեբանական հետազոտութիւնները՝ կարելի է ասել, որ.

ա) պետք է նկատի ունենալ, որ բոլոր ազգերի բնաւորութիւններն էլ պարտադիր հակասական են: Նրանում առկայ են ե՛ւ չարն ու բարին, ե՛ւ աշխատասիրութիւնն ու ծուլութիւնը, ե՛ւ ազատատենչութիւնն ու ստրկամտութիւնը: Բնաւորութեան որեւէ գծի առկայութիւնը չի բացառում միւսները:

բ) Իւրաքանչիւր ազգի բնաւորութեան հոգեբանական կառուցուածքը, անշուշտ, իւրայատուկ է, բայց ունի տարրեր, որոնք բնորոշ են նաեւ միւս ազգերին: Այլ հարց է, թէ ինչ ուժգընութեամբ են դրանք արտայայտուում եւ ինչ շրջագծով:

գ) Պետք չէ բոլոր մեղքերը փնտրել ազգային բնաւորութեան եւ անհոյսերի մէջ: Ազգն այնպիսին է, ինչպիսին նրան ստեղծել է պատմութիւնը, կենսագենետիկան, աշխարհագրութիւնը եւ ընկերային-քաղաքական համակարգը: Մի խօսքով՝ ազգը անցեալի արդիւնք է, իսկ այդ անցեալը նրա մէջ դեռ երկար կը խօսի:

դ) Ճիշտ չէ ազգային բնաւորութեանը տալ «լաւ կամ վատ», «զարգացած կամ յետամնաց» եւ նմանատիպ գնահատականներ, որովհետեւ, ինչպէս իսպանացի բարոյագետ Բալթասար Գրասիան է ասել. «Նոյնիսկ ամենալուսաւորեալ ազգին բնորոշ են բնական արատները, որոնք հարեան ազգերը նկատում են ու ծաղրում չարամտօրէն...»:

ե) Ազգային բնաւորութիւնը բացարձակ, յաւիտենական երեւոյթ չէ, այն փոխուում է ընկերային-պատմական գործընթացներին զուգընթաց: Օրինակ՝ 17-րդ դարի Եւրոպայում կարծում էին, թէ անգլիացիներն ուժեղ հակում ունեն յեղափոխութիւնների ու արմատական փոփոխութիւնների նկատմամբ, այնինչ ֆրանսիացիները, երբեմն, դրսեւորում էին պահպանողական ու անվճռական որակներ: Մէկ դար անց այս պատկերացումը կտրուկ փոխուեց. անգլիացիները դարձան անհոգապահներ, իսկ ֆրանսիացիները՝ յեղափոխականներ: Կամ՝ 19-րդ դարում գերմանացիներին համարում էին երաժշտութեամբ, պօեզիայով եւ փիլիսոփայութեամբ տարուած անգործունեայ ազգ: Բայց, ահա, 20-րդ դարի արդիւնաբերական յեղափոխութիւնը գերմանացու բնաւորութեան մէջ բացայայտեց նոր գծեր, եւ նախորդ պատկերացումները յօդս ցնդեցին: Իսկ առեւտրականի անուն ունեցող հայերը 21-րդ դար մտան տեղեկատուական տեխնոլոգիաներում մեծ հեռանկար խոստացող ազգի համբաւով:

* * *

Չայի ազգային բնաւորութեան հնարաւորինս ամբողջական պատկերն ունենալու համար ճիշտ է այդ պատկերը դիտարկել արեւմտեան եւ ռուսական բնաւորութեան, աշխարհընկալման բնորոշների յարաբերութեան ու համեմատութեան մէջ, քանի որ այս երկու ընկերային-մշակութային տիրոյթներում առկայ արժեքային համակարգերն առաւել մօտ են մեզ եւ հետաքրքրական բոլոր առումներով: Արեւելքի մշակութային ու կրօնական գիտակցութիւնը, աշխարհընկալման համակարգը եւ մեր էթնոտիպի համեմատութիւնը լուրջ դժուարութիւններ են յարուցում, բայց նուազ հետաքրքրական չեն եւ պահանջում են վերլուծական այլ մօտեցումներ: Ինչեւէ, փորձենք առայժմ կողք կողքի դնել արեւմտեան, ռուսական ու հայկական բնաւորութիւններն ու աշխարհընկալումները:

* * *

Ռուսական ազգային բնաւորութեան ամենախորունակ գիտակներից մէկը՝ Նիկոլայ Բերդեաւեւը, ռուսի էութեան ամենաբնորոշ գիծը համարում է երկփեղկուածութիւնն ու բեւեռայնութիւնը: «Ռուսական հոգու ձեւաւորման մէջ,- գրում է նա,- առկայ են երկու խորքային որակներ՝ բնութեան տարերքը, հեթանոս ոգին եւ կրօնական ուղղափառ խոնարհութիւնը: Ռուսաստանը ամենապետական ու ամենաբիրոկրատական պետութիւնն է աշխարհում... Ռուսները հնազանդ են, ընդունակ անշահախնդիր զոհաբերութեան: Բայց սա մի երկիր է, ուր պատահում են աներեւակայելի իրադարձութիւններ: Նրանք նիհիլիստներ են ու ապստամբներ, նրանք քաօսային են ու վայրենի: Ռուսն առանց մեծ գործերի չի կարող ապրել, նա պարտադիր պիտի քանդի ու վերստեղծի: Ռուսներն ապաքաղաքական են, ծանրաշարժ, իներտ, ծոյլ, հնազանդ, բայց արթնանալու դէպքում դառնում են տարերք ու աղէտ...»:

«Բեւեռացուած ռուսական ազգային տիպը,- նկատել է Ֆ. Դոստոեւսկին,- չունի որեւէ չափի զգացում, ուր մարդը հասնում է ամենավերջին սահմանին, ուր արդէն անդունդն է: Եւ... ինքնամոռաց նետում ցած...»:

Ռուսական մտածողութիւնը բացարձակ զուրկ է ռացիոնալիզմից, որն արտայայտուում է սահմանափակումներին ու չափանիշներին չենթարկուելով: Ռուսը օրգանապէս տանել չի կարող օրէնքն ու օրինականութիւնը (եթէ, ի հարկէ, նրան չզսպեն), անտարբեր է բարիքների ու բարեկեցութեան նկատ-

մամբ: Գերմանացի փիլիսոփայ Վ. Շուբարտը, համեմատելով

ռուսական եւ արեւմտեան ազգային տիպերը, գրում է. «Ռուսական հոգին չունի միջին վիճակներ, ռուսը չունի իր երկու բեւեռները միացնող ու կարգաւորող զսպանակ:



Սիմոն Չաւարեան

Նա հակա-դրութիւնների կծիկ է, որի հետեւանքով մաշում ու քայքայում է իր հոգին: Կոպտութիւնն ու գթասըրտութիւնը, դաժանութիւնն ու ծայրայեղ զգացմունքայնութիւնը, մեղքն ու սրբասիրութիւնը նրա եութեան մէջ ապրում են կողք կողքի...»: Ոչ պակաս ուշագրաւ դիտարկումներ է արել ռուսական գենոտիպի մասին հայ ականաւոր տեսաբան Սիմոն Չաւարեանը. «Փոքր երկիրների համար ուտոպիստ խենթեր են գուցէ Դոստոեւսկիները, Տոլստոյները. անոնք գուցէ վրիպածներ են մի եւրոպացու աչքին, հակասութիւններ, վարպետօրէն շինուած: Բայց ճիշտ անոնք են Ռուսաստանի բուն արտայայտիչները, անսահմանութեան մէջ որոնող ոգիներ, որ ո՛չ չարի եւ ո՛չ բարու սահմանը կը ճանաչեն: Անոնք նման են ռուս ժողովրդական երգերին, որոնց ունկնդրելով կը զգանք ատելութիւնը, ողբը, ցաւը, բայց դրա կողքին՝ այդ ելեւէջների մէջ, անոնց անհուն ուժը, որոտացող փոթորիկը, բարձրացող բռունցքները եւ սպառնալիքները, կարծես թէ միաժամանակ կը երգեն վանդակի մէջ ինկած թռչնիկներ եւ սանձարձակ գազաններ՝ զիրար լրացնելով եւ մի ամբողջութիւն կազմելով: Ռուսիան ո՛չ ժամանակի, ո՛չ տարածութեան, ո՛չ նախապաշարումի եւ հաւատի չափ ունի: Անոր չափանիշը՝ իր մէջ ամբարած տարերքն է, որ եւթակայ չէ տեսութեան, ճառերի, ծրագիրների կամ ժողովների որոշմանց»:

Տրամագծօրէն հակառակ երեւոյթ է արեւմտեան մենթալիտետը եւ հասարակութիւնը, որն ամբողջութեամբ ռացիոնալ է ու կանոնակարգուած: Այստեղ մարդիկ հակուած են յստակ գծագրել ու կազմակերպել բոլոր կառուցուածքները: Լատինա-ռոմանական մշակոյթում մարդը ձգտում է ամեն ինչ կազմակերպել ու բիրեղացնել, որպէսզի ե՛ւ տնտեսութիւնը, ե՛ւ մարդկային եղբայրութիւնն ու սերը ունենան ամուր, յստակ գծագրութիւն ու ձեւեր: Արեւմտեան տիպի մարդու համար նոյնիսկ գրաւիչ է կողաւորել եւ չափաւորել բարոյականութիւնը, որպէսզի բարոյական մոտիւնները հոգեկանում գործեն ընդհա-

նուր կանոններով, ճշգրիտ ու որոշակի ձեւերով: Սա մի քաղաքակրթութիւն է, որի գլխաւոր հոգսը պետական կառավարման ձեւերի շարունակական կատարելագործումն է, ուր խիղճը փոխարինում է օրէնքով, ներքին մղումները դառնում են բացարձակ կառավարելի ու կարգաւորուած: Նոյնիսկ բարեգործութիւնը այստեղ վերածում է մեխանիկական աշխատանքի: Մի խօսքով՝ Արեւմուտքի ամենամեծ խնդիրը պետական կառոյցներն են ու կառավարման ձեւերը:

* * *

Մենք միտումնաւոր եզրագծեցինք ռուսական եւ արեւմտեան աշխարհընկալումները, բնաւորութիւնները, որպէսզի համեմատութեան մէջ հնարաւորինս յստակ երեւայ մեր ազգային նկարագիրը, որն անասելի տարբեր է ու բարդ: Նախ՝ նկատենք, որ ազգային բնաւորութեան արեւմտեան եւ ռուսական բնորդները՝ իրենց աղաղակող տարբերութիւններով, նոյնական են մի կետում. դա քաղաքական ու պետական միջավայրի առկայութիւնն է: Եթևոտիպն ապրում եւ իրեն իրացնում է պետական ու քաղաքական համակարգում, հետեւաբար ինքը լաւն ու վատն է ճիշտ այնքան, որքան իր ստեղծած համակարգը: Այն դէպքում, երբ հայի համար այդ բաղձալի պետական համակարգը մեծ հաշուով անյայտ բան էր, մեծ շռայլութիւն: Փոքր-ինչ ուշադիր կարդալով հայոց պատմութիւնը՝ տեսնում ենք մի բան. բոլոր դարերում (բացառութեամբ՝ մէկ-երկու դրուագի) հայը գտնուում է սահմանային գօտում, կործանման եզրին: Այլ կերպ ասած՝ պատմութեան թատերաբեմից հեռանալ-չհեռանալը հայութեան օրակարգից դուրս չի եկել երբեք: Շումբերների, աքքադացիների, յոյների, հռոմէացիների, պարսիկների, արաբների, թուրքերի, ռուսների, սովետների եւ այլոց դաժան ու թաւշեայ լուծը հայութեան ֆիզիկական ու հոգեւոր գոյութիւնը չէր երաշխաւորում: Նոյնիսկ աւելին՝ ուղղակի եւ անուղղակի ձեւերով ամեն ինչ արւում էր հայի հոգին ու մարմինը ոչնչացնելու համար: Արդիւնքում՝ նուաճողներն ու բռնակալները դարձան սոսկ պատմական փաստեր դասագրքերում, իսկ մենք շարունակում ենք ապրել: Սա ի՞նչ հանելուկ է, էթնոհոգեբանական ի՞նչ ֆենոմեն: Պետական հզօր կազմաւորումները քայքայում ու անհետանում են, իսկ նրանց «հպատակը»՝ ոչ: Սա թերեւս հենց այն անմեկնելի ու անվերծանելի «ազգային ոգին» է, եութեան հզօր միջուկը, որն անխորտակելի է եւ գոյութիւն ունի աստուածային ու տիեզե-

րական հրահանգով: Դժուար է ռացիոնալ ու զգայական բացատրություն տալ այս հարցին: Սակայն տուեալ դեպքում մեզ հետաքրքրում է ոչ թե մեր «գոյություն» հանելուկը, այլ թե ինչպիսին ենք մենք այսօր, ինչպիսի որական պատկեր ունի մեր բնաւորությունը: Սրանք, ինչ խօսք, փոխկապակցուած հարցեր են եւ ունեն նոյն ելակետը, եւ դրանց պատասխանը պիտի փնտրել հայութեան հոգեբանութեան ինքնապաշտպանական բարդ մեխանիզմի մէջ, որն առանձին խօսակցութեան նիւթ է: Համարձակ ձեւակերպել այդ ինքնապաշտպանական մեխանիզմի ճիշտ էութիւնը՝ իրօք դժուար է: Սա ասում ենք առանց հայկական ինքնաքննադատ էութիւնը առասպելականացնելու եւ ոչ էլ գեղեցիկ ու բացառիկ երեւալու ցանկութիւնից դրդուած: Մի զարմանալի տրամաբանութեամբ պատմութեան մեծ հարթակից դուրս են մղուում ե՛ւ այն ազգերը, որոնց մէջ թոյլ է ազգային ինքնութեան գիտակցութիւնը, ե՛ւ նրանք, որոնք տառապում են իրենց ինքնութեան գերգիտակցութեամբ: «Մենք՝ հայերս», հոգեբանական տերմինով ասած՝ «Մենք» հիմնադրոյթի եւ «Ես հայ եմ» հասկացութիւնները թեւեւ ինքնագիտակցութեան հզօր կառոյցներ են, բայց պատմաքաղաքական անբարենպաստ հանգամանքների պատճառով եւ մինչեւ օրս էլ չեն դարձել կազմակերպուած պետական հանրութիւն, այո՛, նոյնիսկ հռչակուած պետականութեան պայմաններում: Այս իրողութեան մօտաւոր ենթակայական բացատրութիւններից մէկն այն է, որ անկախ պետական կառոյցը կամ համակարգը դեռեւս չի ներծծուել անհրաժեշտ բովանդակութեամբ: Ստեղծուել են պետական կառուցուածքներն ու ենթակառուցուածքները, սակայն հայ հանրութիւնը չի կարողանում ինչպէս հարկն է դրանք իւրացնել, սեփականացնել: Աւելին՝ հանրութեան մի զգալի մասի համար իներցիայի ուժով եւ ենթագիտակցօրէն պետութիւնը ընկալում է իբրեւ իրեն օտար թշնամի ուժ: Դրան նպաստում է այն, որ իր գործառոյթների մէջ անասելի արատաւոր ու տկար է պետութիւնը: Այլ կերպ ասած՝ հայութիւնը պետական ու հասարակական սխեմաների մէջ ապրելու բնազդական ու գիտակցական փորձ չունի. իշխանութիւնը կառավարելու ձեւը չգիտի, հանրութիւնն էլ հպատակուելու եւ օրէնքներով ապրելու սովորութիւնը չունի:

Ռուսական ազգային բնաւորութեան մասին խօսելիս Ն. Բերդեաւեն ասում է. «Դժուար է կառավարել մի ազգի, որն ունի անարխիստական հակումներ»: Մի իւրօրինակ կարգաւորուած քաօս է նաեւ մեր հանրութիւնը: Սակայն, ի տարբերութիւն ռուսների, հայերի համար մաքսիմալիզմը, ծայրայեղա-

կանութիւնը եւ գաղափարական մոլեռանդութիւնը օտար են եւ անընդունելի: Հայը իր պատմական փորձով գիտի, որ ուժեղների կրակի տակ չպետք է լինել ծայրայեղ եւ ոչ մի հարցում: Նրա էթնոպաշտպանական բանաձեւի մէջ այս որակներն ու ըմբռնումները չկան: Պատահական չէ, որ նոյնիսկ ամենաճգնաժամային իրավիճակներում հայութիւնը չգնաց կտրուկ ու ծայրայեղ քայլերի: Ինչ խօսք, սա հարցի դրական կողմն է, բայց կայ նաեւ խոցելի, բացասական կողմը: Դա մեր ինքնակազմակերպուելու, ներքին պայմանաւորուածութեամբ ապրելու ընդունակութեան բացայայտ պակասն է: Համակերպուել անընդհատ ու ամեն ինչի հետ՝ լաւի, թե վատի, նշանակութիւն չունի: Նոյնիսկ մի թունաւոր անեկդոտ կայ այս մասին. «Երբ հրեան է ընկնում ցեխի մէջ, մտածում է՝ ինչպէս դուրս գալ, երբ հայը՝ մտածում է՝ ինչպէս յարմարուել...»: Ընդվզումը սեփական արատների ու վատ պայմանների դեմ կարող է մաքրագործող նշանակութիւն ունենալ, սակայն, աւաղ, հայը ընդվզում է, երբ արդէն դանակը հասել է ոսկորին: Փորձը ցոյց է տալիս, որ առայժմ մեզ կարող է համախմբել միայն մեր թշնամին: Կոլեկտիւիզմի զգացումը ներքին կեանքում ընդհանրական նպատակներին հասնելու գործում թոյլ է եւ ոչ արդիւնաւետ: Կոլեկտիւիստական ընկալումը, որը, ի դէպ, ուժեղ է ռուսների մէջ եւ թոյլ՝ Արեւմուտքում, ունի համախմբող բացառիկ յատկութիւն: Պատահական չէ, որ այդ յատկութեան շնորհիւ գերմանացիները ե՛ւ նացիզմ ծնեցին, ե՛ւ իրենց երկիրը 20 տարի անց վերածեցին Եւրոպայի տնտեսական հսկայի: Իսկ ռուսներն էլ արիւնալի յեղափոխութիւններ արեցին եւ նացիզմին ծնկի բերեցին: Այնպէս որ, կոլեկտիւիզմը մի որակ է, որը ի գօրու է ե՛ւ արարել, ե՛ւ անել: Հայութեանն այսօր պակասում է այդ ընդհանրական «մենք»-ի առողջ զգացումը եւ իրաւական կարգապահութիւնը: Առհասարակ, իրաւական կարգապահութիւնը կամ, ինչպէս յաճախ ասում են՝ իրաւագիտակցութիւնը, մեր հանրութեան աքիլէսեան գարշապարն է:

Մարդիկ ոչ մի կերպ չեն կարողանում հաւատալ, որ մեր երկրում մի պայծառ օր կը սկսեն գերիշխել օրէնքները: Իրաւական նիհիլիզմով տառապում են բոլորը: Սա նշանակում է, որ հայի աշխարհընկալման ու վարքագծի մէջ իրաւական կատեգորիաներով մտածելն ու առաջնորդուելը թոյլ է ու չկազմաւորուած: Հայի հոգեբանութեան մէջ գերակայում են խղճի, բարոյականի եւ մարդկայինի՝ երբեմն էլ աղճատուած մոտիւները: Յատկապէս «մարդկայինի» հակասական գործօնը՝ նորօրեայ իրաւական ու աւանդական բարոյական պատկերա-

ցումների բարդ հանգոյցը, հային պահելու է իւրօրինակ երկփեղկուածութեան մէջ եւ թոյլ չի տալու, որ չափաւորութիւնն ու կարգաւորութիւնը դառնան տիրապետող կեանքում: Այս առումով մէկ այլ հարթութեան վրայ սուր, բայց կեղծ հակասութեան մէջ են սեփական շահի եւ հանրային շահի պատկերացումները: Ընկերային հիմքի կայունացումը, ի վերջոյ, հասարակ մարդուն եւ պաշտօնեային կը սովորեցնի, որ հանրային օրէնքի կիրառութիւնն ու գերակայութիւնը բոլորի կենսական շահն է: Սա ժամանակի հարց է: Իսկ մինչ այդ հայի ազգային բնաւորութեան մէջ ընկերային մոտիւր լինելու է ամենաուժեղ արտայայտուած գիծը: Պիտի արձանագրենք, որ հենց ընկերային լարութիւնն է մեր կեանքի բազում մեծ ու փոքր աղետների բուն պատճառը: Ընկերային դաշտում մըրցակցային վիճակներն ուժգնօրէն ներգործում են հայի հոգեկերտուածքի վրայ ամբողջութեամբ՝ վեր հանելով նրա նկարագրի ինչպէս դրական, այնպէս էլ բացասական որակներն ու գծերը: Այստեղ փոքր-ինչ մանրամասները խնդիրը, հային բնութագրելիս օտարներն առաջինը նշում են նրա աշխատասիրութիւնը եւ օժտութիւնը: Իրօք, մենք էլ գիտենք, որ ծուլութիւնը եւ անտարբերութիւնը հային բնորոշ չեն: Հիմա պատկերացնենք մի հանրութիւն, որտեղ մարդկանց ճշող մեծամասնութիւնը աշխատասեր է ու նախաձեռնող, բայց չկայ այդ որակները կառուցուածքայնացնող, գործի դնող որակեալ քաղաքական, տնտեսական ու վարչական համակարգ: Համեմատութեան համար ասենք, որ աշխատասեր էթնոտիպի համբաւ ունեն նաեւ գերմանացիները: Նրանց աշխատասիրութիւնը ռացիոնալ է, լաւ կանոնակարգուած եւ գերխնայողական: Ճապոնացիների աշխատասիրութիւնը այլ երանգ ու իմաստ ունի: Նրանք էլ աշխատանքին տրուում են ինքնամոռաց, սիրով ու նուիրումով: Հայի համար աշխատանքը կարող է ոչ այնքան ապրուստի միջոց լինել, որքան կեանքի իմաստ ու նպատակ: Հայը չի կարող աշխատել հենց այնպէս, իբրեւ պարտականութիւն: Գործի նկատմամբ ստեղծագործական մօտեցումը հայի բնական վիճակն է: Աշխատասեր գերմանացին ոչնչից գործ չի ստեղծում, հայը՝ կստեղծի: Եթէ համակարգ չլինի, գերմանացին անզօր է որեւէ բան անել, բայց խոհեմութիւնն անհատական որակներին ապաւինելը չէ, այլ մարդկանց կարողութիւնները պետութեանն ու հայրենիքին ծառայեցնող համակարգ ստեղծելը: Մրցակցային դաշտում լարութեան շարունակական գոյութիւնը վտանգաւոր է նաեւ մէկ այլ առումով, ինչի ականատեսը եղանք բոլորս վեր-



ջին 15 տարում: Նկատի ունենք արտագաղթը, ինչը հայի չիրացուող մտաւոր ու ֆիզիկական էներգիայի արտահոսքն է դեպի կայացած համակարգեր: Մեր անուանի կրօնական գործիչներից մէկը՝ Օրմանեանը, մեր ազգային երկփեղկուածութեան հիմքում տեսնում է հայի էութեան մասշտաբների անհամատեղելիութիւնը կենսատարածքի ու պայմանների համեմատութեամբ: Ըստ նրա՝ հայը մեծ ծովի լողորդ է: Նա իրեն չի կարողանում դրսեւորել փոքր տիրոջներում եւ ոտք է մեկնում հզօրների հետ: Իրաւացի է Օրմանեանը: Մեր այս վերլուծական նիւթն ակամայից դրա հաստատումն է: Չէ՞ որ մենք էլ մեզ չենք համեմատում, ասենք, վրացիների, բուլղարների, լիտւացիների եւ այլոց հետ: Որպէս մրցակից, չգիտես ինչու, ընտրում ենք Արեւմուտքի հզօրներին... Արտագաղթի խորքային պատճառների մասին մենք դեռ կը խօսենք: Այսօր ամփոփենք մեր խօսքը եւ ասենք հետեւեալը: Համեմատական վերլուծութիւնը ցոյց է տալիս, որ ազգային ու էթնիկական գործօնը լուրջ ազդեցութիւն է ունենում նաեւ քաղաքական գործընթացների վրայ: Զաղաքական հոգեբանութեան մէջ ազգային առանձնայատկութիւնների բացայայտումը եւ մեխանիզմների իմացութիւնը մեզ կ'օգնի առաւել արդիւնաւետութեամբ ձեւաւորել շուկայական տնտեսութիւն եւ իրաւական պետութիւն եւ, ի հարկէ, կատարելագործել հասարակական ու պետական հաստատութիւնները (ինստիտուտները):



Կարեն ՎԵՐԱՆԵԱՆ

1948 թ. հրեական պետության ստեղծմամբ սիոնիստական աշխարհագրափարական-աշխարհառազնավարական հիմնադրոյթները հայեցակարգային լուրջ փոփոխութիւնների ենթարկուեցին: Համաշխարհային սիոնիստական խոշորագոյն կենտրոններում Իսրայէլի պետության անվտանգութեան ապահովման ու յետագայ զարգացման հարցի կողքին, օրակարգ բարձրացուեց 21-րդ դարի նոր մարտահրաւերների առջեւ համաշխարհային հրեականութեան պատմաքաղաքական անցած ուղու վերահիմաստաւորման, սիոնիստական առաքելութեան վերածեակերպման եւ յետագայ անելիքների սահմանման խնդիրը:

Հրեական պետութեան հիմնադրումից ի վեր սիոնիստական առաքելութեան աշխարհաքաղաքական տեսլականներն առաւել յստակեցուեցին յատկապէս վերջին երկու տասնամեակների կտրուածքով գլոբալ աշխարհաքաղաքականութիւնում տեղի ունեցող աշխարհակարգային վերափոխումների արդիւնքում, որոնք կարելի է դասակարգել հետեւեալ կերպ.

1. Խորհրդային Սիւրբեան փլուզում եւ նոր աշխարհակարգի ձեւաւորում,
2. նախկին խորհրդային տարածքում նորանկախ հանրապետութիւնների ստեղծում,
3. համաշխարհային գործընթացների բազմակողմանի գլոբալիզացում,
4. էներգետիկ անվտանգութեան հիմնախնդիրների ակտուալացում,
5. 21-րդ դարի մարտահրաւերներ (ահաբեկչութիւն, զանգուածային ոչնչացման զէնքի տարածում եւ այլն),
6. միաբեւեռ աշխարհակարգի բազմաբեւեռացում (Չինաստան, Հնդկաստան):

ՀՐԵԱԿԱՆՈՒԹԵԱՆ ԱՊԱԿԵՆՏՐՈՆԱՑՈՒՄ

Ելնելով վերը յիշատակուած վեց կէտերից՝ սիոնիստական առաքելութիւնն իր առջեւ խնդիր էր տեսնում Իսրայէլի եւ նրա ազգաբնակչութեան անվտանգութեան պահպանման, ինչպէս նաեւ նոր աշխարհակարգում վերջինիս դերի մեծացման հիմնահարցերին զուգահեռ, օրակար-

գում բարձրացնել սփիւռք-պետութիւն յարաբերութիւնները, իսկ աւելի ստոյգ՝ Իսրայէլի սահմաններից դուրս հրեական համայնքային կենտրոնների դերակատարման սահմանման եւ դրանց յետագայ զարգացման հիմնախնդիրները:

Նախքան Իսրայէլի պետութեան հիմնադրումը սիոնիստական աշխարհագաղափարախօսութեան հիմքում դրուած էր հրեականութեան միակենտրոնացման սկզբունքը կամ ռազմավարութիւնը, ինչը հայեցակարգային էական փոփոխութիւնների ենթարկուեց յատկապէս Իսրայէլի պետութեան հիմնադրումից սկսած: Դժուար է չհամաձայնել, սակայն, որ մինչեւ վերջերս եւ յատկապէս Սառը պատերազմից յետոյ, հրեականութեան աշխարհագաղափարական հիմնադրոյթներում թէւ Իսրայէլ-հրեական սփիւռք ձեւաչափային փոխյարաբերութիւնները մասամբ վերահիմաստաւորուեցին ու ստացան գործառութային նոր տրամաբանութիւն, այսուհանդերձ, դրանք դեռեւս շարունակում էին ընկալուել գերազանցապէս *սուբյեկտ-օբյեկտ* յարաբերութիւնների մակարդակով:

Սառը պատերազմի աւարտով եւ բազմաբեւեռ աշխարհակարգի ձեւաւորմամբ հրեական աշխարհագաղափարախօսութիւնում արմատապէս վերափոխակերպուեց պետութիւն-սփիւռք յարաբերութիւնների ընդհանուր տրամաբանութիւնը: Սիոնիստական խոշորագոյն «ուղեղային կենտրոններում» 21-րդ դարի հրեականութեան առաքելութիւնը ստացաւ իր նոր աշխարհագաղափարական վերահիմաստաւորումը, որը միանշանակօրէն ելնում



էր հրեականութեան առաքելութեան *ապակենտրոնացման ռազմավարութիւնից*:

Միւս կողմից, հրեականութեան զարգացման ապակենտրոնացման նոր մոդելն իր հերթին հրեականութեան աշխարհագաղափարական առաքելութեան իմաստային նոր տրանսֆորմացիաների իրականացման առիթ դարձաւ: Արդիւնքում՝ հրեականութեան աշխարհագաղափարական

առաքելութեան հենքում դրուեց ոչ թէ ազգային կամ նոյնիսկ համազգային ասպեկտը, ինչպէս դա ենթադրում էր հրեականութեան զարգացման միակենտրոնացման ռազմավարութիւնը, այլեւ գերակայութիւն էր տրուում հրեականութեան աշխարհաքաղաքակրթական զարգացման մոդելին, որին պայմանականօրէն կարելի է «*Հրեական աշխարհաքաղաքակրթական առաքելութիւն կամ ռազմավարութիւն*» անուանումը տալ:

Հրեականութեան աշխարհաքաղաքակրթական հայեցակարգային դրոյթներում վերածեւակերպուած հրեականութեան զարգացման ապակենտրոնացման մոդելը էապէս ընդլայնեց հրեական համայնքների գործառութային դերակատարման բովանդակային սահմանները, ինչն իր հերթին պետութիւն-սփիւռք յարաբերութիւններում ընդունեց սուբյեկտ-սուբյեկտ յարաբերակցման ձեւաչափը: Արդիւնքում՝ հրեական համայնքները ձեռք բերեցին համեմատաբար ինքնիշխան քաղաքական ու գործառութային կարգավիճակ, ինչը դիւրին դարձրեց աշխարհասփիւռք հրեական համայնքային կենտրոնների միջեւ համացանցային համակարգի կառավարելիութիւնը: Միեւնոյն ժամանակ, հրեական համայնքային կենտրոնների ինքնիշխանութիւնը էապէս խթանեց վերջիններիս աշխարհաքաղաքական դերի ընդլայնմանը, ինչը պոտենցիալ նախադրեալ հանդիսացաւ գլոբալ աշխարհակարգում հրեական համայնքի՝ օբյեկտի կարգավիճակից *աշխարհաքաղաքական* սուբյեկտ ներկայանալու համար: Այս տեսանկիւնից, բաւական իրատեսական է այն կարծիքը, որ չունենալով պետական, պետաիրաւական համապատասխան կարգավիճակ ու լիազօրութիւններ, հրեական համայնքային կենտրոնները, Իսրայէլի պետութեան համեմատ, աստիճանաբար առաւել լայն իրաւաքաղաքական, ֆինանսական իրաւասութիւններ ու հնարաւորութիւններ են ձեռք բերում: Մի հանգամանք, ինչը նոր աշխարհակարգում պետական-մասնաւոր սուբյեկտ յարաբերակցման կարելորագոյն առանձնայատկութիւններից մէկն է: Դառնալով աշխարհաքաղաքական գործօն՝ հրեական համայնքները, սակայն, հանդէս են գալիս ոչ թէ սպառնալիքներն ու մարտահրաւերները զսպողի եւ ոչ այնքան դրանց հակազդողի, որքան մարտահրաւերներ առաջադրողի դիրքերից:

ՀՐԷԱԿԱՆ ԾԱԳՈՒՄՆԱԲԱՆԱԿԱՆ ՀԻՄՆԱՀԱՐՑԸ

Վերջին տարիներին հրեականութիւնը լրջագոյն ուշադրութիւն է սկսել դարձնել հրեաների ծագումնաբանական հիմնախնդիրների ուսումնասիրութեանը, ինչը եւ դարձել է 21-րդ դարի հրեականութեան աշխարհաքաղա-

քակրթական առաքելութեան առանցքային բաղադրիչներից մէկը: Հրեական խոշորագոյն «ուղեղային կենտրոններում» այսօր լուրջ հետազոտութիւններ են իրականացուում սեմական ժողովուրդների ծագումնաբանութեան հրեականացման ուղղութեամբ: Նկատենք, որ նոյն «հակասեմականութիւն» հասկացութիւնը ներկայացուում է որպէս անհանդուրժողականութեան դրսեւորում սոսկ հրեականութեան նկատմամբ, այն դէպքում, երբ «հրեականութիւնը» հանդիսանում է «սեմականութիւն» գիտական հասկացութեան ճիւղաւորումներից ընդամենը մէկը:

Վերջին ժամանակներս մասնաւորապէս կրկին ակտիւութիւն է նկատուում այսպէս կոչուած «հրեական 10 ցեղերի» յայտնաբերման հետազոտութիւններում, որոնք իրենց փնտրտութիւնները կատարում են հրեական աւանդապատումներում, եւ դեգերում Կովկասեան-Կասպեան, ինչպէս նաեւ Կենտրոնական ու Հարաւ-Արեւելեան Ասիական տարածաշրջաններում:


Ըստ հրեական աւանդութեան, օրինակ, Իսրայէլի կորուսեալ ցեղերից մէկը դեգերել է հիւսիս-արեւմտեան Պարսկաստանում, աւելի ստոյգ՝ Քուրդիստանում՝ յետագայում բաժանուելով տարածուել հիւսիս ու արեւելք: Արդիւնքում՝ հրեական կորուսեալ ցեղի հիւսիսային ճիւղը հաստատուել է Կովկասեան լեռներում՝ Կասպից ու Սեւ ծովերի միջեւ ընկած տարածքներում (ներկայիս Հայաստանը, Ադրբեջանը, Վրաստանը եւ Դաղստանը): Աւելին, որոշ հրեա գիտնականների կողմից իրականացուած հետազոտութիւնների արդիւնքները ցոյց են տալիս, որ ներկայիս Քուրդիստանի տարածքում բնակուող քրդերի ու հրեաների միջեւ գոյութիւն ունի գենետիկ կապ, ինչն առաւել ուժեղ է, քան հրեաների ու արաբների միջեւ գենետիկ յարաբերակցութիւնը:

Ինչ վերաբերում է հրեական կորուսեալ ցեղախմբերի աշխարհագրական ծագումնաբանութեան արեւելեան ճիւղաւորմանը, ապա վերջինս, ըստ հրեական աւանդութեան, ներառում է Ուզբեկստանը, Բուխարան ու Թուրքմենստանը: Պէտք է նշել նաեւ, որ կորուսեալ ցեղերի արեւելեան ճիւղաւորումը յետագայում իր հերթին տարածում է գտել Աֆղանստանում, Հնդկաստանում ու Պակիս-

տանում՝ ձգուելով մինչեւ Չինաստան: Մասնաւորապէս նշում է, որ Հին Չինաստանում բնակութիւն էր հաստատել այսպէս կոչուող Չիանգ ցեղախումբը, որը ըստ հրեական աւանդապատումների, սերում է հրեական կորուսեալ ցեղերից եւ ունի սեմական ծագում:

ՀԱՅՐԵՆԱԴԱՐՁՈՒԹԵԱՆ ՀԻՄՆԱ ՆԴԻՐԸ

Իսրայէլի սահմաններից դուրս գործող հրեական համայնքներին ընծեռուած ներկայիս կարգավիճակը անուղղակիօրէն կապակցուում է նաեւ դէպի Իսրայէլ հրեաների հայրենադարձութեան հարցի հետ: Խնդիրը մասնաւորապէս վերաբերում է նրան, որ Իսրայէլի պետութեան հիմնադրումից անմիջապէս յետոյ երկրի իշխանութիւնների առջեւ բարձրացաւ հրեական սփիւռքի ներկայացուցիչների հայրենադարձութեան կազմակերպման անհրաժեշտութեան հարցը, ինչն ըստ էութեան, ոչ միանշանակ



դրական արձագանք գտաւ սփիւռքի հրեական համայնքների տարբեր շրջաններում: Առաւել խոշոր հրեական համայնքներում, նախորդ դարի 50-ականներից դէպի Իսրայէլ հայրենադարձութեան խնդրի բարձրացմամբ, լուրջ քննարկումներ ու բանավեճեր սկըսւեցին «հրեական ազգային օջախ» հասկացութեան սահմանման, հայրենադարձութեան նպատակայարմարութեան հիմնահարցերի շուրջ: Մասնաւորապէս, 20-րդ դարի վերջերից սկսած, երբ դէպի Իսրայէլ հրեական սփիւռքի հայրենադարձութեան արտահոսքերը

զգալիօրէն կրճատուեցին, Իսրայէլ-հրեական համայնքային կենտրոններ յարաբերութիւններում հայրենադարձութեան հիմնախնդիրը կարգաւորուեց գերազանցապէս հրեականութեան զարգացման ապակենտրոնացման մոդելի կիրառման շնորհիւ: Այդ համատեքստում, անշուշտ, նոր վերաիմաստաւորում ստացաւ նաեւ «հայրենիք» հասկացութիւնը, ինչի արդիւնքում Իսրայէլը մինչ օրս ներկայանում է որպէս *աւետեաց* երկիր (սրբազանութեան խորհրդանիշ), իսկ հրեական համայնքները՝ հրեական քաղաքակրթական օջախներ:

ԱՆՎՏԱՆԳՈՒԹԵԱՆ ՆՈՐ ՀԱՄԱԿԱՐԳԻ ՍՏԵՂԾՈՒՄ

21-րդ դարում հրեականության առաքելության կարելորագոյն հիմնադրոյթներից մէկն էլ վերաբերում էր 21-րդ դարի մարտահրաւերների ու սպառնալիքների դիմաց հրեականության անվտանգութեան ապահովման հիմնախնդիրներին, ինչը մասամբ կարգաւորում էր հրեականության զարգացման ապակենտրոնացման ռազմավարութիւնը: Իսկ աւելի ստոյգ՝ հրեականության նոր աշխարհագաղափարախօսութիւնը թոյլ էր տալիս խուսափել մտաւոր, քաղաքական ու ֆինանսական կապիտալի միակենտրոն կուտակումներից, ինչը տեղի ունեցաւ Երկրորդ աշխարհամարտի տարիներին ֆաշիստական Գերմանիայում, երբ հրեականութեան քաղաքական-տնտեսական կապիտալի միակենտրոն կուտակումը յանգեցրեց հրեաների զանգուածային ջարդերին:

Միւս կողմից, հրեականութեան ապակենտրոնացուած մեխանիզմը կարելւորում էր նաեւ համապատասխան անվտանգութեան ինստիտուտների կայացման անհրաժեշտութիւնը: Արդիւնքում զգալի փոփոխութիւնների ենթարկուեցին Իսրայէլի յատուկ ծառայութիւններն ու նրանց ընծեռուած լիազօրութիւնները, որոնք գերազանցապէս մասնագիտացած էին Իսրայէլի սահմաններից դուրս հրեական համայնքային կենտրոնների անվտանգութեան ապահովման, ինչպէս նաեւ տուեալ տարածաշրջանում Իսրայէլի ազգային շահերի պաշտպանական հիմնախնդիրներով: Աւելին, ներկայումս հարցը միանշանակօրէն դրուած է

համայն հրեականութեան անվտանգութեան ապահովման համատեքստում համապատասխան հետախուզական ու հակահետախուզական ցանցային համակարգի ստեղծման շրջանակներում, ինչը, միեւնոյն ժամանակ, հնարաւորութիւն կը ստանայ սերտօրէն համագործակցել նաեւ Իսրայէլի յատուկ ծառայութիւնների հետ:

21-րդ դարում հրեականութեան անվտանգութեան ապահովման ապակենտրոնացուած համակարգի ու ինստիտուտների ձեւաւորման ու կայացման հարցի կարելւորութիւնը շեշտադրում է յատկապէս այն հանգամանքը, որ հրեական համայնքների դերակատարման մեծացման հետ միաժամանակ բաւական խնդրահարոյց էր դարձել

մէկ կենտրոնից հրեական սփիւռքի անվտանգութեան ապահովման եւ ընդհանրապէս Իսրայէլի ազգային շահերի պաշտպանման արդիւնաւէտ կազմակերպումը:

ՀՐԷԱԿԱՆ ՏԱՐԱԾԱՇՐՋԱՆԱՅԻՆ ԿԵՆՏՐՈՆՆԵՐ

Հրեականութեան զարգացման ապակենտրոնացման ռազմավարութեան անկիւնաքարերից մէկն էլ վերաբերում է հրեական տարածաշրջանային կենտրոնների հիմնադրման ու կայացման հարցին, որը հետապնդում է երեք հիմնական նպատակ. յայտնի է, որ նախորդ դարի 50-ականներից սկսած հրեական մտաւոր, քաղաքական ու ֆինանսական կապիտալի գերակշիռ մասը հասցրել էր կուտակուել յատկապէս Միացեալ Նահանգներում, ինչը հրեականութեան աշխարհաքաղաքակրթական նոր գաղափարախօսութիւնում դիտւում է որպէս ռիսկային գործօն: Այս տեսանկիւնից, աշխարհի տարբեր հատուածներում հրեական տարածաշրջանային կենտրոնների ստեղծումը լուրջ նախադրեալներ կարող էր ստեղծել հրեականութեան ամերիկեան կապիտալի ապակենտրոնացման համար: Երկրորդ՝ հրեական տարածաշրջանային կենտրոնների ստեղծումը կարելւորում էր 21-րդ դարում հրեականութեան ապակենտրոնացուած զարգացման ռազմավարութեան արդիւնաւէտութեան ապահովման նկատառումներով: Եւ երրորդ՝ հրեական տարածաշրջանային կենտրոնները, միւս կողմից, ստանձնել են 21-րդ դարի հրեականութեան բազմակենտրոն աշխարհաքաղաքակրթութեան զարգացման առաքելութիւն:



Վերջին մէկուկէս տասնամեակի կտրուածքով հրեական տարածաշրջանային քաղաքակրթական կենտրոնները ձեւաւորուել են երեք հիմնական աշխարհագրական ուղղութիւններով՝ Հարաւային

Ամերիկա եւ Կանադա, Արեւմտեան Եւրոպա ու ետխորհրդային տարածք եւ Արեւելեան ու Հարաւ-արեւելեան Ասիա: Պէտք է նշել նաեւ, որ վերջին տարիներին հրեականութիւնն առանձնայատուկ հետեւողական քաղաքականութիւն է տանում մասնաւորապէս Արեւելեան, Հարաւ-Արեւելեան Ասիական ուղղութեամբ, ինչը պայմանաւորուած է բազմաբեւեռ աշխարհակարգի ձեւաւորմամբ (Չինաստան, Հնդկաստան, Շանհայի Համագործակցութեան կազմակերպութիւն եւ այլն):

ԱՐՇԱԼՈՅՍ ԱՍՏՈՒԱԾԱՏՐԵԱՆԻ ՆԱՄԱԿՆԵՐԸ

«ՀԱՅՐԵՆԻՔ»-Ի ԽՄԲԱԳԻՐ

ՌՈՒԲԷՆ ԴԱՐԲԻՆԵԱՆԻՆ (1963-1968 ԹԹ.)

Արշալոյս Աստուածատրեանը հայ ազատագրական շարժման եւ Հայաստանի Առաջին Հանրապետութեան նշանաւոր գործիչներից է: Նա ծնուել է 1883 թ. Քանաքեռ գիւղում, մանկավարժի ընտանիքում: Աւարտելով Երեւանի թեմական դպրոցը՝ նա անցել է մանկավարժական աշխատանքի, որպէս ուսուցիչ աշխատել Դարալագեազի, Աշտարակի գիւղական դպրոցներում: Որպէս Հայ Յեղափոխական Դաշնակցութեան եռամդուն անդամներից մէկը, նա յիշեալ վայրերում կազմակերպչական մեծ աշխատանք է տարել ինքնապաշտպանական ջոկատներ ստեղծելու, հայ գիւղացիներին զինելու, զէնք ու զինամթերք կուտակելու ուղղութեամբ: Դաշնակցութեան ծաւալած աշխատանքի շնորհիւ 1905 թ. հայ-թուրքական ընդհարումների ժամանակ հայկական զինուած ջոկատները, յատկապէս Դարալագեազում, զօրեղ հակահարուածներ հասցրեցին թուրք ջարդարարներին եւ փրկեցին բնակչութեանը կոտորածներից:

Ա. Աստուածատրեանը Թիֆլիսի պետական մանկավարժական ինստիտուտն աւարտելուց յետոյ (1910-1914 թթ.) զօրակոչուում է ծառայում է Երեւանի կայազօրում որպէս դատական բաժնի վարիչ, իսկ 1917 թ. փետրուարեան յեղափոխութիւնից յետոյ ընդգրկուում է Երեւանի նահանգի զինուորական խորհրդի գործադիր կոմիտէի մէջ: Յետագայում Դաշնակցութեան կողմից նշանակուում է Երեւանի Հայոց Ազգային խորհրդի անդամ: Երբ 1917 թ. վերջերին Արամ Մանուկեանը, որպէս Թիֆլիսի Հայոց Ազգային խորհրդի անդամ, գալիս է Երեւան, ստեղծուում է Յատուկ կոմիտէ, որի մէջ Ա. Մանուկեանից ու Մկրտիչ Մուսիսեանից բացի ընդգրկուում է նաեւ Ա. Աստուածատրեանը: «Յատուկ կոմիտէն,- ըստ Սիմոն Վրացեանի,- երկրի փաստական իշխանութիւնն էր», իսկ երբ ստեղծուում է Վարիչների մարմինը, Ա. Աստուածատրեանը եւս ընդգրկուում է նրա մէջ, որտեղ ստանձնում է երկրի ինքնապաշտպանութիւնն ապահովող կարեւոր պաշտօն:

Յովհաննէս Քաջազնունու կառավարութեան մէջ Ա. Աստուածատրեանին տրուում է Լուսաւորութեան նախարարութիւնը՝ որպէս Արամ Մանուկեանի օգնական: Յետոյ նա ընտրուում է Երեւանի քաղաքապետի օգնական, իսկ Մ. Մուսիսեանի հրաժարումից յետոյ դառնում Երեւանի քաղաքապետ:

Խորհրդային կարգերի հաստատումից յետոյ, ի թիւս այլ բարձրաստիճան պաշտօնեաների, Ա. Աստուածատրեանը բանտարկուում է, բայց 1921 թ. փետրուարեան ապստամբութեան շնորհիւ ազատուում է եւ Հայրենիքի փրկութեան կոմիտէի որոշմամբ կրկին դառնում Երեւանի քաղաքապետ: Ապստամբութեան պարտութիւնից յետոյ նա անցնում է Իրան, դառնում Հայաստանի վտարանդի կառավարութեան անդամ, յետոյ մեկնում է Չեխոսլովակիա, այնտեղից էլ՝ Հարաւսլաւիա:

Մինչեւ կեանքի վերջը նա ապրում է Բելգրադում, Ս. Վրացեանի խօսքերով՝ «Կենդանի կապ պահելով հայ իրականութեան հետ՝ ուշադրութեամբ հետեւելով Սփիւռքի ու Հայաստանի կեանքին ու աշխատակցելով արտասահմանի հայ մամուլին... Նրա բովանդակալից ու հետաքրքրական յօդուածները... սիրով կարդացւում են բոլոր ընթերցողների կողմից» (տես Ա. Աստուածատրեանի «Սարդարապատի պատմաշինութիւնը» գրքի համար Ս. Վրացեանի գրած առաջաբանը, Երեւան, 2007, էջ 19-20):

Ա. Աստուածատրեանը մահացել է Բելգրադում 1973 թ., 90 տարեկան հասակում: Վերջերս Երեւանում, տողերիս հեղինակի աշխատակցութեամբ, «Հայագիտակ» հրատարակչութեամբ լոյս ընծայուեց Ա. Աստուածատրեանի «Սարդարապատի պատմաշինութիւնը եւ այլ երկեր» վերնագրով (830 էջ) գիրքը, որի մէջ տեղ են գտել նրա երկու տասնեակից աւելի աշխատութիւններ:

Արշալոյսի աւագ դուստր Էմմայի (1918-2005 թթ.) որդի Սուրէն Յուսիսեցը (մասնագիտութեամբ քիմիկոս) Բելգրադից բերեց եւ ինձ յանձնեց իր պապիկից մնացած թղթերը, որոնց մէջ էր նաեւ 1963-1977 թթ. նրա գրած նամակների սեւագրութիւնների մատեանը: Նա թղթակցել էր իր մտերիմների եւ շատ յայտնի գործիչների՝ Սիմոն Վրացեանի, Արշամ Խոնդկարեանի, «Հայրենիք» ամսագրի երկարամեայ խմբագիր Ռուբէն Դարբինեանի հետ: Ստորեւ հրապարակուում ենք այդ մատեանի մէջ եղած Ա. Աստուածատրեանի նամակները՝ հասցեագրուած Ռ. Դարբինեանին:

Վարդան ԳՐԻԳՈՐԵԱՆ
Պատմական գիտութիւնների դոկտոր

1963 թ., Բեկորադ

Սիրելի ընկեր Ռ. Դարբինեան

Շիանդութեան պատճառով մայիսի 9-ի Զեր նամակին պատասխանում եմ ուշացումով: Նախ հիւանդացայ ես, պառկեցի 15 օր, ապա դեռ ոտքի չելած, պառկեց կինս՝ ծանր հիւանդութեամբ: Ծատ էի մտահոգուած, բայց, բարեբախտաբար, տազնապն անցաւ եւ այժմ նա էլ է ոտքի վրայ: Աւելի քան մի ամիս ոչինչ չեմ կարողացել անել՝ ամբողջովին տարուած լինելով տան հոգսերով: Գոհ եմ, որ յօդուածներս տեղ են հասել: Յոյս ունեմ, որ մի քանի օրից յետոյ կ'ուղարկեմ նաեւ Արամի կենսագրութիւնը՝ վերջացնելու վրայ եմ:

Երախտագէտ եմ Զեր հետաքրքրութեան համար իմ առողջական ու նաեւ նիւթական վիճակով: Առողջութիւնս ընդհանրապէս վատ չէ ի նկատի ունենալով տարիքս (մօտերս մերոնք «տօնեցին» ութսունամեակս): Բայց վատ է աչքերիս վիճակը, որը տարօրինակ կերպով է արտայայտում կարդալ-գրելուց դուրս տեսողութիւնս գրեթէ նորմալ է: Միշտ ի նկատի առնելով տարիքս, սակայն, յաճախ բնաւ կամ գրեթէ բնաւ չեմ կարողանում կարդալ, ստիպուած եմ օրեր հանգիստ տալ աչքերիս, որից յետոյ մի երկու օր կարողանում եմ աշխատել: Դրանից յետոյ նոյն պատմութիւնը: Գրելն ավելի դիւրին է՝ համեմատած կարդալու հետ: Դժբախտութիւնը նրանումն է, որ այստեղ լաւ մասնագէտ ակնաբոյժներ չկան, եղածները միջակութիւններ են: Ընդհանուր կերպով խորհուրդ են տալիս նուազագոյնի հասցնել զբաղմունքներս (կարդալ-գրելը), եթէ չեմ կարող իսպառ ձեռք քաշել:

Գալով նիւթական վիճակիս պիտի ասեմ, որ այն նախանձելի վիճակում չէ, որ դարմանալի եւ չէ՝ ի նկատի ունենալով մեր պայմանները: Քանի որ հնարաւոր էր մասնաւոր գործով զբաղուել, մեր նիւթական վիճակը վատ չէր կինս բժշկուի է (աւարտել է Կիւեի համալսարանը՝ մասնագիտութեամբ ատամնաբոյժ): Ես էլ գնացի Փարիզ եւ սովորեցի տեխնիկան եւ աշխատում էինք միասին: Մի քանի տարի առաջ օրէնքով արգելուեց (բժիշկների համար) մասնաւոր պրակտիկան, մենք ստիպուած հաշուեյարդարի ենթարկեցինք մեր գործը եւ այժմ անգործ ենք: Մենք այստեղ ունէինք տուն, որի եկամուտը բաւական էր մեր ծերութեան օրերն ապահովելու համար: Բայց այդ տունն էլ ազգայնացրին (ձեռքներիցս առան)՝ թողնելով մեզ մի բնակարան, այն էլ վարձով... Այժմ մեզ օգնում է կնոջս եղբայրը, նոյնպէս բժիշկ է, ժիր ծերունի եւ ստանում է կենսաթոշակ (երկար ժամանակ պետ. պաշտօնեայ է եղել):

Այս պատմութիւն-գլխացաւանքը Զեզ տուեցի՝ գաղափար տալու մեր նիւթական վիճակի մասին:

Այսուհանդերձ, իրաւունք չեմ համարում Զեզ դիմելու եւ դրամ խնդրելու: Դուք այդ իմաստով օգնած կը լինեք ինձ, եթէ բարի լինեք եւ Զեր հնարաւորութեան, շուտ հրատարակութեան տաք իմ յօդուածները:

Ի վերջոյ, ներողամիտ եղէք այս գլխացաւանքի համար:

Ձերմ բարեւներով եւ բարի ցանկութիւններով՝

Զերդ. Ա. ԱՍՏՈՒԱԾԱՏՐԵԱՆ

12-17.08.63 թ.

Սիրելի ընկեր Ռ. Դարբինեան

Ուղարկում եմ Ձեզ Արամի կենսագրութիւնը ամսագրում հրատարակելու համար խնդրանք: Արամի լրիւ, ամբողջական կենսագրութիւնը կազմողը անհրաժեշտ է, որ Շ.Յ.Դաշնակցութեան Բիւրոյի դիւանից օգտուելու հնարաւորութիւն ունենայ: Ես, դժբախտաբար, այդ հնարաւորութիւնը չեմ ունեցել, ուստի այս գործը չի կարելի Արամի ամբողջական կենսագրութիւն համարել: Սա մի փորձ է միայն, չգիտեմ՝ որքան յաջող:

Արամի կենսագրութեան մէջ կայ մի կէտ, որի առթիւ անհրաժեշտ եմ համարում մի քանի խօսք ասել. դա Արամի եւ Դրոյի յարաբերութիւնների հարցն է: Իմ յուշերում Արամի մասին, որ լոյս են տեսել «Շայրենիք» ամսագրում եւ «Վէմ»-ում, այդ հարցի մասին ես անցել եմ լռութեամբ, աննպատակայարմար համարելով խօսել այդ տխուր ու ցաւալի պատմութեան մասին: Ես այդ բանն անում եմ հարկադրական եւ ահա թէ ինչու:

Դրոյի մահից յետոյ շատերս գրել ենք նրա մասին այս կամ այն չափով եւ ձեռով՝ մատնանշելով հանգուցեալի ցոյց տուած իրական ծառայութիւնները մեր ժողովրդի համար, սակայն եղան ընկերներ, որոնք Դրոյին արեցին վերագրումներ, որոնք աղերս չունեն իրականութեան հետ, նրան վերագրեցին գործեր, որ նա չի արել, այլ արել են ուրիշները:

Կարծում եմ, որ պատմութեան առաջ հասարակական գործիչը հանդէս պիտի գայ իր կատարած գործերով եւ ոչ թէ ուրիշների:

Դրօն իբրեւ բնածին տաղանդաւոր զինուորական գործիչ, այդ գծով (զինուորական) խոշոր գործեր է արել եւ այդ իմաստով էլ նրա անունն անցել է պատմութեան մէջ: Սակայն նրան վերագրել այնպիսի ազգային-հասարակական գործեր, որպիսին են Շայաստանի Շանրապետութեան մաքրագործումը օտար-թշնամի տարրերից կամ համարել նրան Շայաստանի Շանրապետութեան հիմնադիրներից մէկը, Երեսանի Ազգային խորհրդի գործնական շրջանում (դնելով նրան Արամի կողքին - ջնջուած է՝ Վ. Գ.) գրեթէ հաւասար Արամին, այդ կը նշանակէ թիրխմացութեան մէջ լինել, անտեղեակ իրականութեան: Անտեղեակ նաեւ Արամի եւ Դրոյի փոխյարաբերութեան՝ Երեսանի Շայոց Ազգային խորհրդի գործունէութեան շրջանում: Երեսանի այդ շրջանի գործիչներից ոչ ոքի գլխով չէր անցնի նման միտք. ոչ ոք Դրոյին Արամի կողքին չէր դնի՝ վերոյիշեալ իմաստով: Միայն մի օրինակ. երբ Արամը հրաժարուեց զինուորական վարիչի պաշտօնից, առաջարկելով Կենտրոնական կոմիտէին այլ թեկնածու ընտրել, այդ կոմիտէի անդամներից եւ ոչ մէկը տուեց Դրոյի անունը իբր յարմար թեկնածու այդ պաշտօնի համար: Ինչո՞ւ, որովհետեւ բոլորի համար պարզ էր, որ այն օրերին այդ պաշտօնի համար միայն զինուորական լինելը բաւական չէր, այլ անհրաժեշտ էր ունենալ եւ այլ յատկութիւններ, որոնցից զուրկ էր Դրօն: Իսկ լոկ զինուորական վարիչի պաշտօնի համար կային աւելի հեղինակաւոր ու ձեռնհաս զինուորականներ, ինչպէս օրինակ Վրիլկեանը, որի վրայ եւ կանգ առաւ Կենտրոնական կոմիտէն: Սակայն Սիլիկեանն էլ հրաժարուեց եւ չընդունեց այդ պաշտօնը նոյն պատճառաբանութեամբ: Եթէ Դրօն, իբր հանրային-ազգային դէմք ի վիճակի լինէր փոխարինել Արամին եւ ոչ մի կասկած, որ Կենտրոնական կոմիտէն անվարան կանգ կ'առնէր նրա թեկնածութեան վրայ: Իսկ Արամը Վարիչների մարմնի մէջ խուսափեց մտցնել նաեւ Դրոյին, թէ՛ եւ շատ յարմար պաշտօն կար նրա համար - ինքնապաշտպանութեան վարիչի պաշտօնը:

Դրօն Երեսանի Ազգային խորհրդի օրօք ինչ էլ որ արել է, արել է ի պաշտօնէ, ինչպէս միւս աչքի ընկնող զինուորականները, բայց ոչ իբրեւ առաջնորդող, իբրեւ ղեկավար հասարակական դէմք, ինչպէս յետին թուով նրան ներկայացնում են:

Միս այդ թիրխմացութիւնը ցրելու եւ իրականութիւնը մատնանշելու հանգամանքն է ինձ ստիպել այս անգամ հանգամանօրէն խօսել Արամի եւ Դրոյի յարաբերութեան մասին, զանց առնելով այդ պատմութեան աննպատակ տպաւորութիւնը Դրոյի համար: Գուցէ այս վերջին պարագան աչքի առաջ ունենալով, Դուք աննպատակայարմար համարէք այդ պատմութեան հրատարակելը եւ յապաւեք այդ: Այդ, ի հարկէ, Ձեր իրաւունքն է: Ունենալով հանդերձ այդ գիտակցութիւնը եւ առաջին անգամ լինելով, ես խնդրում եմ Ձեզ այդ բանը չանել՝ յանուն պատմական ճշմարտութեան: Այս յատկապէս այն դէպքում, եթէ կենսագրութիւնը յարմար համարէք ամսագրի համար:

Ձերն բարեւներով՝ **Ա. ԱՍՏՈՒԱԾԱՏՐԵԱՆ**

21.07.59 թ., Քելզրադ.

Սիրելի ընկեր Ռ. Դարբինեան

Այսօր «Յուսաբերից» իմացայ, որ ՇՅԴ Ամերիկայի Կենտրոնական կոմիտէի նախաձեռնութեամբ տօնուել է Ձեր գործունէութեան յիսնամեայ յոբելեանը: Կարդացի, լրագիրը մի կողմ դրի ու սկսեցի մտածել Ձեր մասին, Ձեր կատարած գործերի մասին: Դուք Ձեր երկարամեայ գործունէութեամբ մեր ազգի մշակութային ու յեղափոխական կեանքում բացառիկ մխիթարական երեւոյթների շարքին էք պատկանում: Ձեր գիտակցական կեանքի արշալոյսից մինչեւ մեր օրերը, յիսուն տարի շարունակ, Դուք՝ ուր որ էլ եղել էք՝ մեծ նուիրումով, հետեւողականութեամբ, տաղանդով ու յաջողութեամբ ծառայել էք մեծագոյն գաղափարներին - Ազգ, Շայրենիք, Մշակոյթ: Այդ պատճառով էլ իրաւամբ վայելում էք բոլորիս անվերապահ յարգանքը, համակրանքն ու սէրը: Ամբողջ սրտով ցանկանում եմ, որ երկար կեանք ունենաք եւ շարունակեք Ձեր ազգանուէր գործը:

Ընկերական ջերմ բարեւներով՝ **Ա. ԱՍՏՈՒԱԾԱՏՐԵԱՆ**

12.12.63, Քելզրադ.

Սիրելի ընկեր Ռ. Դարբինեան

Ներողամիտ եղէք, որ ժամանակին հնարաւորութիւն չեմ ունեցել շնորհակալութիւն յայտնել Ձեզ սեպտեմբերի 9ի նամակում արտայայտած գնահատականի համար Արամի կենսագրութեան մասին: Ձեր ջերմ վերաբերմունքը կրկնակի արժէք ունի, որովհետեւ խօսքը վերաբերում է Արամին: Իմ յիշողութեան մէջ Արամի ու Ռուբէնի անունները կապուած են անքակտելի կապերով: Երբ գրում էի Արամի մասին, գրեթէ շարունակ մտածում էի նաեւ Ռուբէնի մասին. իմ մտքում, կրկնում եմ, նրանք կանգնած են կողք-կողքի՝ անբաժանելի: Թէեւ բոլորովին տարբեր նկարագրի տէր մարդիկ էին, բայց զարմանալիօրէն կապուած էին իրար՝ իրենց վերաբերմունքով դէպի այն գործը, որին ծառայելու համար աշխարհ էին եկել:

Երբ վերջացրեցի Արամի կենսագրութիւնը եւ ուղարկեցի Ձեզ, մտքովս անցաւ՝ «Եթէ յաջող համարուի, պէտք է մտածել նաեւ Ռուբէնի կենսագրութեան մասին»: Ձեր վերաբերմունքը դէպի Արամի կենսագրութիւնը խթանի դեր է կատարում եւ բարոյական պարտականութիւն է դնում վրաս՝ աշխատել իրականացնել այդ մտածումս, թէեւ զգում եմ, որ իմ պայմաններում դժուար է այդ գործը յաջողութեամբ գլուխ հանել, իսկ առանց դրսի օգնութեան՝ գրեթէ անհնարին: Ուստի, առաջին հերթին դիմում եմ Ձեզ: Ինձ լաւ ծանօթ է Ձեր գրութիւնը, որ տեղ է գտել Ռուբէնի «Յիշատակների» առաջին հատորում՝ «Առաջաբանի տեղ» վերնագրով ու կենսագրական արժէքաւոր տեղեկութիւններով: Եթէ դրանից դուրս որեւէ կերպ ի վիճակի էք օգնել ինձ, շատ շնորհակալ կը լինեմ:

Վերջին նամակում առողջութիւն եւ յաջողութիւն էիք ցանկանում: Ծնորհակալութիւն Ձեր բարի ցանկութեան համար, բայց գիտէք՝ հասած ենք այնպիսի տարիքի (ութսունս անցել է), որ առողջութեան մասին մտածելը մի տեսակ շռայլութիւն է, հասած պտուղներ ենք, մի թերեւ քամի եւ չկանք...

Ի վերջոյ՝ մի ցանկութիւն: Ձեզ մօտ ունեմ երեք գրութիւն (Արամի կենսագրականով), պիտի խնդրէի, որ նախ հրատարակութեան տայիք Արամի կենսագրութիւնը, եթէ հնարաւոր է չուշացնէք:

Ծատ ջերմ բարեւներով եւ լաւագոյն ցանկութիւններով՝ Ձերդ,
Ա. ԱՍՏՈՒԱԾԱՏՐԵԱՆ

18.12.63, Բելգրադ

Սիրելի ընկեր Ռ. Դարբինեան

Մի բանի օր առաջ մի նամակ ուղարկեցի Ձեզ, իսկ երէկ ստացուեց «Շայրենիք» ամսագրի նոյեմբեր թիւը, ուր տեղ է գտել նաև Արամի կենսագրութեան առաջին մասը, ուստի անյարմարութեան զգացում ունեցայ «առաջ վազելու» համար:

Աղբիւրների ցանկում ցոյց չի տրուած տարաբախտ Օննիկ Մխիթարեանի «Վանի ինքնապաշտպանութիւն» աշխատութիւնը, որից շատ եմ օգտուել: Զգիտեմ ե՞ս եմ մոռացել յիշատակել, թէ գրաշարների անուշադրութեան հետեւանք է: Այսպէս թէ այնպէս, կարծում եմ, պէտք է յիշատակել նաև այդ աղբիւրի մասին եւ խնդրում եմ առաջիկայ համարներից մէկում այդ բանն անել:

Առիթից օգտուելով շնորհաւորում եմ Ձեր Նոր տարին եւ ցանկանում առողջութիւն եւ յաջողութիւն:

Սիրով Ձերդ

Ա. ԱՍՏՈՒԱԾԱՏՐԵԱՆ

Սիրելի ընկեր Ռուբէն

Ճնորհակալութեամբ ստացայ Ձեր ուղարկած 50 դոլարի չէկը յունուարի 3-ի նամակի հետ միասին: Միայն մի բան. այստեղի դրամատուները պահանջում է, որ չէկում անունս լրիւ գրուած լինի, այսինքն՝ Արշալոյս Աստուածատրեան եւ ոչ Ա. Աստուածատրեան: Անցեալներում ես այդ մասին գրել եմ «Շայրենիքի» վարչութեանը: Երեւում է, որ այդ մասին Ձեզ չեն յայտնել: Խնդրում եմ այդ հանգամանքը միւս անգամ ի նկատի ունենաք, որպէսզի դրամատանը գլխացաւանք չունենամ: Զգուշացրեցի, որ միւս անգամ չեն ընդունի, եթէ անունս լրիւ գրուած չլինի:

Դոլարները ձիշտ ժամանակին հասան: Կինս եւ փոքրիկ աղջիկս միտք ունեն երեւան գնալու մեր ազգականներին տեսնելու համար (երեւանցի ենք): Բայց վալիւտա չունենք, այդ պատճառով մտահոգուած ենք (դիմարներն այս երկրի սահմաններից դուրս արժէք չեն): Դիմարով տոմսակ կարող եմ առնել մինչեւ Մոսկուա, բայց յետոյ՝ կամ դոլար, կամ ռուբլի պիտի ունենալ, որ «Աստուած տայ»...

Ա. ԱՍՏՈՒԱԾԱՏՐԵԱՆ

22.1, Երկտողը՝ 3.2.64

Միրելի ընկեր Ռուբեն

Շնորհակալութեամբ ստացայ Ձեր ուղարկած 38,5 դոլարի չէկը: Մի քանի օր առաջ գրաւոր խնդրել եմ, որ չէկի վրայ անունս լրիւ գրէք եւ ոչ միայն առաջին տառերը: Խնդրում եմ այսուհետեւ դրամ չուղարկել մինչեւ ինձ հասանելիք հոկտեմբեր հասնի հարիւր դոլարի եւ այն ժամանակ ուղարկեցէք կնոջս անունով ~ Anait Astvacatrian-Muradian, Ruzveltowa 38, Belgrad, Yugoslavia:

Խնդիրը նրանումն է, որ կինս պատրաստում է Երեւան գնալու, եթէ թոյլ տան (շատ հաւանական է համարում), վիզան հաղիւ օգոստոս-սեպտեմբերին ստացուի: Իսկ դրամը խնդրում եմ նրա անունով ուղարկել, որովհետեւ այդպէս աւելի նպատակայարմար է, ամէն կարգի դժուարութիւններից ազատ ենք:

Մենք Երեւանում շատ ազգականներ ունենք, մանաւանդ կինս: Խնդրում եմ, որ գոնէ մի ամսով գնայ: Կինս էլ է ուղում, թէեւ առողջական վիճակը երեւելի չի: Երկար ժամանակով չէի համաձայնում, վախենում էի միայնակ թողնել: Այժմ վստահելի մարդ կայ, որի հետ միասին են գնալու:

Գալով Ռուբենի կենսագրութեանը, պիտի նորից ասեմ, որ Ձեր այնքան դրական վերաբերմունքը դէպի Արամը եւ ինձ շատ է խրախուսում, եւ ինչ որ կախուած է ինձանից, ես կ'անեմ Ռուբենի կենսագրութիւնն էլ գլուխ հանելու համար: Մտածում եմ, եթէ անգամ դրսից տեղեկութիւններ չստանամ, բաւականանամ ձեռքի տակ ունեցած նիւթերով: Գրել եմ Փարիզ թէ Ռուբենի կնոջը եւ թէ Ա. Խոնդկարեանին: Ցանկութիւնս է՝ կապուել Ռուբենի մեծ որդու հետ այն յոյսով, որ նա ինձ որոշ հարցերում կ'օգնի: Անհամբեր սպասում եմ պատասխանի:

Այսպէս թէ այնպէս, որոշումս վերջնական է՝ գրելու եմ: Ժամանակի խնդիր է: Թէ ընտանեկան պայմանները եւ թէ մանաւանդ աչքերիս վիճակը թոյլ չեն տալիս ուղածս չափով ու տեմպով աշխատել: Դուք չէք հաւատայ, եթէ ասեմ, որ Արամի կենսագրութեան վրայ աշխատել եմ տարուց աւել: Բայց շատ գոհ եմ, որ յաջող է ստացուել: Անկեղծօրէն ասեմ, չէի սպասում:

Ձեր առողջական վիճակը շատ է ուրախացնում ինձ: Յիշում եմ, անցեալներում հանգուցեալ Վահանը (Նաւասարդեան) իր նամակներից մէկում խօսելով Ձեր մասին, ի միջի այլոց, գրում էր. «Մեր մէջ միակ առողջ մարդն է»: «Մեր»՝ այսինքն՝ ղեկավարների, խմբագիրների: Անշափ ուրախ եմ, որ նրա ասածը ձիշտ է դուրս գալիս:

Մի քանի օր առաջ նամակ ունէի Արշամից, որը նոյնպէս 81 տարեկան է, բայց բազմաթիւ հիւանդութիւններ ունի եւ, բնականաբար, շարունակ տառապում է: Երեւակայեցէք, որ նա էլ է մտածում Շայաստան գնալու մասին ~ մօտ ազգականների կարօտը քաշում է:

Ձերմ բարեւներով եւ բարի ցանկութիւններով՝ Ձերդ Ա. ԱՍՏՈՒԱԾՎԱՏՐԵԱՆ

16.4.64, Քելզրադ

Սիրելի ընկեր Ռ. Դարբինեան

Շնորհակալութեամբ ստացայ Ձեր ուղարկած 54 դոլարի չէկը՝ երկտող նամակի հետ: Մի քանի օր առաջ ստացել եմ Ձեր նախորդ նամակը, որը կարդալով մի տեսակ անյարմարութեան զգացում ունեցայ: Ձեր այդ նամակից երեւում է, որ ես կանխավճար եմ խնդրել, իսկ «Շայրենիքի» վարչութիւնը աւանս չէր տալու: Բայց ես աւանս չեմ խնդրել, այլ խնդրել էի ինձ դրամ չուղարկել մինչեւ ինձ հասանելիք հոնորարը հասնի հարիւր դոլարի: Գուցէ Դուք Ձեր նախաձեռնութեամբ եք կամեցել կանխավճար ուղարկել ինձ (գրել էի, որ կիմս դիմում է կատարել Երեւան գնալու, բայց դոլարի կարիք ունենք)...

Գալով Ռուբէնի կենսագրութեանը պիտի ասեմ, որ այդ ուղղութեամբ աշխատում եմ: Նորից կարդում եմ իր «Յիշատակները», նիւթեր եմ հաւաքում: Փարիզից մինչեւ օրս պատասխան չունեմ: Բայց խոնդկարեանի նամակից գիտեմ, որ Վահիկը (Ռուբէնի մեծ որդին) Շնդկաստանում է եղել, այդ պատճառով էլ նամակս անպատասխան է մնացել, որ նոր է եկել եւ խոստացել է պատասխանել նամակիս: Միաժամանակ զգուշացրել է, որ շատ բան չսպասեմ իրենից: Գրելու է նաեւ մայրը: Տեսնենք: Ինչ էլ որ լինի խոստումս կատարելու եմ՝ գրելու եմ: Կարող է մի քիչ ուշանալ, որովհետեւ, ինչպէս գրել եմ, ընդհատումներով եմ աշխատում աշբերիս հիւանդութեան պատճառով:

Դեռ յունուարի վերջերին ես Ձեր անունով ուղարկել եմ երկու գրութիւն՝ Փետրուարեան ապստամբութեան մասին: Արդեօք ստացե՞լ էք: Կարծում էի, որ մէկը կը դնեք օրաթերթում, բայց չեմ տեսնուց: Ձե՞ք ստացել, թէ անյարմար էք համարել:

Ձերմ բարեւներով **Ա. ԱՍՏՈՒԱԾԱՏՐԵԱՆ**

Սիրելի ընկեր Ռուբէն

Ուղարկում եմ Ռուբէնի կենսագրութիւնը: Աւելի քան չորս ամիս սպասեցի Ռուբէնի որդու՝ Վահիկի խոստացած տեղեկութիւններին՝ Ռուբէնի կեանքի սկզբնական շրջանի, ինչպէս նաեւ արտասահմանում նրա կատարած գործերի մասին: Միայն յուլիսի 4-ին ստացայ նրանից երեք ընդարձակ գրութիւններ՝ գրած Ռուբէնի քրոջ աղջկայ (Ամիրբեկեանի), տիկին Աննայի եւ իր՝ Վահիկի կողմից: Առաջին երկուսի մէջ «հուր» չկար. քիչ օգտուն էլ Վահիկի գրածից: Մինչ այդ ես իմ ձեռքի տակ եղած նիւթերը մշակել ու մասամբ էլ սպիտակիկն էի քաշել:

Ինչպէս Արամի կենսագրութիւնը, սա էլ մի փորձ է, որ ես անում եմ, գլխաւորապէս Ձեր խորհրդով: Յաջող է թէ ոչ, որոշողը Դուք էք:

Խնդրում եմ երկտողով յայտնեք գրութիւնս ստանալու մասին, որպէսզի վստահ լինեմ, որ տեղ է հասել:

Ձերմ բարեւներով **Ա. ԱՍՏՈՒԱԾԱՏՐԵԱՆ**

15.10.64, Քելզրադ

Սիրելի ընկեր Ռուբեն

Ճնորհակալութեամբ ստացայ Ձեր ուղարկած 50 դոլարի չէկը՝ սեպտ. 25 նամակի հետ, որով յայտնում էք Ռուբենի կենսագրութեան ստանալու մասին: Խնդրում եմ, երբ ծանօթանաք կենսագրութեան հետ, մի քանի տողով յայտնեք նաև Ձեր կարծիքը, որը բնականաբար հետաքրքրում է ինձ:

Վ. Մինսխորեանի մահից յետոյ ես այստեղ կատարելապէս միայնակ եմ, որ շատ է նեղում ինձ: Այս ամառ մեր ընկերներից երկու հոգի այցելեցին Փարիզից: Յուլիսին եկաւ Ա. Փափազեանը, որից շատ տխուր տեղեկութիւններ իմացայ Սուրիայի մեր ընկերների քաշածների մասին եւ ապա մեր կուսակցութեան մէջ տեղի ունեցած, մեղմ արտայայտուած, տարածայնութիւնների մասին: Ծատ ցաւալի է, որ Ռոստոմների եւ Արամների կուսակցութիւնը մտահոգիչ վիճակ է ապրում...

Եկաւ նաև Ռուբենի մեծ որդին՝ Վահիկը, դժբախտաբար, շատ կարճ ժամանակով: Ծատ լաւ տպաւորութիւն ստացայ: Ծանօթ էի միայն նամակագրութեամբ: Մօտը Ռուբենից մնացած գրութիւններ կան. խորհուրդ տուի յանձնել կուսակցութեան դիւանին:

Վերջացնելով երկտողս՝ նորից խնդրում եմ Ռուբենի կենսագրութիւնը աչքի անցկացնելուց յետոյ, գրեք Ձեր կարծիքը:

Ձերմ բարեւններով **Ա. ԱՍՏՈՒԱԾԱՏՐԵԱՆ**

25.11.64, Քելզրադ

Սիրելի ընկեր Ռուբեն

Ճնորհակալութեամբ ստացայ նոյեմբեր 12-ի Ձեր նամակը 50 դոլ. չէկի հետ միասին:

Ես կասկած չունեի, որ Ռուբենի կենսագրութիւնը թերութիւններ ունենալու է: Գոհ եմ, որ այդ թերութիւնները Դուք «պատիկ» էք համարում:

Դուք թերահաւատութեամբ էք վերաբերում դէպի Ռուբենի Տոմսկում լինելու հանգամանքը: Բայց այդ մասին թէև անցողակի, սակայն կասկած չվերցնող յիշատակութիւն կայ իր «Յիշատակներում»: Այդ մասին Ռուբենը պատմել է նաև թէ կնոջը եւ թէ որդուն (Վահիկին), ինչպէս նաև Արշամին: Այդ եւ գիտեմ Վահիկի եւ Արշամի ինձ գրած նամակներից: Միայն որոշ չէ Տոմսկ գնալու ժամանակը եւ այն թողնելու պատճառը: Ընդհանրապէս պիտի ասել, որ մինչև կուսակցութեան մէջ մտնելը, Ռուբենի կեանքում տեղի ունեցած դէպքերի ճիշտ ժամանակը, տարիները անորոշ են:

Շոկտեմբերի սկզբներին հիւրի հանգամանքով շատ կարճ ժամանակով այստեղ ինձ մօտ եղաւ Վահիկը: Սրտածըմլիկ բաներ պատմեց իր հօր վերջին տարիների քաշած տառապանքների մասին: Ինչ-որ անիծած լեզու լուր է տարածել, թէ Գէորգ Չաուշին Ռուբենն է սպանել... Կարո՞ղ էք երեւակայել այդ սուտ լուրի բացասական տպաւորութիւնը մեր ընկերոջ վրայ: Որքան գիտեմ, Արամից յետոյ Գ. Չաուշն այն մարդն էր, որին շատ բարձր էր գնահատում Ռուբենը: Իր գծի վրայ կանգնած ընկերների մէջ Արամին էր բացառիկ համարում, իսկ զինուորների-ֆիդայիների մէջ՝ Չաուշին: Լաւ յիշում եմ՝ իր յուշերում մի տեղ խօսելով Չաուշի մասին՝ «մեծ մարդ» է համարում նրան: Կրկնում եմ, որքան ես գիտեմ, Արամից բացի ոչ մէկի մասին Ռուբենը նման կարծիքի չի եղել: Վահիկը չգիտէր, թէ որտեղի՞ց է ծագել այդ հրէշային լուրը: Շայրը չի ասել, շատ չի կամեցել այդ մասին խօսել (հաղիւ թէ կասկածելի է, որ այն մեր շարքային ընկերների, եւս առաւել զինուորների մտքի արգասիքն է: ~ Բնագրում այս նախադասութիւնը ջնջուած է՝ Վ. Գ.):

Շնտաքրքրական բաներ է գրում նաև Խոնդկարեանը Ռուբենի դաւադրական փորձի մասին՝ սպանել Չիտենկելիին, գրաւել «Ծօթօւ»-ը, բանտարկել Կարձիկեանին, Գեգեչկորիին ու միւսներին:

Ռուբենի այդ միտքը անհաւանական չեմ համարում, բայց կենսագրութեան մէջ անյարմար համարեցի այդ մասին յիշատակել:

Յոյս ունեմ, որ Ձեր առողջական վիճակը լաւ է: Մեծ հետաքրքրութեամբ ըստ սովորականի, կարդում եմ Ձեր յօդւածները:

Ձերմ բարեւններով ու բարի ցանկութիւններով **Ա. ԱՍՏՈՒԱԾԱՏՐԵԱՆ**

12.02.65 թ., Քելզրատ

Միրելի ընկեր Ռուբէն

Եփրեմի նամակից իմացայ Ձեզ հետ պատահած արկածի-դժբախտութեան մասին եւ սիրտս կծկուեց ցաւից ու երկար ժամանակ չէի կարողանում հանգստանալ... Ինչպէ՞ս կարող էք այդքան անզգոյշ լինել: Ծակատագիրը խնայել է Ձեզ եւ բոլորիս եւ... թերեւ էք պրծել: Եթէ հաւատացող լինէի, այդ առթիւ անպայման կը գնայի եկեղեցի, մոմ կը վառէի եւ աղօթք կանէի ամենակարողին առ այն, որ շուտ ապաքինուեք եւ դառնաք Ձեր աշխատանքներին:

Ձերմ բարեւներով ու սիրով **Ա. ԱՍՏՈՒԱԾԱՏՐԵԱՆ**

Շ. Գ. Մի երկու օր առաջ մի յօդուած ուղարկեցի Մ. Թուլուեանին Վ. Մինախորեանի մասին մահուան 20-ամեակի առթիւ՝ օրաթերթի համար: Այդ գրութիւնը աւելի յարմար կը լինէր ամսագրի համար, բայց այն աննշան փոփոխութեամբ անցեալները լոյս է տեսել ամսագրում:

Նոյն

25.08.65 թ., Քելզրատ

Միրելի ընկեր Ռուբէն

Եփրեմի վերջին նամակից իմացայ, որ Ձեր առողջական վիճակը լաւանում է եւ Դուք շուտով հնարաւորութիւն կ'ունենաք վերադառնալու տուն՝ Բոստոն: Այդ առթիւ յայտնում եմ իմ անկեղծ ուրախութիւնը, որ կասկած չունեմ ուրախութիւնն է հայերէն բոլոր մտածողների:

Ձերմ բարեւներով ու բարի ցանկութիւններով **Ա. ԱՍՏՈՒԱԾԱՏՐԵԱՆ**

4.05.66, Քելզրատ

Միրելի ընկեր Ռուբէն

Լոս-Անջելեսից Եփրեմի գրած նամակից գիտէի, որ Ձեր առողջական վիճակը այնքան լաւացել է, որ գնացել էք Ձեր տուն՝ Բոստոն: Այնուհետեւ սպասում էի Ձեր գրութիւնների երեւան գալուն օրաթերթում: Սպասումս երկար տեւելով՝ անհանգստացայ եւ մի երկտողով գրեցի ընկեր Վոլոդեային՝ տեղեկութիւններ խնդրելով Ձեր մասին: Մի երկու օր առաջ եկաւ նրա պատասխանը, որով յայտնում էր, որ բոլորովին կազդուրուել էք եւ անցել Ձեր սովորական աշխատանքներին: Գրեթէ միաժամանակ եկան եւ թերթերը, որոնցից մէկում կար եւ Ձեր յօդուածը:

Ինչ խօսք, որ շատ ուրախացայ եւ այս տողերը գրում եմ հանգիստ սրտով:

Ամսագրի վերջին համարներում չկայ Ռուբէնի կենսագրութեան շարունակութիւնը: Չլինի թէ Ձեր բացակայութեան ժամանակ «դժբախտութիւն» է պատահել գրածիս հետ:

Ամսագրի համար մի յօդուած էլ եմ ուղարկել («Սովետական Շայաստանը բոլոր աշխատատեղի հայերի հայրենիքն է»): Արդեօք ստացել էք, թէ ոչ եւ եթէ այո, յարմա՞ր էք համարում տպագրելու համար:

Վերջացնելով երկտողս՝ ցանկանում եմ, որ եկող 1966 տարին ըստ ամենայնի լինի յաջողութեան տարի:

Ձերմ բարեւներով՝ Ձերդ **Ա. ԱՍՏՈՒԱԾԱՏՐԵԱՆ**

14.06.66, Քելզրադ

Սիրելի ընկեր Ռուբեն

Քիչ ուշացումով ստացել եմ Ձեր 7.04-ի վերջին նամակը՝ չէկի հետ միասին: Ճնորհակալություն:

Բէյրութի ընկերները ուղարկել էին ինձ Յ. Թուրշեանի «Սարդարապատի հերոսամարտը» գիրքը՝ խնդրելով գրախօսել այն:

Չգիտեմ, ծանօթ էք այդ գրքին, թե ոչ: Թէև գրքի բովանդակությունը այնքան էլ չի համապատասխանում վերնագրին: Գրքի բովանդակությունը վերաբերում է քաղաքական այն անցողիկ արձիվին, որ ստեղծուել էր Անդրկովկասում ռուսական յեղափոխությունից յետոյ եւ որը սերտ կապ ունէր հայ կեանքի հետ: Միաժամանակ հեղինակի նպատակն է վարկաբեկել Դաշնակցութեանը եւ դաշնակցականներին՝ վարէն վեր՝ պղտոր ջրով լուանալով նրանց գործունէութիւնը այդ շրջանում: Տեղ-տեղ գիրքը պարսաւագրի տպատրուբին է ձգում: Ընդհակար ձեռքի տակ ունեցել է նիւթին վերաբերող բազմաթիւ աղբիւրներ, որոնք օգտագործում է «նպատակայարմար» ձեւով, միշտ դաշնակցականներին մրտաւելու նպատակով:

Այդ գրքի առթիւ ես մի ընդարձակ գրութիւն կազմեցի եւ ուղարկեցի Բէյրութի ընկերներին: Ըստանել եմ եւ մտադիր եմ առանձին գրքոյկով հրատարակել, ենթադրելով, որ այդ ձեւով աւելի շատ ընթերցողներ կ'ունենան երկրում: Եթէ յարմար համարեք, այդ գրութիւնը կ'ուղարկեմ Ձեզ, բայց ամսագրի համար մի քիչ ընդարձակ է՝ մօտ հարիւր տասը էջ: Կարող եմ կրճատել, եթէ այդ ցանկալի համարեք: Աչքերիս վիճակն ի նկատի ունենալով է, որ առանց Ձեր կարծիքն իմանալու չեմ վստահանում ուղարկել:

Այժմ մի այլ խնդիր:

Արդեօք Կենտրոնական կոմիտէն հնարատրութիւն ունի՞ Արամի ու Ռուբէնի կենսագրութիւնները միասին առանձին գրքով հրատարակելու: Այս դիմումը որեւէ նիւթական ակնկալութիւն չունի. այդ տեսակէտից բոլոր իրաւունքները վերապահում եմ հրատարակողին:

Այս դիմումը ես Ձեր միջոցով եմ անում Ամերիկեան Կենտրոնական կոմիտէին այն վստահութեամբ, որ համաձայնութեան դէպքում որեւէ կրճատում չի արուի: Կենսագրականները կը հրատարակուեն նոյն վիճակում, ինչ վիճակում լոյս են տեսել Ձեր խմբագրութեան ամսագրում: Այս նպատակով է, որ ուրիշ դուռ կայ, բայց չեմ ուզում թակել: Մեծ յոյս ունեմ նաեւ Ձեր բարոյական աջակցութեան (խօսքի) վրայ:

Ձերն բարեւներով Ձեր Ա. ԱՍՏՈՒԱԾԱՏՐԵԱՆ

5.03.67, Քելզրադ

Սիրելի ընկեր Ռուբեն

Շիւանդ պառկած էի, երբ ստացուեց յունուարի 16-ի թուակիրը, որով իմացնում էք, թէ հնարաւոր չէք համարում դնել ամսագրում «Սարդարապատի» մասին ուղարկածս գրութիւնը եւ որ «Շայրենիքի» տպարանն էլ հնարատրութիւն չունի առանձին գրքով լոյս ընծայելու Արամի եւ Ռուբէնի կենսագրականները: Միաժամանակ ցանկութիւն էք յայտնում - եթէ նոր գրութիւն ունեմ ամսագրի համար, ուղարկեմ Ձեզ:

Ներփակ ուղարկում եմ «Շայ ժողովրդի ողբերգութիւնը» գրքի գրախօսականը, որը անցեալ տարի լոյս տեսաւ «Յուսաբերում»: Այդ գրութիւնը վերամշակելով ուղարկում եմ ամսագրի համար:

Այժմ առողջական վիճակս համեմատաբար լաւ է:

Ձերն բարեւներով ու սիրով Ա. ԱՍՏՈՒԱԾԱՏՐԵԱՆ

14.12.67 թ., Բելգրադ

Սիրելի ընկեր Ռուբեն

Ստացայ 2 դեկտեմբերի թուակիր Ձեր նամակը:

Ուրեմն ամսագիրը մօտ քառասուն եւ հինգ տարի պատուով ծառայելով իր կոչմանը - հայ մշակոյթին ու Հայ Դատին - հանգստի է կոչում: Ամսագրի ընտանիքի անդամները սիրով պէտք է բաժանուեն նրանից՝ լսագոյն յուշեր պահելով իրենց սրտերում: Նոյն վերաբերմունքը պէտք է ունենան դեպի ամսագրի խմբագրապետը:

Մի երկու օրից կ'ուղարկեմ Ձեզ մի գրութիւն Փետրուարեան ապստամբութեան մասին:

Խորին ցաւով կարդացի Ձեր աչքերի մասին... Այնուամենայնիւ, զարմանալի տոկունութեամբ շարունակում էք Ձեր պատասխանատու աշխատանքները: Մի ցանկութիւն ունեմ - երկար ու երկար տեւի այդ տոկունութիւնը:

Բարեւներով ու սիրով՝ **Ա. ԱՍՏՈՒԱԾԱՏՐԵԱՆ**

1.01.68 թ., Բելգրադ

Սիրելի ընկեր Ռուբեն

Ստացայ «Հայրենիք» ամսագրի անցեալ տարուայ վերջին (դեկտեմբեր)-ի համարը: Իմ գրութեան մէջ մի անախորժ սխալ կայ: 69 էջում վերից վար 8-րդ տողում գրուած է «Ճանապարհին հանդիպում են 67 հայ զինուորներ»: Սխալ է ցոյց տուած թիւը: Պիտի լինի 6-7 (վեց-յոթ):

Կարծում եմ ամսագրի առաջիկայ համարում այդ սխալը պէտք է շտկել:

Ձերմ բարեւներով՝ **Ա. ԱՍՏՈՒԱԾԱՏՐԵԱՆ**

8.08.68 թ., Բելգրադ

Սիրելի ընկերներ

Խորին ցաւով կարդացի մեր սիրելի ընկ. Ռուբեն Դարբինեանի մահուան մասին: Կորուստն այնքան մեծ է, որ խօսք չեմ գտնում մխիթարելու ձեզ եւ բոլորիս...

Թող իր կեանքը օրինակ լինի մեզ, իսկ յիշատակը յաւէտ անմոռանալի:

Ա. ԱՍՏՈՒԱԾԱՏՐԵԱՆ

ԿԱՆԽԱՏԵՍՈՒՄ և ԿԱՆԽՈՐՈՇՈՒՄ

Կանխատեսումն իրականութեան իմացութեան վրայ հիմնուած ապագայի, գալիքի, հնարաւոր զարգացումների ու արդիւնքի գուշակութիւնն է: Որքան մեծ է իրականութեան՝ բնութեան ու հասարակութեան օրինաչափութիւնների իմացութիւնը, այնքան ճշգրիտ է կանխատեսումը: Իրականութեան իմացութեամբ կանխատեսում են յաղթանակներ եւ պարտութիւններ, վերելք եւ անկում, պատերազմ եւ խաղաղութիւն, փոթորիկ եւ անմայ երկինք, յեղափոխութիւն, յեղաշրջում, հասարակարգի փոփոխութիւն... Իրականութեան մեծ իմացութեամբ կանխատեսումները դառնում են մարգարտութիւններ, կանխատեսողները՝ մարգարէներ: Մարգարտութիւններով ու մարգարէներով համեմուած մարդկային կեանքը դառնում է հետաքրքիր, բազմաբովանդակ, հարուստ, մարդկային կեանքն, ուղղակի, թրթում է պօեզիայով, գեղեցիկի ընկալումով, բարոյականութեամբ, նպատակի որոշակիութեամբ: Կանխատեսումը թէ գիտութիւն է եւ թէ արուեստ: Նա չի հրամայում, չի թելադրում, չի վճռում, չի պարտադրում: Միայն ցուցանում է: Քոնն է ընտրութիւնը՝ յաղթել կամ պարտուել, վերելքի նպաստել կամ անկմանը, յեղափոխական շարքերն անցնել կամ վարագոյրի ետեւից ծիկրակել յեղաշրջման ընթացքին, պատերազմական կամ խաղաղասիրական կոչեր արտասանել, ծանրութեք անել քանդուող եւ կառուցուող հասարակարգերի առաւելութիւններն ու թերութիւնները: Կանխատեսումը քեզ մասնակցի կարգավիճակ է պարզելու: Եւ դու քեզ լիարժէք մարդ ես զգում: Թերեւս, քո մէջ կանխատեսման քնած շնորհք էլ է արթնանում:

Կանխորոշումը գործողութիւն է՝ հրամայող, թելադրող, վճռող, պարտադրող: Լաւագոյն դէպքում կանխորոշումը կանխատեսումն է ջանում կեանքի կոչել: Եթէ թերի է կանխատեսումը, թերի է եւ կանխորոշումը: Միայն է կանխատեսումը, սխալ է եւ կանխորոշումը: Չկայ կանխատեսում, կանխորոշումն ինքն է դառնում դրութեան տէր՝ թէ գուշակում է եւ թէ վճռում:

Մեր երկրում, ցաւօք, դրութեան տէր է ահա այս տակի կանխորոշումը: Որովհետեւ՝ իսպառ բացակայում է կանխատեսումը: Եթէ նոյնիսկ մարգարէներ են շրջում Հայոց լեռներում եւ բանաստեղծներ (իսկ նրանք, իրօք, շրջում են, չեն կարող չշրջել), ապա նրանց ծայնը, խօսքը, շունչը զարկուելով հին ու նոր համակարգերի հին ու նոր պատերին, չեն հասնում կանխորոշողին: Եւ կանխորոշումն աստիճանաբար վերածուում է չարիքի:

Ամենայն բան կանխորոշուած է մեր երկրում. կանխաւ գիտենք, թէ ով է յաղթելու այս կամ այն ընտրութեանը, ով է շահելու այս կամ այն մրցոյթում, այս կամ այն աճուրդում: Եթէ, երբեմն, շեղումներ են լինում, ապա շատ շուտով պարզում է, որ դրանք էլ են եղել կանխորոշուած: Կանխորոշում են նոր կուսակցութիւնների ստեղծումը եւ որոշ հմերի թուլացումը: Կանխորոշում են օրէնքների նախագծերը եւ դրանց քուէարկութիւնը, կանխորոշում են ծառահատումները եւ անտառահատուածների զաւթումները: Կանխորոշում են առանց այն էլ խճողուած մայրաքաղաքում միաժամանակեայ շինարարութեան աննախադէպ այս շփոթը, Երեւանի նոր տեսքը, մեր երկրի տնտեսական զարգացման ուղղութիւնը, Սեւանայ լճի մակարդակի բարձրացումն ու իջեցումը, քամիների ուժգնութիւնը, տեղումների քանակը, գիտութեանն ու մշակոյթին յատկացուող գումարները, տարբեր ոլորտներում բարեփոխումների տեսակն ու ծաւալը, եւ այլն, եւ այլն...

Խորհրդային տարիներից մի անեկդոտ է հասել մեր օրերը. պատմութիւն առարկայից քննուող երկու դիմորդներից մէկը պիտի ընդունուի համալսարան (կանխորոշուած է), իսկ միւսը՝ ոչ, որովհետեւ երկու տեղ չկայ: Նրան, ով պիտի ընդունուի, դասախօսը հարցնում է.

- Երիտասարդ, գիտես, չէ՞, որ Հայրենական պատերազմը սկսուել է 1941 թուականի յունիսի 21-ի լոյս 22-ի գիշերը:
- Այո,- պատասխանում է դիմորդը:
- Ապրես,- ասում է դասախօսը,- իսկ գիտես, չէ՞, որ այդ պատերազմի ընթացքում Խորհրդային Միութիւնը կորցրեց 20 միլիոն մարդ:
- Այո,- պատասխանում է դիմորդը:
- Ապրես,- ասում է դասախօսը:- Գերագանց:
- Միւսին, որը պիտի չընդունուի (կանխորոշուած է), դասախօսը հարցնում է.
- Ասացէք, խնդրեմ, ե՞րբ է սկսուել Հայրենական մեծ պատերազմը:
- 1941 թուականի յունիսի 21-ի լոյս 22-ի գիշերը,- պատասխանում է դիմորդը:
- Իսկ գիտե՞ս, թէ քանի զոհ է տուել այդ պատերազմում Խորհրդային Միութիւնը:
- Քսան միլիոն,- պատասխանում է դիմորդը:
- Իսկ հիմա, սիրելիս,- ասում է դասախօսը,- այբբենական հերթականութեամբ թուարկիր բոլոր զոհերի անուն-ազգանունները:

Չաւե՞շտ է: Լսողներիս համար, թերեւս, բայց ոչ երբեք՝ դիմորդի: Իսկ երբ բոլորս ենք դառնում դիմորդ, զաւեշտը չի ցնդում որպէս վաղորդեան ցօղ, այլ վերածուում է անզօր ատամկրճտոցի:


Եւ այս դէպքում, առանց Հայոց լեռներում շրջող մարգարէների ու բանաստեղծների կանխատեսութեան էլ պարզ է, որ մենք դեռ երկար ժամանակ յանգերգելու ենք Քերթողահօր տխուր ողբը:

Ռուբէն ՅՈՎՍԷՓԵԱՆ

Հ. Յ. Դաշնակցության քննական պատմություն

Գեորգ Խուդինեան, Դ. Յ. Դաշնակցության պատմություն. ակունքներից մինչև 1895 թուականի վերջերը, Հրատարակություն Դ. Յ. Դաշնակցության, Երևան, 2006, 440 էջ:

Հայ Յեղափոխական Դաշնակցության անցած պատմական ուղին եւ յատկապէս նրա ակունքների, ձեւաւորման գործընթացի, գործունէութեան վաղ շրջանի ու գաղափարախօսութեան հանդէպ միշտ էլ ուշադիր, բայց խիստ շահախնդիր վերաբերմունք են դրսեւորել հայ պատմագիտութիւնը եւ հայ հասարակական-քաղաքական միտքն ընդհանրապէս: Իր ուսումնասիրութիւնների արդիւնքում այս եզրահանգման է եկել պատմագիտութեան դոկտոր Գեորգ Խուդինեանը: Նրա՝ «Հ. Յ. Դաշնակցության քննական պատմություն. ակունքներից մինչև 1895 թուականի վերջերը» գիրքը, որ տպագրուել է ՀՀ ԳԱԱ Պատմութեան ինստիտուտի գիտական խորհրդի երաշխատրութեամբ, առաջին հայեացքից, թում է, շատ կարճ մի ժամանակահատուած է ներառում իր մէջ: Բայց հէնց այդ կարճ ժամանակահատուածի քննական իմացութիւնն է, որ թոյլ է տալիս ճիշտ հասկանալու ինչպէս հայ ազգային-ազատագրական շարժման երկու՝ մինչևկուսակցական ու կուսակցական շրջափոխների միջև յստակ ժառանգորդականութիւնը, այնպէս էլ Հայոց պետականութեան ձեւաւորման գաղափարա-քաղաքական նախադրեալների ու պայմանների հասունացումը 20-րդ դարասկզբին:




Հեղինակը գրքի ծաւալուն առաջաբանում նաեւ անդրադառնում է ՀՅԴ պատմութիւնը ահաբեկչութեան ու ծայրայեղականութեան արդի դրսեւորումների հետ կապելու որոշ հայ հեղինակների ու հայատառ պարբերականների անպտուղ ջանքերին, որոնք Հայոց ցեղասպանութեան ճանաչման գործընթացի ծաւալմանը զուգընթաց կորցնում են իրենց քաղաքական ենթահողը:

Մենագրութեան մի առանձնայատկութիւնն էլ այն է, որ ՀՅԴ համահայկական կառոյցի կազմաւորման վաղ շրջանի մանրակրկիտ ուսումնասիրութեան արդիւնքում ի յայտ են գալիս մեծ թուով անյայտ գործիչներ ու դէմքեր, որոնց գործունէութեան հետ կապուած մի շարք մանրամասներ դեռ հետազօտութեան ու գնահատման կարիք ունեն:

Դրօ


Համլէտ Գեորգեան, Դրօ, Դրաստամատ Կանայեանի կեանքն ու գործունէութիւնը, «Լուսակն» հրատարակչութիւն, Երևան, 2007, 670 էջ:



Հեղինակը՝ Համլէտ Գեորգեանը, փաստում է, որ մինչև անցեալ դարի 90-ական թուականները, չնայած իրենց բացառիկ ծառայութիւններին, հայութեան գոյապայքարում եւ ազատագրուած հայրենիքի պետական շինարարութեան մէջ ունեցած վճռորոշ եւ անգնահատելի դերին, մեր Ազատամարտի անպարտելի ռազմիկներից շատերի, այդ թում եւ Դրոյի կեանքն ու գործունէութիւնը ըստ արժանւոյն ուսումնասիրուած չէր:

1991-ից սկսած այդ բացը լրացնելու փորձեր, ճիշտ է, արուել են, բայց դեռ անհրաժեշտ է, որ հայրենական պատմագիտութիւնն իր անկողմնակալ ու գիտական խօսքն ասի անցեալ դարասկզբի եւ, մասնաւորապէս, Հայաստանի Հանրապետութեան կերտման եւ այդ գործում հայ քաղաքական կուսակցութիւնների ու առանձին գործիչների դերի ու ծառայութիւնների գնահատման վերաբերեալ:

«Դրօ» ծաւալուն աշխատութեամբ, որ ըստ էութեան դեռես 1991-ին լոյս տեսած «Դրոն» եւ 1999 եւ 2000 թուականներին «Դրօ» վերնագրով վերահրատարակուած աշխատութեան առաւել ճշգրտուած եւ ամբողջականացուած վերահրատարակութիւնն է, հեղինակը արխիւային նորայայտ փաստաթղթերի, յուշագրութիւնների, վկայութիւնների ու արդէն հրապարակի վրայ գտնուող մի շարք աշխատութիւնների ուսումնասիրութեամբ փորձել է անաչառօրէն ներկայացնել եւ արժեւորել հայ ժողովրդի ազատագրութեան պայքարին նուիրուած ամենանշանաւոր հայորդիներից մէկի՝ Դրոյի (Դրաստամատ Կանայեան) կեանքն ու գործունէութիւնը, մի գործունէութիւն, որ մեծապէս պայմանաւորուած է մենագրութեան հերոսի հետեւեալ դաւանանքով. «Ես ոչ մէկ ժողովրդի հանդէպ ատելութիւն չունեմ, բայց վայ այն ազգին, որ կը համարձակուի վատութիւն անել հայ ժողովրդին, նա լինի թուրք, ռուս կամ այլ ազգի, ես զէնք պիտի վերցնեմ նրա դէմ... »:



Ռուդոլֆ Խաչատրեան

Չիմա, երբ աւարտուել է Ռուդոլֆ Խաչատրեանի երկրային կեանքը եւ սկսուել նրա ժառանգութեան «գոյքագրումը», վերաիմաստաւորումն ու վերարժեւորումը, անհրաժեշտ է յիշել նկարչի կայացման վկաների գնահատականները, որ մի-մի քար են, մի-մի դոյլ շաղախ՝ ապագայ պատուանդանի համար: Բազմաթիւ ու բազմազան են այդ գնահատականները եւ դրանց բոլորի նմանութիւնը մէկն է՝ գիտակցումը, որ առնչուում են մեծ, ինքնատիպ երեւոյթի հետ:

Ահա այդ գնահատականներից մէկը.

Խորաքանջիւր իսկական արուեստագէտ գիտէ իր մասին ամենայն բան: Եւ այս իմացութիւնը սկսում է շատ վաղ: Արուեստագէտն

ինքն է հասունացնում իր ձակատագիրը, մշտապէս զգում իր շարժումը:

Մեծ դերասաններին խաղալ, մեծ գրողներին գրել չեն սովորեցնում: Սովորեցնել բացայայտել՝ անհնար է: Իսկ Խաչատրեանը շարժում է դէպի բացայայտում. ահա սա է նրա ձանապարհը:


Ի՛նչ երջանկութիւն է լինել ինքն իր հետ, ստեղծել սեփական վարպետութիւնը, պարզել, պարզել կեանքի գաղտնիքները, բայց եւ հասկանալ, որ ինչ-ինչ բանի չես հասնի երբեք:

Նրանք, ովքեր հաւատարիմ են իրենց, ով չի յոգնում բացայայտել այն, ինչ բնութիւնից դրուած է իր մէջ, նա յաջողում է:

Նայիր եւ կը տեսնես. ամէն ինչ ընթանում է այնպէս, ինչպէս դու էիր ծրագրել: Դու այդ ամէնը գիտէիր, երբ դեռես մանչուկ էիր:

Եւ յետագայում էլ կը լինի այնպէս, ինչպէս պետք է: Դա ձանապարհ է: Պարզապէս հիմա դու ելել ես բարձունք եւ տեսնում ես հեռուն: Ընդամենը սա է:

Միխայիլ Ռոշչին,
ռուս գրող



«ԴՐՕՇԱԿ»-ի պատկերասրահ

